



B 12

6

183

BIBLIOTECA NAZIONALE  
CENTRALE - FIRENZE



COSMI  
Philoso  
phici

Friderici  
Giannetti  
Albianensis  
Tomus V

Flōrentiæ

Sub Signo Conceptionis

M D C

X C II

FIRENZE

B<sup>o</sup>12 6.183



FRIDERICI GIANNETTI

ALBIANENSIS S. T. D.

*Ex Presbyteris Congreg. Iesu Salvatoris  
Insignis Colleg. Flor. S. Laurentii Canonici  
atque Academici Apatistæ*

COSMVS PHILOSOPHICVS

S E V

ARISTOTELICÆ PHILOSOPHIÆ  
Vniuersalis

EXPLANATIO

*In commodum studiosæ Iuuentutis editæ*

Serenissimo Principi


COSMO III.

ET RVRIÆ MAGNO DVCI

Dicata

TOMVS QVINTVS

*Metaphysicæ, & Ethicorum libros  
complectens.*



FLORENTIÆ M. DC. XCII.

Sumptibus Petri Aloyfi Charlier sub  
signo Conceptionis

---

Apud Antonium Navesi. De Super. licentia.

THE  
OFFICE OF THE  
SHERIFF  
COUNTY OF  
LOS ANGELES  
CALIFORNIA

ALL  
DEBTS  
DUE TO  
THE  
COUNTY OF  
LOS ANGELES  
SHALL BE  
PAID TO THE  
SHERIFF

AT THE  
COUNTY CLERK'S  
OFFICE  
IN THE  
CITY OF  
LOS ANGELES  
CALIFORNIA

FOR THE  
REASON THAT  
THE  
COUNTY OF  
LOS ANGELES  
IS A  
BODY CORPORATE  
AND THE  
SHERIFF IS  
ITS OFFICER

# DEFINITIONES

DESCRIPTIONES VÆ

Ex hoc V. Tomo

IN VNVM COLLECTÆ

vj  
DEFINITIONES  
DESCRIPTIONESVE

Ex hoc V. Tomo in unum collectæ

Q V Æ

RERVM INDICIS VICE

*Defungi possunt .*

*Metaphysica.*



ST prima sapientia , quia in di-  
vinarum rerum naturali cogni-  
tione versatur . 2.

Supra Physicam constituta . 2.

Princeps & domina aliarum scien-  
tiarum , quia objectum excellentius cæ-  
teris habet , & earum principia quo-  
dammodo confirmat . 2.

Objectum habet non tam latè patens  
quam intellectus , cum hic attingat e-  
tiam impossibilia , ad quæ metaphy-  
sicæ objectum non se extendit , nisi per  
accidens . 6

*Ens*

*Abstractissimè acceptum* est quod etiam  
impossibilia comprehendit 2.

*Reale* Quidquid habet convenientiam  
aliquam in ratione essendi . 9.

Tum

Tum entia per se, tum entia per accidens complectitur. 2.

Proprietates habet metaphysicas, quæ sunt Vnitas, Veritas, Bonitas. 3.

*Per accidens* est aggregatum ex multis, quod cum non sit per se unum, non potest habere propriam definitionem, nec cadere sub scientiam. 4.

*Rationis effectivè* quidquid a ratione, seu intellectu efficitur. 85.

*Subjectivè* quidquid in intellectu, tanquam in subjecto recipitur. 85.

*Objectivè* quidquid intellectui considerandum objicitur. 86.

*Purè objectivè* quod habet esse objectivè tantum in intellectu. 87.

Quod formatur tantum concipiendo per modum entis id, quod ens non est. 89.

### *Essentia.*

*Realis*, secundum quam ens denominatur ens. 11.

Vocatur etiam quidditas rei, quia per ipsam concipitur, & exprimitur quid res sit. 12.

Primum rei constitutivum, & radix omnium proprietatum, & operationum eidem convenientium. 11.

Id quod per definitionem explicatur. 12.

viii.

Quod primò concipitur de re . 12.

*Logica* intrinseca connexio prædicati  
essentialis cum subiecto . 44.

*Physica* primum illud prædicatum ,  
per quod res quælibet actu est , id quod  
est extra suam causam efficientem. 45.

*In statu possibilitatis , seu prius quam  
a Deo fiat* , non est aliqua res verè ,  
nec habet ullum esse reale extra De-  
um , sed absolutè nihil est . 45.

*In actu* distinguitur ab ea essentia  
quæ est in potentia , tanquam ens a  
non ente simpliciter . 45.

*Esse .*

*A se* quod sufficit sibi se solo ad exi-  
stendum . 13.

*Ab alio* quod non sufficit sibi se solo  
ad existendum . 13.

*Divisio .*

*Adequata* cujus membra adæquant to-  
tum divisum , & ita sunt opposita , ut  
unum non includatur in alio. 13.

*Præsentia .*

*Metaphysica* Indistantia a loco sine  
commensuratione locati cum ipso . 77

*Physica* habetur per inclusionem lo-  
cati in loco .

*Conceptus .*

*Formalis* , Actus , quo intellectus ra-  
tionem aliquam concipit . 7.

ER

Est semper verè & positivè aliqua res. 8.

Item semper entitativè aliquid singulare & individuum. 8.

*Objectivus* est ratio, quæ propriè & immediatè per conceptum formalem repræsentatur. 7.

Non semper est verè & positivè ens. 8.

Sæpe est quid universale. 8.

### *Unitas.*

Nihil addit positivum supra ens, sed solam negationem. 20.

*Individualis* Entitas indivisa in se, & indivisibilis in alia inferiora, in quibus tota ejus ratio reperiatur. 26.

*Realis* Entitas indivisa in se, & divisa a quolibet alio. 19.

*Per se*, quæ resultat ex rebus constituentibus ens completum in aliquo genere per unionem earum inter se. 22.

*Per accidens*, quæ resultat ex rebus disjunctis, realem unionem inter se non habentibus, ad unum per se constituendum accomodatam. 22.

Ita est passio entis ut in unoquoque ente semper reperiatur, & cum illo convertatur. 24.

### *Vnum.*

Indivisum in se, & divisum a quolibet alio. 19.

Quatenus est transcendens, non importat de formali aliquid supponens ens, & huic adjacens. 20.

*Per se* dicitur unum simpliciter. 23.

*Per accidens*, vocatur unum secundum quid. 23.

*Singulare.*

Quod numero est unum. 25.

Quod secundum eam rationem entis, qua unum est, non reperitur in aliis sibi inferioribus, nec in illis potest fieri multa in eadem ratione. 25.

*Vniversale.*

Quod secundum unam aliquam rationem in multis inferioribus reperitur, & in illa ratione fit multa. 25.

*Veritas.*

*Transcendentalis* conformitas rei cum suis principiis intrinsecis & essentialibus. 31.

Nihil positivum addit supra ens, sed solam negationem difformitatis cum principiis essentialiter constitutivis entis. 32.

*Bonitas.*

Ultima rei perfectio. 34.

*Bonum.*

*In se*, quod est absolute & simpliciter bonum. 36.

*Alteri*, quod est bonum secundum quid. 36.

*Ve.*



*Verum*, quod est realis perfectio. 36.

*Apparens*, quod realem perfectionem non habet. 37.

*Honestum*, quod per se decet, & ratione sui est appetibile. 37.

*Utile*, quod conferre potest ad aliud bonum obtinendum. 37.

*Delectabile*, quod secum affert delectationem. 37.

*Malum*.

*Privatio* perfectionis debitæ. 38.

*Privatio*.

*Carentia* formæ in subiecto capaci. 93.

*Negatio*.

*Carentia* formæ, in subiecto incapaci. 93.

*Denominatio*.

*Intrinsæca* quæ tribuitur a forma intrinsæca subiecto denominato. 87.

*Extrinsæca* quæ tribuitur a forma existente extra subiectum denominatum. 87.

*Relatio*.

*Realis* quæ habet verum esse ad aliud. 91.

Quæ poscit subiectum capax: fundamentum reale cum debita ratione fundandi: & realem terminum actu existentem cum fundamento reali. 94.

*Rationis* quæ fingitur habere esse ad aliud. 91.

xij

Cui deest aliqua conditio necessaria  
ad relationem realem . 94.

*Alia* nullum fundamentum habet ,  
ut relatio inter unum & aliud ens ra-  
tionis . 94.

*Alia* fundamentum aliquod habet sed  
non sufficiens , ut relatio inter rem exi-  
stentem , & terminum rei non existen-  
tis , sive possibilis sive non . 94.

In triplicem classem dividitur iuxta  
triplicem intellectus operationem . 95.

*Distinctio .*

*Realis Modalis* Mutua negabilitas du-  
orum in recto , quorum unum potest  
esse sine alio , alterum vero nequit esse  
sine illo . 58.

*Personalitas .*

*Rationalis natura* individua substan-  
tia . 56.

Ultimum complementum substantia-  
lis nature . 59.

*Aevum .*

*Angelicum* id per quod in genere cau-  
sæ formalis Angelus determinatur ad  
permanendum in esse . 75.

*Philosophia Moralis .*

*Ethica* , quæ ad mores dirigendos ten-  
dit . 98.

*Oeconomica* , quæ domum , & fami-  
liam disponit . 98.

Po-

*Politica* , quæ rempublicam guber-  
nat. 98.

*Finis .*

*Vltimus* Summum bonum , ipsumque  
optimum . 100.

Bonum necessarium , & perse suffi-  
ciens , ut homo sit optimè . 103.

Bonum perfectum , & se solo suffi-  
ciens . 102.

Satiativus appetitus , & expletivus  
omn s indigentia . 104.

Ratione sui tantum appetibilis , cæ-  
tera ratione ipsius & ad ejus consecu-  
tionem dirigibilia . 105.

*Vltimus* | *peculiaris actionis* id ; cujus  
gratia cætera aguntur . 100.

*Vltimus omnium actionum* , quem nos  
propter se ipsum , cætera autem pro-  
pter hunc volumus . 100.

*Formalis* Plenitudo omnis boni. 100.

*Materialis* Res in qua omnis boni ple-  
nitude reperitur . 100.

*Habitus .*

*Moralis* quo benè vel male nos ad  
effectus ipsos habemus . 125.

*Beatitudo .*

*Objectiva* Bonum per se sufficiens ad  
removendam omnem miseriam. 106.

*Formalis , sen Naturalis* , consistit in  
perfectiori contemplatione divinarum

per:

perfectoium , quæ per vires naturæ haberi possit , & in amore Dei super omnia.

107.

*Virtus ,*

Habitus perficiens potentiam rationalem in ordine ad propriam operationem.

110.

*Intellectualis* Habitus perficiens intellectum ad cognoscendum verum .

110.

*Morales* Habitus perficiens appetitum rationalem ad bonum attingendum.

111.

Oritur a consuetudine ex recta ratione .

111.

Actionibus mediis generatur.

113. 114.

Acquiritur perfugam ab extremis , ab iis ad quæ per solum appetitum sensitivum inclinamur , & a voluptate.

123.

*Medium .*

*Rei* quod æquè distat ab utroque extremo .

113.

*Rationis* , quod habita prudenti ratione personarum , & circumstantiarum , consistit in mediocritate , inter excessum & defectum.

114.

*Ius .*

*Universale* Potestas obligandi alterum ad aliquam actionem , vel omissionem actionis per voluntatem ipsius habentis

148.

*Proprietatis* Potestas inserviens propriæ utilitati, & fælicitati hominis, cui inest. 149.

*Jurisdictionis* Potestas inserviens utilitati & fælicitati eius, qui illi potestati subest. 149.

*In re* quod tribuit actionem realem, quæ vocatur rei vindicatio. 159.

*Ad rem* quod tribuit actionem tantum personalem. 159.

*Injuria.*

Iuris alieni violatio. 159.

*Iustitia.*

Præclarissima virtus, & reliquarum omnium veluti compendium. 144.

*Particularis* habitus, quo homines apti sunt ad res justas agendas, & quo justa agunt, & volunt justa. 146.

Habitus, secundum quem aliquis constanti & perpetua voluntate jus suum unicuique tribuit. 147.

Constans, & perpetua voluntas jus suum cuique tribuendi. 147.

Tria requirit h. e. ut sit ad alterum simpliciter: ut versetur circa debitum: ut reddat ad æqualitatem. 151.

*Commutativa*, quæ in commerciis est hominum emendandis. 152.

Exigit æqualitatem arithmeticam inter rem acceptam & datam. 154.

*Di.*

xvj.

*Distributiva*!, quæ in distributione consistit, aut honoris, aut pecuniarum, aut cæterarum rerum, quæ inter eos dividi possunt qui in eadem civili societate versantur. 153.

Exigit æqualitatem geometricam, seu medium proportionum. 154.

*Vindictiva*, secundum quam justa de delinquentibus vindicta sumitur. 163.

*Actio justa*.

*Negative*, quæ non est contra jus alterius intendentis proprium bonum seu placitum. 151.

*Positive*, quæ ideo non est illicita (nisi aliunde dehonestetur) quia conformatur cum voluntate alterius intendentis suum bonum & placitum. 151.

*Agere*.

*Iuste* fit cum scientia, electione, & immobilitate iudicii. 155.

*Iusta non iuste* accidit ex defectu alicujus ex supradictis conditionibus. 156.

*Restitutio*.

In pristinum statum repositio. 160.

Redditio rei acceptæ. 160.

Iterato aliquem statuere in possessionem rei suæ. 160.

Damni illati compensatio. 160.

Inæqualitatis factæ formaliter vel materialiter contra justiciam commutativam

vam

vam ad æqualitatem reductio . 160.

Voluntas jus suum prius læsum vni-  
cuique tribuendi . 160.

*Bona .*

*Ejusdem generis* , quæ habent aliquam  
mensuram communem . 164.

*Diversi generis* , quæ per se non ha-  
bent aliquam mensuram communẽ. 164

*Voluntas .*

*Obligans ex justitia* , quæ vult op-  
positum alicujus actionis & omissionis  
esse illicitum principaliter ex motivo  
sui placiti . 149.

*Obligans ex obedientia* , quæ vult esse  
illicitam aliquam actionem aut omissi-  
onem actionis ex motivo utilitatis ipsi-  
us obligati , aut communitatis cujus  
est pars . 149.

*Prudentia .*

Habitus agendi vera cum ratione ,  
circa ea quæ sunt bona hominis, atque  
mala . 169.

Sal omnium virtutum . 170.

Forma virtutum . 170.

Non tam virtus , quam moderatrix ,  
& auriga virtutum , ordinatrix affectu-  
um , & morum doctrix . 171.

Actus proprios habet , bene consul-  
tare , bene judicare , & præcipere exe-  
cutionem . 171.

*Car :*

xviii

*Carnis* cogitatio & investigatio eorum, quæ sunt appetitui carnali accommodata. 175.

*Inconsideratio, vel precipitatio.*

Properatio intellectus sine sufficienti examine mediorum, & circumstantiarum. 172.

*Inconstantia.*

Vitium, quo quis ex impetu passionis vel levi motivo, a recta sententia semel concepta finit dimoveri. 172.

Vitium, quo quis desistit a bono propter tedium virtutis vel ob externas difficultates. 135.

*Negligentia.*

Vitium, quo negligitur is usus sensuum, potentiarum, & cultus corporis, qui secundum circumstantias status & conditionis personæ exigitur. 142.

Vitium, per quod id quod a ratione judicatum est, & voluntatis consensu acceptatum, omittitur exequi ob repugnantiam passionum, vel operandi tedium. 172.

*Memoria.*

Recordatio eorum, quæ in similibus casibus præterita sunt. 173.

*Intelligentia.*

Cognitio præsentis status rei, & principiorum moralium. 173.

Do-



*Docilitas* :

Promptitudo voluntatis ad discendum.

173.

*Sagacitas, seu Solertia* :

Velocitas in excogitandis mediis ad agendum requisitis.

173.

*Ratio* :

Promptitudo ad ratiocinandum.

173.

*Providentia* :

Consideratio futurorum eventuum, qui ex opere sequi facile possunt.

173.

*Circumspectio* :

Consideratio circumstantiarum ad opus necessariarum.

173.

*Cautio* :

Cura removendi impedimenta, & vitandi incommoda, quæ occurrere possunt.

173.

*Monastica* :

Virtus, homini privato sui ipsius regimen secundum virtutē prescribens.

174.

*Politica, seu Gubernatrix* :

Virtus quæ modum alios regendi edocet.

174.

*Oeconomica seu domestica* quæ in familia gubernanda secundum rationem versatur.

174.

*Civilis*, quæ recta civitatis administratio & legum observantia procuratur.

174.

Le;

xx.

*Legislatrix*, seu *Nemotetica*, quæ leges idoneas seu justas condere docet. 174

*Militaris*, quæ leges recte regendi militiam assignat. 174.

*Ebulia*.

Quæ vim tribuit ad rectam consultationem. 174.

*Synesis*.

Habitus rectè judicandi de consultationis. 174.

*Gnomon*.

Quæ tribuit vim judicandi ex principis quibusdam altioribus, ultra sensum litteralem verborum legis, conformiter ad mentem legislatoris. 174.

*Astutia*.

*Bona* excogitatio modorum agendi, qui occulti sunt, & non passim obvii ad justa negotia perficienda. 175.

*Mala* excogitatio mediorum pravorum ad proximum decipiendum cum animo exequendi. 175.

*Dolus*.

*Malus* executio astutiæ verbis, vel factis præstita in proximorum damnum. 175.

*Fraus* seu *Impostura*,

Deceptio alterius per opera tantum. 175.

*Abstinentia*.

Vir-

• Virtus moderatrix voluptatis ciborum. 138.

• *Sobrietas.*

• Virtus moderatrix voluptatis coitus. 138.

• *Castitas, & Pudicitia.*

• Virtus moderatrix voluptatis venereorum. 138.

• *Continentia.*

• Virtus motum internum frenans, cum voluntas impetu voluptuosæ passionis excitatur. 139.

• *Humilitas.*

• Virtus inordinatum appetitum propriæ excellentiæ coercens. 139.

• *Superbia.*

• Vitium, quo appetitur honor, & excellentia sibi indebita. 141.

• *Rusticitas.*

• Vitium quo quis se agrestem & injucundum in recreationibus honestis exhibet. 142.

• *Austeritas.*

• Virtus tantum inordinatas & superfluas delectationes respuens. 143.

• *Studiositas.*

• Virtus temperans appetitum sciendi. 139.

• *Mansuetudo.*

• Virtus compescens motum iræ ad vindictam.

dictam accensum ;

140.

*Clementia.*

Virtus animum concitatum cohibens,  
ne in externa punitione excedat . 140.

*Modestia.*

Virtus modum in externis corporis  
motibus ponens . 140.

*Immodestia.*

Immoderatus usus sensuum , poten-  
tiarum , aliorumque ad corporis cul-  
tum pertinentium . 142.

*Curiositas.*

Appetitus immoderatus sciendi quę,  
quando , aut quomodo scire non expe-  
dit . 144.

*Insensibilitas.*

Vitium , quo refugit homo delecta-  
tiones rationales gustus & tactus . 140.

Vitium , quo ex quadam animi sto-  
liditate , homo propria , vel aliena  
mala non sentit . 135.

*Sollicitudo.*

*Temporalium* Nimia, seu inordinata  
occupatio in bonis temporalibus pro-  
curandis ex nimia cupiditate habendi,  
nimioque timore amittendi . 176.

*Futurorum* nimia mentis occupatio  
circa futura , 176.

*Parcitas.*

Virtus temperans usum rerum exter-  
na-

narum , quæ ad corporis usum spectant .

140.

*Entrapelia .*

Virtus modum ludis & jocis præfigens .

140.

*Iocus immoderatus .*

Vitium , quo quis ludit & jocatur plus quam expedit, aut quando, & quomodo non decet

142.

*Intemperantia .*

Vitium , quo delectationes gustus & tactus appetuntur , quæ , quando , & quomodo , non expediunt .

140.

*Fortitudo .*

*Generalis* Animi firmitas in honestis actionibus peragendis .

130.

*Specialis* Animi firmitas in sustinendis honestè difficillimis .

130.

Mediocritas circa terribilia in bello propter honestatem .

131.

*Fortis .*

Qui aliquando pericula bono communi imminencia prudenter cavet : aliquando modestè aggreditur : aliquando patienter sustinet .

131.

*Audacia .*

Vitium quo pericula imprudenter addit homo .

132.

*Ignavia .*

Vitium , quo pericula necessaria refu-

fu-

xxiv.  
fugit homo . 132.

*Timiditas .*

Vitium , quo excedit homo in timen-  
do . 132.

*Intimiditas .*

Vitium , quo non timentur timenda,  
vel timentur non ut oportet . 132

*Fidentia .*

Spes boni ardui consequendi , vel  
mali superandi . 132.

*Securitas .*

Animi tranquillitas timorem impru-  
dentem excludens , & firmitatem tri-  
buens . 132.

*Incredulitas .*

Desperatio mali vincendi , & boni  
assequendi vel conservandi . 133.

*Magnanimitas .*

Nisus in magna propter honesta-  
tem . 133.

*Magnificentia .*

Habitus iuclinans ad magna opera  
externa per contemptum rationalem  
magnarum opum . 133.

*Consumptio nimia pecuniarum .*

Sumptus maiores quam opus expo-  
scat . 135.

*Sordiditas vel Parvificentia .*

Vitium, quo quis præ animi angustia  
omittit sūptus operi convenientes . 135.

*Im.*

*Patientia.*

Habitus inclinans ad æquanimiter  
toleranda hujus sæculi adversa . 133.

*Impatientia.*

Vitium quo quis plus æquo de malis  
dolet . 135.

*Ira.*

Inordinatus appetitus vindictæ , quæ,  
quando aut quomodo non decet. 141.

*Crudelitas.*

Vitium in puniendo modum exce-  
dens . 141.

*Feritas.*

Delectatio de excessu in puniendo. 141.

*Longanimitas.*

Habitus animum perficiens ne ob  
dilatam mali remotionem , vel spera-  
ti boni consecutionem tristitia obrua-  
tur . 133.

*Perseverantia.*

Habitus animum firmans in bono  
non obstante molestia , quæ ex illius  
diuturna continuatione nascitur . 133.

*Constantia.*

Obfirmatio in bono , superans mo-  
lestiam ex causis extrinsecis ortam ,  
contra continuationem illius . 133.

*Presumptio.*

Vitium , quo homo opus supra pro-  
priam facultatem aggreditur . 134.



Am-

*Ambitio.*

Inordinatus appetitus honoris . 134.

*Vanagloria.*

Appetitus variæ opinionis verbis declarandæ . 134.

*Pusillanimitas.*

Inordinata fuga ab honore , gloria , officiis , &c. 141.

*Pusillanimis.*

Qui ex animi abiectione respuit honorem , & famam suo muneri , & statui convenientem . 134.

*Pertinacia.*

Nimia inhærentia falso consilio , iudicio , vel actioni . 135.

*Temperentia.*

*Generalis* Temperies & moderatio rationabilis in humanis operationibus , & passionibus. 135.

*Specialis* Habitus cohibens appetitum ab his , quæ maximè alliciunt & delectant sensum gustus & tactus. 135.

*Incontinentia.*

Vitium , quo voluntas passionem sensitivi appetitus concupiscibilis sequens , deficit a firmitate , quam secundum rectam rationem custodire debet . 141.

*Verecundia.*

Moderatus timor admittendi quod turpe



turpe & probrosum est.

*Honestas.*

*Specialis* Dignitas honoris propter fugam inordinatæ voluptatis in gustu & tactu consistentis.

*Voluptas.*

Quies potentiæ in bono.

*Quæ operationes comitatur*, indicium est, hominem virtutis habitum affectum esse.

*Falicitas.*

Bonum per se expetibile.

Quid perfectissimum.

*Sitis seu Desiderium.*

*Positiva* Conatus tendens ad bonum absens.

*Negativa* Exclusio omnis fastidii.

*Bonum.*

*Honestum* quod est conveniens naturæ rationali, qua rationalis est, ex eo præcisè quod secundum se decet, quamvis nullo modo delectet.

*Iucundum*, quod naturæ sensitivæ, aut rationali conveniens est, ex eo præcisè, quod delectationem affert.

*Vtile*, quod est alicui conveniens, ex eo præcisè, quod confert ad finem aliquem consequendum, licet alioquin, neque deceat, neque delectet.

*Amicitia.*

Benevolentia mutua non latens. 178.

*Perfecta* Benevolentia mutua in gradu summo non latens. 185.

*Imperfecta* Benevolentia mutua non latens in gradu remisso. 185.

*Vir optimus.*

Qui non tantum seipsum, sed ad alium utitur virtute. 144.



# I N D E X.

xxix.

## Capitum Definitionum.

A

**A**bstinentia. xx.

Actio iusta. xvi.

Aevum. xii.

Agere. xvi.

Ambitio. xxvi.

Amicitia. xxvii.

Animi delectio v. Pessimanimitas.

Astutia. xx.

Audacia. xxiii.

Austeritas. xxi.

B

Beatitudo. xiii.

Bona. xvii.

Bonitas. x.

Bonum. x. xxvii.

C

Castitas. xxi.

Cautio. xix.

Circumspectio. xix.

Civilis v. Politica.

Clementia. xxii.

Conceptus. viii.

Constantia. xxv.

Consumptio nimia pecuniarum. xxiv.

Continentia. xxi.

Crudelitas.

xxv.

Curiositas.

xxii.

D

Denominatio. xi.

Desiderium v. Sitis.

Distinctio. xii.

Divisio. viii.

Docilitas. xix.

Dolus. xx.

Domestica v. Politica.

Durities v. Insensibilitas.

E

Ens. vi.

Esse. viii.

Essentia. vii.

Ebulia. xx.

Eutrapelia. xxiii.

F

Felicitas. xxvii.

Feritas. xxv.

Fidentia. xxiv.

Finis. xiii.

Fortis. xxii.

† † 3

For-

xxx.  
Fortitudo xxiii.  
Fraus xx.

G

Gnomon xx.  
Gubernatrix v. Po-  
litica

H

Habitus xiii.  
Honestas xxvii.  
Humilitas xxi.

I

Ignavia xxiii.  
Immodestia xxii.  
Impatientia xxv.  
Impostura v. Fraus  
Inconstantia xviii.  
Inconsideratio xviii.  
Incontinentia xxvi.  
Incredulitas xxiv.  
Injuria xv.  
Insensibilitas xxii.  
Intelligentia xviii.  
Intemperantia xxiii.  
Intimiditas xxiv.  
Locus immoderatus  
xxiii.

Ira xxv.  
Ius xiv.  
Iusta actio v. Actio  
iusta  
Iustitia xv.

L

Legislatrix v. Poli-  
tica  
Levitas v. Inconstan-  
tia  
Longanimitas xxv.

M

Magnanimitas xxiv.  
Magnificentia xxiv.  
Malum xi.  
Mansuetudo xxi.  
Medium xiv.  
Memoria xviii.  
Metaphysica vi.  
Militaris v. Politica  
Modestia xxii.  
Monastica xix.

N

Negatio xi.  
Negligentia xviii.  
Nomothetica v. Po-  
litica

O

Oeconomica V. Po-  
litica

P

Parcitas xxii.  
Par-

Parvificentia v. Sor-	
d. ditas	
Patientia	xxv.
Perseverantia	xxv.
Personalitas	xii.
Pertinacia	xxvi.
Philosophia mora-	
lis	xii.
Politica	xix.
Præcipitatio v. In-	
consideratio	
Præsentia	viii.
Præsumptio	xxv.
Privatio	xi.
Providentia	xix.
Prudentia	xvii.
Pudicitia v. Castitas	
Pusillanimis	xxvi.
Pusillanimitas	xxvi.

R

Ratio	xix.
Relatio	xi.
Restitutio	xvi.
Rusticitas	xxi.

S

Savitia v. Feritas	
Sagacitas	xix.

Securitas	xxiv.
Singulare	x.
Sitis	xxvii.
Sobrietas	xxi.
Sofertia v. Sagacitas	
Sollicitudo	xxii.
Sordiditas	xxiv.
Studiofitas	xxi.
Stupor v. Insensibi-	
litas	
Superbia	xxi.
Synesis	xx.

T

Temperantia	xxvi.
Timiditas	xxiv.

V

Vanagloria	xxvi.
Verecundia	xxvi.
Veritas	x.
Vir optimus	xxviii.
Virtus	xiv.
Vnitas	ix.
Vniversale	x.
Vnum	ix.
Voluntas	xvii.
Voluptas	xxvi.

I N D E X  
DISPUTATIONVM  
QVÆSTIONVMQVE  
In Duodecim Aristotelis libros

*Metaphysica.*

<b>D</b> isputatio I.	1.
Quest. I. Quodnam sit objectum Metaphysica.	2.
Disputatio II. De conceptu essentiali En- tis.	7.
Questio I. Verum Ens in quantum Ens, habeat unum conceptum formalem om- nibus Entibus communem.	7.
Quest. II. Quid sit essentia realis.	11.
Questio III. Verum Ens adequatè divi- datur in Ens a se, & Ens ab alio.	13.
Questio IV. Verum assignata divisio sit u- nivoca.	14.
Disputatio III. De Passionibus Entis.	19.
Questio I. Verum Vnitas addat aliquid po- sitivum supra Ens.	19.
Questio II. De Vnitate individuali, ejus- que principio.	25.

<i>Disputatio IV. De Veritate :</i>	30.
<i>Quaestio I. In quo consistat Veritas transcendentalis.</i>	30.
<i>Disputatio V. De Bonitate .</i>	34.
<i>Quaestio I. In quo consistat formalis ratio Bonitatis.</i>	34.
<i>Quaestio II. Quid sit malum.</i>	37.
<i>Disputatio VI. De Ente Increato .</i>	40.
<i>Quaestio I. Verum demonstretur ratione metaphysica dari Ens a se.</i>	40.
<i>Disputatio VII. De Ente creato .</i>	44.
<i>Quaestio I. Verum essentia entis creati distinguatur ab ejus existentia .</i>	44.
<i>Quaestio II. Verum in creaturis substantia addat aliquid positivum supra naturam.</i>	55.
<i>Disputatio VIII. De ente creato immateriali .</i>	62.
<i>Quaestio I. Verum ratione naturali probari possit existentia entis creati immaterialis .</i>	63.
<i>Quaestio II. Verum Angeli sint ex natura sua indefectibiles .</i>	67.
<i>Quaestio III. Verum Angeli sint intra eandem speciem multiplicabiles .</i>	70.
<i>Quaestio IV. Verum duratio Angelis sit indivisibilis .</i>	75.
<i>Quaestio V. Quomodo Angelus sit in loco</i>	77.
<i>Disputatio IX. De ente rationis .</i>	85.
<i>Quaestio I. Verum ens rationis consistat for-</i>	ma-

formaliter in denominatione extrinseca . 87.

Quæstio II. An sit adæquata divisio Entii rationis in negationem , privationem , & relationem . 90.

Quæstio III. Quotplex sit divisio relationis rationis . 94.

In decem libros Ethicorum  
Aristotelis  
Ad Nicomachum

Disputatio I. 97.

Quæstio I. Virum humana vita sit aliquis ultimus finis . 99.

Quæstio II. Virum finis ultimus hominis in aliquo creato consistere possit . 104.

Disputatio II. De Virtute , & ratione ipsam acquirendi . 110.

Quæstio I. Virum Virtus moralis a natura sit , vel potius a consuetudine . 110.

Quæstio II. Virum vitia sint magis contraria inter se , an virtuti . 120.

Disputatio III. De principiis operationum humanarum . 125.

Quæstio I. Quenam sit vis & efficacia habitus . 125.

Quæstio II. De Fortitudine . 129.

Quæstio III. De Temperantia . 135.

Di.



- Disputatio IV. De Iustitia, & Injustitia.* 144.
- Questio I. Quid & quod duplex sit Iustitia.* 145.
- Questio II. Vtrum obligatio restituendi fundetur in re accepta, & in injusta acceptance.* 160.
- Questio III. Vtrum de jure naturę detur obligatio restitutionis in bonis diversę generis.* 164.
- Disputatio V. De Prudentia.* 169.
- Questio I. Quanam sint Prudentia partes.* 173.
- Disputatio VI. De Amicitia.* 177.
- Questio I. Quid, & quod duplex sit Amicitia.* 178.
- Questio II. Quinam sint ad Amicitiam inepti.* 183.
- Questio III. Vtrum detur Amicitia in excellentia consistens.* 188.
- Questio IV. Quanam spectent ad conservationem, & dissolutionem amicitię.* 191.
- Disputatio Ultima de Voluptate & Felicitate.* 198.
- Questio I. Quisnam sit conceptus & causa voluptatis.* 198.
- Questio Ultima de hominis felicitate.* 211.

1. The first part of the paper is devoted to a general  
discussion of the problem of the existence of  
solutions of the system of equations  
$$\frac{dx}{dt} = A(x)u, \quad \frac{dy}{dt} = B(y)v,$$
  
where  $A(x)$  and  $B(y)$  are matrices depending on  
the variables  $x$  and  $y$  respectively, and  $u$  and  $v$  are  
control functions. It is shown that under certain  
conditions the system has a solution which is  
optimal with respect to a given criterion.

2. In the second part of the paper the problem of  
the existence of solutions of the system of equations  
$$\frac{dx}{dt} = A(x)u, \quad \frac{dy}{dt} = B(y)v,$$
  
is considered for the case when the matrices  $A(x)$  and  
 $B(y)$  are constant. It is shown that in this case  
the system has a solution which is optimal with  
respect to a given criterion.

3. In the third part of the paper the problem of  
the existence of solutions of the system of equations  
$$\frac{dx}{dt} = A(x)u, \quad \frac{dy}{dt} = B(y)v,$$
  
is considered for the case when the matrices  $A(x)$  and  
 $B(y)$  are constant. It is shown that in this case  
the system has a solution which is optimal with  
respect to a given criterion.

4. In the fourth part of the paper the problem of  
the existence of solutions of the system of equations  
$$\frac{dx}{dt} = A(x)u, \quad \frac{dy}{dt} = B(y)v,$$
  
is considered for the case when the matrices  $A(x)$  and  
 $B(y)$  are constant. It is shown that in this case  
the system has a solution which is optimal with  
respect to a given criterion.

5. In the fifth part of the paper the problem of  
the existence of solutions of the system of equations  
$$\frac{dx}{dt} = A(x)u, \quad \frac{dy}{dt} = B(y)v,$$
  
is considered for the case when the matrices  $A(x)$  and  
 $B(y)$  are constant. It is shown that in this case  
the system has a solution which is optimal with  
respect to a given criterion.



IN DVODECIM

# ARISTOTELIS

METAPHYSICÆ LIBROS

DISPVATIO I.



E dignitate ac materia  
Metaphysicæ tractavit  
Aristoteles. fere toto  
primo libro, qui pro-  
pterea meritò dici po-  
test Proemialis. Hunc

nos ordinem pariter amplectentes, pri-  
mò de nomine, natura, & dignita-  
te illius, deinde de materia, seu ipsius  
objecto breviter differemus.

Quoad nomen, dicta est hæc facul-  
tas *Sapientia* 1. Metaph. c. 2. quia de  
primis rerum causis, & de altissimis, ac  
difficillimis rebus, & quodammodo de  
omnibus entibus disserit. lib. 6. tex. 3.  
appellatur *Prima Philosophia*, quia cum

A

Phi-

Philosophia sit Amor Sapientiæ , hæc meritò dicitur *prima Sapiencia* ; quia in Divinarum rerum naturali cognitione versatur *Metaphysica* a Philosopho inscripta est , idest , ultra , seu supra Physicam constituta , quia res de quibus tractat sunt altioris , & sublimioris ordinis , quàm res naturales , seu materiales , de quibus tractat Physica .

Dignitatem hujus Scientiæ declaravit abundè Aristoteles , cum 6. *Metaph.* c. 1. & lib. 11. c. 6. eam Principem , & Dominam aliarum Scientiarum nominavit , eo quòd , ut mox videbimus , objectum excellentius cæteris habeat , & earum principia quodammodò confirmet .

## QVÆSTIO I.

*Quodnam sit Objectum Metaphysica.*

**V**ariis adeo fuit circa præsentem difficultatem Philosophorum sensus , ut septem opiniones invicem diversæ numerentur . Prima est , Ens abstractissimè acceptum , scilicet quatenus etiam impossibilia comprehendit , esse huius Scientiæ objectum . Secunda est , Ens reale in tota sua latitudine , quatenus tum entia per se , tum entia per accidens

cidens complectitur, esse hujus facultatis objectum. Tertia est, quæ tribuitur Averroi 1. *Physic. comment.* ultimo, solum Deum esse *Metaphysicæ* objectum. Quarta est, objectum ipsius esse Ens immateriale, prout ad Deum, & Angelos extenditur. Quinta est, adæquatū hujus *Scientiæ* objectum esse Ens divisum in decem *Prædicamenta*. Sexta est, objectum adæquatum illius esse substantiam, ut abstrahit a materiali, & immateriali, finita, & infinita.

Dico, Ens reale in communi abstrahens a materia, prout est commune creato, & increato, est objectum adæquatum *Metaphysicæ*.

Prob. Illud est objectum adæquatum alicujus facultatis, cujus solius passionēs, seu proprietates in illa considerantur: sed solius entis abstrahentis a materia passionēs, seu proprietates in *Metaphysica* considerantur; ergo, &c. Min. prob. quia passionēs, seu proprietates, quas considerat *Metaphysica*, sunt *Vnitas*, *Veritas*, & *Bonitas*: sed hæc sunt passionēs, & proprietates solius entis realis abstrahentis a materiali, prout est commune creato, & increato; ergo, &c. Min. prob. quia impos-

bile non est bonum, alioquin posset Deus illud producere, cum nullum sit bonum, quod a Deo produci non possit, & ita non esset impossibile: non est verum, quia conflatur ex prædictis contradictoriis quæ se mutuò destruant: non est unum, quia unitas est perfectio, impossibile autem, cum nihil sit, perfectione caret, ergo impossibili non conveniunt Bonitas, Veritas, & Vnitas; atque adeo soli enti reali conveniunt, quod est commune Deo, & creaturis, illæ enim proprietates, & Deo, & creaturis competunt.

Ex hac ratione colligitur non posse dici, ens in tota sua latitudine, prout est commune enti reali, & rationis, esse objectum hujus Scientiæ, ut volebat prima opinio, quia præfatæ proprietates enti rationis, quod est ens fictum, non conveniunt. Nec etiam dici potest objectum ipsius esse Ens prout comprehendit etiam entia per accidens, seu aggregata ex multis; nam cum aggregatum ex multis non sit per se unum, nec propriam possit habere definitionem, nec possint de ipso demonstrari passionem, seu proprietates, nequit cadere sub scientiam. Nec pariter admittere potest solum Deum esse hujus facult.

cultatis objectum , ut fert tertia opinio , quia non soli Deo , sed etiam enti creato conveniant Vnitas , Veritas , & Bonitas. Rursus quia cum Metaphysica sit Scientia lumine naturali procedens non attingit Deum prout est in se , sed quantum ex creaturis potest manifestari , ergo ratio sub qua attingitur Deus , semper est communis Deo , & creaturis , atque adeo nec hujus , nec cujusvis alterius Scientiæ naturalis potest Deus esse adæquatum objectum . Nec etiam concedi potest , quod affirmat quarta opinio ; quia proprietates illæ non sunt solius Dei , & Angelorum , sed etiam entis creati materialis , atque adeo nec solus Deus , & Angeli , sed etiam ens materiale creatum sub hoc objecto continetur , atque adeo ens non ut restrictum ad Deum , & Angelos , sed ut commune Deo , & creaturis debet retineri pro ipsius objecto. Per hæc patet etiam responsio ad quintam opinionem. Non admittitur etiam sexta opinio , quia ratio substantiæ ut sic non continet sub se rationem entis realis ut sic , sed potius sub illa continetur , & proprietates objecti Metaphysicæ non sunt ad solam rationem substantiæ coarctatæ , sed latius extendun-

duntur , nempe etiam ad evidentia .  
Infertur ex dictis latiùs patere objectum  
intellectus , quàm objectum Metaphy-  
cæ , quia intellectus attingit etiam im-  
possibilia , cum ad hæc non se exten-  
dat objectum hujus Scientiæ : similiter  
impossibilia non cōsiderari a Metaphy-  
fica propter se , quia de ipsis proprie-  
tates , & passionēs non demonstrantur ,  
sed considerari merè per accidens , seu  
propter aliud , nam impossibilia ut op-  
posita enti reali considerantur ad hoc ,  
ut ens reale magis elucescat .





## DISPUTATIO II.

[*De conceptu essentiali Entis.*]

**Q**UOD Ens sit, adeo per se notum est, ut omnis declaratio supervacanea meritò credatur. Quoniam verò post quæstionem *An est* prima omnium succedit examinanda quæstio, *Quid est*, in præsentî disputatione declarare instituimus, quid sit Ens in quantum Ens.

## QVÆSTIO I.

*Verum Ens in quantum Ens habeat unum conceptum formalem omnibus entibus communem?*

**A**D clariorem hujus difficultatis explanationem sciendum est, quòd conceptus rei, alius est formalis, alius objectivus. Conceptus formalis dicitur actus ille, quo intellectus rationem aliquam concipit. Conceptus objectivus est res illa, seu ratio, quæ propriè, & immediatè per conceptum formalem repræsentatur e.g. dum intellectus cognoscit animal, ille actus quem efficit ad concipiendum animal, di-

citur conceptus formalis ; animal verò cognitum dicitur conceptus objectivus , qui ab aliquibus vocatur , *intentio intellecta* , ab aliis *ratio objectiva*.

Differunt proinde in hoc conceptus isti , quòd formalis , cum sit aliquis actus , est verè , & positivè aliqua res , seu aliquod reale ens , & in creaturis est qualitas intellectui inhærens ; conceptus verò objectivus non semper est verè , & positivè ens , ut cum concipimus privationes , & chymæras , quæ solum habent esse objectivè in intellectu , non verò esse a parte rei . Rursus conceptus formalis semper est entitativè aliquid singulare , & individuum , cum sit quiddam productum ab intellectu , & ipsi inhærens , conceptus verò objectivus est quidem aliquando res singularis , quatenus menti objicitur , & per conceptum formalem concipitur , sed sæpe est quid universale , seu confusum , & commune , ut homo , animal , substantia ut sic , &c. difficultas hic est , an conceptus formalis entis re vera sit in se unus , & præcisus , ac distinctus ab aliis conceptibus entium particularium .

Dico conceptum formalem entis esse in se unum , & præcisum , ac distinctum ab aliis conceptibus entium particularium .

Prob.

**Prob.** quia unum, & indivisum idem sunt, sed conceptus formalis entis ut sic est indivisus; ergo est unus. **Min.** prob. quia hic conceptus formalis *ens* non dividitur in alios conceptus, cum in eo nec substantia, nec accidens, nec creatum, nec increatum appareat, ex eo enim, quod formetur conceptus *ens* nequit verè dici, quod quidquam ex prædictis determinatè concipiatur, aut quidpiam aliud; ergo talis conceptus verè est indivisus, atque adeo unus. Confirmatur, quia hic conceptus formalis *ens* exprimit plura, non quatenus inter se differunt, sed potius ut inter se cōveniunt, & similia sunt; ergo est unus.

Ex his infertur, quòd sicuti est unus conceptus formalis entis, est etiam unus conceptus objectivus ejusdem: ratio est manifesta, quia conceptui formali debet necessariò correspondere conceptus objectivus, cum totam suam rationem, & unitatem habeat formalis ab objectivo; ergo si datur unus conceptus formalis entis, datur etiā unus conceptus objectivus entis, cum conceptus objectivus nihil aliud sit, quàm objectum ipsum, ut cognitum, seu apprehensum per talem conceptum formalem. Confirmatur, quia omnia entia realia verè

habent aliquam similitudinem, & convenientiam in ratione essendi; ergo possunt in intellectu concipi, & representari sub ea præcisè ratione, quæ inter se conveniunt, sed sic repræsentata non constituunt nisi unum conceptum objectivum entis, ergo, &c.

Quæres, in quo consistat formalis, seu essentialis ratio entis?

Resp. Cū ratio objectiva entis sit abstractissima, & simplicissima, definiri propriè non potest; definitio est eorum, quæ aliquo pacto composita sunt, scilicet ex genere, & differentia; rationem igitur objectivam entis aliquo modo describere, & explicare oportet. Dico igitur, quòd ratio essentialis entis, est recedere a nihilo, seu non esse nihil, quod idem est ac habens actualem realitatem, per quam distinguitur tum ab entibus in potentia, quæ licet possint esse, actu non sunt, seu nihil sunt, tum ab entibus fictis, & chymericis, quæ etiam sunt purum nihil.

## QVÆSTIO II.

*Quid sit Essentia Realis?*

**E**ssentia, ut inquit D. Thom. de ent. & essent. cap. 2. cum sit secundum quam res dicitur, seu denominatur ens, nequit satis declarari in quo consistat ratio entis realis, nisi elucidetur in quo consistat ratio essentiae realis.

Dico, Essentia est primum rei constitutivum, & radix omnium proprietatum, & operationum eidem convenientium.

Prob. quia in eo consistit essentia, quo præcisè habito, & intell. èto habetur, & intelligitur essentia; quo non habito, nec intellecto, licèt habeantur, & intelligantur omnia alia, non habetur, nec intelligitur essentia: sed habito, & intellecto præcisè primo rei constitutivo, & radice omnium proprietatum, & operationum eidem convenientium, habetur, & intelligitur essentia; hoc non habito, nec intellecto, licèt habeantur omnia alia, non habetur, nec intelligitur essentia; ergo, &c. Min. patet, nam e. g. habita præcisè, & intellecta animalitate, & rationalitate, quæ prædicata sunt prima hominis constitutiva, & radix pro-

pietatum , & operationum omnium , homini convenientium , intelligitur , & habetur essentia hominis , & his prædicatis non habitis , nec intellectis , non habetur , nec intelligitur homo , licet habeantur , & intelligantur quælibet alia , & sic valet in omnibus aliis rebus , ergo , &c.

Hinc facile intelligitur , quo sensu dictum sit , essentiam rei esse id , quod per definitionem explicatur , quia cum in definitione non possit includi nisi genus , & differentia , quæ sunt prima rei constitutiva , & radix cæterorum prædicatorum eisdem convenientium , in ipsis consistit essentia ; similiter quid significant Philosophi , dum dicunt , illud esse essentiam , quod primò concipitur de re , primò quidem , non ordine executionis , nam hoc ordine potius solemus incipere conceptum rei ab his , quæ sunt extra essentiam , ut cum incipimus cognoscere hominem a figura , discursu , &c. sed ordine nobilitatis , nam id est essentia rei , quod primò concipitur convenire ipsi ; & in hoc eodem sensu vocatur essentia , *quidditas* , quia per ipsam concipitur , & exprimitur quid res sit .

## QVÆSTIO III.

*Utrum ens adæquatè dividatur in ens  
a se, & in ens ab alio?*

**D**ividunt aliqui ens in infinitum, & finitum; alii in Deum, & creaturas: alii in necessarium, & contingens: alii in ens per essentiam, & per participationem: alii in increatum, & creatum: alii in purum actum, & potentiale; quæ omnes divisiones bonæ sunt, & coincidunt cum ea, quam hic assero, sed hanc propono, quia per terminos clariores magis innotescit.

Dico igitur ens adæquatè dividi in ens a se, & ab alio.

Prob. quia illa divisio est adæquata, cujus membra adæquant totum divisum, & ita sunt opposita, ut unum non includatur in alio: sed membra hujus divisionis adæquant totum divisum, quia quidquid est, vel est a se, vel est ab alio, nec extra hæc duo membra ullum potest ens reale excogitari, suntque hæc ita opposita, ut mutuam contradictionem includant, nam esse a se dicit, sibi sufficere se solo ad existendum: esse verò ab alio dicit, non sufficere sibi se solo ad existendum, quæ sunt contradictoria; ergo, &c.

Rectius autem puto assignari divisionem

nem entis sub his terminis , quia sic est notissima , & evidentissima , cum , ut alibi demonstravimus , notissimum , & evidentissimum sit dari ens a se , seu Deum , a quo omnia pendent , & dari ens ab alio , seu creatura , quæ necessario pendet ab ente a se .

#### QVESTIO IV.

*Verum assignata divisio sit univoca ?*

**C**ommuniter proponi solet aliis terminis hæc difficultas , videlicet : An ens dicatur univocè de Deo , & creaturis . Tres in hoc sunt sententiæ . Primam tenuit Rabbi Moyse , putans esse æquivocum . secundam docent cum D. Thoma ejus Discipuli , putantes esse analogum . Tertiam defendit Scotus in d. 3. q. 1. & 3. & in 3. dist. 8. quæst. 2. quem sequuntur ipsius Discipuli , asserentes esse univocum .

Dico assignatam entis divisionem esse univocam .

Prob. quia ex Aristotele univoca sunt , quorum nomen commune est , ratio per nomen significata est eadem : sed hoc nomen ens est commune Deo , & creaturis . , & in utrisque ratio per ipsum significata est eadem ; ergo est univocum Deo , & creaturis . Min. quoad se .



secundam partem, in qua est difficultas, probatur, quia ratio significata per nomen *Ens*, ut patuit quæst. 1. hujus Disputationis, est recedere a nihilo, seu non esse nihil, idest habere actualem realitatem, per quam res opponitur iis, quæ sunt purum nihil: sed hæc ratio propriè, & formaliter eadem est in Deo, & creaturis; ergò, &c. Min. prob. quia creatura per hoc præcisè, quòd est naturalis entitas, recedit a nihilo, & opponitur iis, quæ actualem entitatem non habent, alioquin esse actu creaturam esset idem cum nihilo, seu cum non esse, atque ita identificaretur esse creaturæ cum non esse ejusdem, quod implicat manifestam contradictionem; ergò ratio recedendi a nihilo, quæ est substantia significata per nomen *Ens* est propriè in creatura, & in Deo; ergò ens est univocum respectu Dei, & creaturæ. Confirmatur a pari, quia ideo animal est univocum respectu hominis, & bruti, quia simpliciter, & sine addito verè dicitur de utroque: sed etiam ens simpliciter, & sine addito verè dicitur de Deo, & creatura; ergò, &c. Min. patet nam de creatura existenti verè, simpliciter, & sine addito dicitur est *ens*.

Ob. I. Non potest esse una ratio eorum, quæ infinite distant: sed creatum, & increatum infinite distant: ergo non potest in eis esse una ratio entis, sed potius erit infinite diversa, & ita ens erit potius respectu Dei, & creaturæ æquivocum.

Resp. Distinguo maiorem, non potest esse una ratio physicè concedo, logicè, & metaphysicè nego. Etiam animalitas contracta ad rationalitatem non potest physicè esse una cum animalitate contracta ad irrationalitatem, & tamen logicè, & metaphysicè est una. Si quid probaret argumentum, probaret, quod ex creaturis nihil possemus demonstrare de Deo, quia ut medio aliquo ad demonstrationem utamur, debet medium habere aliquid commune cum illo; si autem ratio entis esset æquivoca respectu Dei, & creaturæ, hæc nihil haberet commune cum Deo, & sic per creaturam nihil possemus demonstrare de Deo, quod tamen est falsum.

Ob. II. cum Thomistis. Ratio entis est in Deo per essentiam; in creaturis verò per participationem, cum Deus sit ens a se, creatura verò ens ab alio; ergo non est eadem in Deo, & creaturis,

entis, atque adeo ens non est univocum respectu Dei, & creaturarum. Confirmatur, quia in Deo ratio entis includit essentialiter omnem perfectionem; in creatura verò includit solam perfectionem finitam, & limitatam; ergo est diversa, & sic non univoca.

Resp. Distinguo anteced.: ratio entis est in Deo per essentiam, in creaturis per participationem physicè, concedo: logicè, & metaphysicè nego: ant. nam si considerantur Deus, & creatura præcise, ut ens sub tali præcisione venit actualis entitas, seu recessus a nihilo in utroque, non verò venit esse a se, aut esse ab alio, si enim hæc venirent, non considerarentur Deus, & creatura præcise, ut ens, sed ut independens, & dependens, quæ sunt rationes superadditæ enti. Patet hoc manifestè; nam dum fit propositio *Deus est ens a se*, *Creatura est ens ab alio*, neutra ex his propositionibus est identica, cum prædicatum utriusque addat alium conceptum, supra conceptum subjecti; hoc autem non sequeretur si ratio entis in Deo, & creatura considerata, includeret aliquid plus, quàm actualem entitatem, seu recessum a nihilo. Bene igitur negamus esse diversam rationem  
en-

entis in Deo , & creatura , consideratis præcisè , ut ens ; & posset retorqueri facile argumentum , nam etiam animal in homine includit essentialiter rationalitatem , in equo includit essentialiter hinnibilitatem , quæ sunt perfectiones maximè diversæ , & tamen nemo negat , animal esse univocum respectu utriusque , ex eo præcisè , quia licet physicè includant tales perfectiones , tamen considerati præcisè ut animal , præscindunt a<sup>o</sup> rationalitate , & hinnibilitate ; ita pariter Deus , & creatura considerati præcisè , ut *ens* præscindunt ab assuetudine , & ab aleietate , ideoque nihil impedit , quò minus ratio entis logicè , ac metaphysicè sit univoca respectu eorundem . Ad confirmationem respondeo , rationē entis præcisè considerati , præscindere ab inclusione huius , vel illius determinatę perfectionis , solumque includere in Deo infinitas perfectiones ratione assuetudinis , sicuti in creaturis includit perfectiones limitatas ratione dependentiæ ab alio , non verò ratione entis præcisè sumpti , unde infinita , vel finita perfectio , & alia huiusmodi non sunt propriæ rationes entis , ut sic , sed propriæ rationes talis , vel talis entis , scilicet increati , & creati .

## DISPUTATIO III.

*De Passionibus Entis.*

**P**ost explicationem formalis rationis objecti Metaphysicæ, ejus passionēs considerare oportet, quę sunt *unum, verum, & bonum*. Hoc ordine numerantur, quia unitas cum sit quid absolutum, prior est veritate, & bonitate, quę sunt relativę. Veritas etiam præcedit bonitatem, quia est ipsius fundamentum, ad hoc enim ut homo sit bonus præsupponitur esse verus homo. Hoc ordine propterea de illis hic agere instituimus.

## QVÆSTIO I.

*Verum Unitas addat aliquid positivum  
supra ens.*

**V**nitās est entitas indivisa in se, & divisa a quolibet alio; unde recte conveniunt Philosophi, unum dici, quod est indivisum in se, & divisum a quolibet alio; quare unum de formali dicit entitatem ipsam sub negatione divisionis, non verò solam negationem, ut quidam existimarunt, nam  
**Deus**

Deus est unus per unitatem essentiae indivisae: Paulus est unus numero homo per unam numero naturam; essentia autem, & natura sunt entitas, non autem mera negatio. Ratio ulterior est, quia unum, quatenus est transcendens, non importat de formali aliquid supponens ens, & huic adjacens, sicuti album de formali importat albedinem, quæ supponit subjectum, cui adiaceat, res enim est una intrinsicè per suam entitatem, album verò per formam accidentalem ipsi advenientem; ergò unum non dicit de formali solam negationem, quasi superadditam enti, sed dicit ipsam entitatem intrinsicè indivisam. His positis

Dico, Unitatem nihil positivum addere supra ens, sed solam negationem.

Prob. quia si unitas adderet enti aliquid positivum, etiam hoc esset intrinsicè ens, atque adeo unum: jam peto vel esset unum per propriam entitatem, vel per aliquid aliud positivum superadditum: si primum, ergo sicuti illud superadditum est unum sine superaddito, etiam ens erit unum absque unitate superaddita: si secundum, ergò si superadditum est unum per aliud positivum superadditum, etiam de illo alio superadd.

radaddito idem verificabitur, & sic de aliis atq; aliis unitatibus, dabiturque processus in infinitum; quod est absurdum.

Ob. unitas addit supra ens indivisionem: sed indivisio est aliquid positivum; ergo unitas superaddit enti aliquid positivum. Major conceditur ab omnibus. Min. prob. quia divisio est negatio; ergo indivisio est affirmatio; Conseq. prob. quia divisio tollitur per indivisionem: sed id, per quod tollitur negatio, est quid positivum, cum enim unumquodque tollitur per suum oppositum, nequit negatio tolli nisi per positivum; ergo, &c.

Resp. Negando, quod indivisio sit aliquid positivum secundum id quod superadditur enti. Ad probationem nego antecedens, quod divisio sit negatio, nam divisio in recto est res in se completa, & propriis entitatibus terminata, ex qua terminatione oritur, quod unum non sit aliud; manifestum autem est rem completam, & suis entitatibus terminatam non esse negationem, sed quid positivum, quod est fundamentum illius negationis, per quam, unum non est aliud. Indivisio igitur, ut enti superaddita, est negatio, quæ negat divisionem ratione positivi, quod est in rebus  
di-

divisis ; atque adeo non sequitur , quòd id quod unitas superaddit enti , sit quid positivum , sed solum mera negatio .

Quær. I. quotuplex unitas sit in rebus ?

Resp. Duplex in rebus unitas est , alia per se , alia per accidens . Vnitas per se consistit in hoc , quod resultat ex rebus cōstituentibus ens completum in aliquo genere , per unionem earum inter se ; sic e. g. ex unionem corporis , & animæ rationalis resultat unitas hominis ; ex unionem continuante plures partes quantitatis resultat unitas , per quam quantitas continua est propriè , ac per se una . Vnitas per accidens consistit in hoc , quod resultat ex rebus distinctis realem unionem inter se non habentibus , ad unum per se constituendum accomodatam , sic acervus lapidum , exercitus , & similia sunt unus per accidens , quia constant rebus invicem distinctis , & reali unionem carentibus , per quam constituent ens completum in aliquo genere . Porro entia per accidens alia sunt maxime talia , & sunt aggregata ex pluribus nec unitis , nec invicem ordinatis , ut est acervus lapidum , tritici , &c. Alia sunt quæ constant pluribus non quidem unitis , sed tamen ordinem aliquem habentibus , ut exercitus , domus , &c. Alia de.



denique in quibus plura habent physicam aliquam unionem , sed accidentalem , per quam scilicet non constituunt unum per se in aliquo genere , sic e. g. conflatum ex substantia , & accidente , ut homo albus , pomum dulce , &c. Vnum per se dicitur unū simpliciter : unum per accidens vocatur unum secundū quid .

Ex hactenus dictis colligitur , quod unitas est adæquata passio entis , ut docuit Aristoteles 4. Metaph. cap. 2. tex. 3. dicendo : ens , & unum se invicem sequi ; nam omne ens , vel est simplex , vel compositum : si simplex est , indivisum est , & sic unum , si compositum est etiam indivisum , nam si esset actū divisum , non esset compositum , cum ex divisis non constet vera compositio ; ergo est etiam unum . Quod autem nec simplex , nec compositum est , vel nihil est , vel est plura entia , ergo unitas est adæquata passio entis .

Quæres 2. Quomodo Aristoteles 10. Metaph. cap. 1. dividat ens in unum , & multa : non videtur enim dividi posse in multa , si unitas est propria passio , quæ convertitur cum ente .

Resp. Dividere ens in unum , & multa , non quatenus multa sunt , sed quatenus illa multa unum aliquod per acci-

cidens] constituunt , nam ut patet ex  
 dictis , multa possunt sub aliqua ratione  
 constituere unum , sic multi lapides  
 unum acervū , multi milites unum exer-  
 citum constituunt , qua igitur ratione ad  
 aliquam unitatem pertinent , & sunt  
 unum secundū quid , seu per accidens ,  
 ea ratione dividunt ens ut sic , ita ut  
 divisio entis in unum , & multa , sonet  
 idem ac divisio entis in unum per se ,  
 & unum per accidens ; unde unumquod-  
 que ea ratione est unum , qua est ens ,  
 si est ens per se , & simpliciter , est unum  
 per se , & simpliciter , si est ens , per  
 accidens , & secundū quid , est unum  
 per accidens , & secundū quid , atque  
 ita intelligitur esse verissimum , quod  
 unitas ita sit passio entis , ut in uno-  
 quoque ente semper reperiatur , & cum  
 illo convertatur . Divisio igitur Aristo-  
 telica est entis in unum , & multa , non  
 ut multa sunt actu , & formaliter , quia  
 secundū hoc non sunt ens , sed entia ; sed  
 est in multa ut hæc unum aliquo modo  
 sint ; conformiter ad quam explicatio-  
 nem dixit D. Thom. 1. p. q. 11. art. 1.  
*ad 2. ipsa multitudo non contineretur sub*  
*ente, nisi contineretur aliquo modo sub uno.*

## QVÆSTIO II.

25

*De unitate individuali, ejusque principio.*

**A** Ristoteles 3. Metaph. c. 3. tex. 14. individuum, seu singulare explicans inquit: *singulare exponimus, quod numero est unum, universale autem, quod in his.* Quorum verborum sensus est, quod universale dicitur, quod secundum unam aliquam rationem in multis inferioribus reperitur, & in illa ratione fit multa e. g. *homo* universale est, quia secundum unam rationem humanitatis est in Petro, Paulo, & omnibus aliis individuis inferioribus ipsi, & in illis fit multa, quia per humanitatem ipsis inexistenter fiunt multi homines, habent enim singuli suas distinctas humanitates. Singulare e contra, seu individuum est, quod secundum eam rationem entis, quæ unum est, non reperitur in aliis sibi inferioribus, nec in illis potest fieri multa in eadem ratione e. g. hic homo, Petrus, &c. secundum rationem, quæ est hic homo, Petrus, &c. non reperitur in inferioribus, nec fit multa, cum hic tantum sit hic homo, Petrus, &c. & si dividatur hic homo, ut est divisibilis in partes, nulla ex illis est hic homo;

B

mo;

mo ; idem dic de Petro , de hac quantitate , & de quolibet individuo , seu singulari ; unde concluditur , quòd unitas individualis est entitas indivisa in se , & indivisibilis in alia inferiora ; in quibus tota ejus ratio reperiatur .

Patet ex his, quod quidquid existit singulare est, quia habet determinatam entitatem , quæ ita est indivisa in se , ut non sit divisibilis in plures , quæ tales sint , qualis ipsa est , ut inductione facta per omnia existentia facile deprehenditur . Remanet iam explicandum, quodnam sit principium unitatis , seu individuationis numericæ .

Thomistæ cum D. Thoma 1. par. qu. 3. art. 3. ad 3. & quæst. 50. art. 4. & alibi censent principium individuationis numericæ desumi a materia signata quantitate . Scotistæ desumi censent ab hæccertate . Alii alia sentiunt . Omissa opinionum varietate , rem paucis expediam .

Dico , Principium individuationis , seu unitatis numericæ est ipsa entitas uniuscujusque rei .

Prob. quia inherendo hæctenus dictis , principium unitatis numericæ illud est , per quod res est formaliter indivisa in se , & non potest dividi in alia inferiora

ra, quæ sint totum id, quod ipsa est, sed hoc est formalissimè determinata rei entitas; ergò principium individuationis numericæ est ipsa determinata, seu actualis rei entitas. De majori non videtur ambigendum, nam illud est principium primò, & formaliter constitutivum cujuscumque rei, quo præcisè intellecto & habito, intelligitur & habetur res illa; intellecto autem & habito eo, per quod res est formaliter indivisa in se, & indivisibilis in inferiora, quæ sint totum id, quod ipsa est, intelligitur, & habetur unitas numerica ipsius &c. Min. primi syllogismi probatur, quia determinata rei entitas est per se intrinsecè, & formaliter indivisa in se, & indivisibilis in inferiora, quæ sint totum quod ipsa est, ut nuper ostendi; ergò rectè concluditur principium unitatis numericæ esse formaliter, & per se ipsam rei entitatem.

Ob. Illud est principium individuationis numericæ, per quod natura constituitur hæc numero intra eandem speciem: sed hoc fieri nequit nisi a materia; ergò principium individuationis numericæ est materia. Min. prob. quia differentia numerica est materialis; ergò desumi nequit nisi a materia.

Resp. negata minore, distinguo ipsius probationem, est materialis proprie nō go, improprie concedo. Distinctio numerica dicitur materialis, non quia proprie includat materiam physicam, seu quia fundetur in illa, sed quia comparata ad differentiam, seu distinctionem specificam & genericam, cum hæ consistent in diversitate prædicatorum essentialium, quæ dicuntur formalia, ipsa talem diversitatem prædicatorum non importat, imopotius ipsorum uniformitatem, & similitudinem dicit, ac proinde illa quæ distinguuntur numero, cum convenient in prædicatis formalibus, seu essentialibus, dicuntur differre purè materialiter: hoc tamen *materialiter* sonat idem ac merè entitative, scilicet, quòd una entitas non est alia, nec dividi potest, ut dividuntur species, & genus, in inferiora, in quibus reperiatur tota ratio ejus entitatis, quæ est individua. Non posse autem unitatem numericam fundari in materia physica manifestum est, quia si fundaretur in illa, nunquam posset dari sine tali materia, & tamen certum est, quòd datur inter aliqua, in quibus nullo modo est physica materia, nam idem Angelus duabus cognitionibus solo numero dif-

differentibus cognoscit aliquod objectum spirituale ; idem intellectus humanus duas format successivè cognitiones de objecto abstracto ab omni materia ; duo actus Charitatis sunt in eadem anima, Angelo, &c. & hæc omnia solo numero differunt , nec tamen in ipsis ulla physica materia reperitur . Hinc quando Aristoteles 5. Metaph. c. 6. tex. 42. dicit , ea esse unum numero , quorum est materia una , & alibi videtur a materia unitatem numericam desumere , intelligendus est non de materia prima , sed de materia in sensu nuper explicato .



## DISPUTATIO IV.

*De veritate.*

**D**Ocuit Aristoteles 2. Metaph. tex. 3. hanc scientiam maxime esse veritatis contemplatricem. Triplex solet communiter distingui veritas. Prima est in significando, quæ reperitur in vocibus, & ad Dialecticam pertinet. Secunda est in cognoscendo, & ad Physicam spectat quatenus animam, eiusque operationes considerat. Tertia est in essendo, seu existens in rebus ipsis, quas denominat veras, & ad Metaphysicam spectat, & transcendentalis dicitur.

## QVÆSTIO I.

*In quo consistat veritas transcendentalis.*

**P**Vtant aliqui veritatem transcendentalem consistere in conformitate ad divina exemplaria, seu idæas, quas Deus habet in mente: alii in conformitate cum intellectu, veram de illa estimationem habente. Sed hi veritatem, quæ est intrinseca passio entis, & convertitur cum ente, constituunt saltem inadæquatè in denominatione extrinseca.



ca, faciuntque quod passio entis realis sit communis etiam enti rationis, quatenus etiam hoc est conceptibile ab intellectu veram de ipso existimationem habente, dum enim concipio chymæram esse id, quod involvit contradictoria, concipitur chymæra ab intellectu veram de illa existimationem habente. Omissis igitur his dicendi modis

Dico veritatem transcendentalem consistere in conformitate rei cum suis principiis intrinsicis, & essentialibus.

Prob. quia in eo consistit veritas transcendentalis, per quod res quælibet est formaliter, & intrinsecè vera: sed per assignatam cōformitatem cum suis principiis essentialibus, res quælibet est formaliter, & intrinsece vera; ergo &c. Min. prob. quia inductione facta per omnia, patet, quòd e. g. homo est verus, quando habet conformitatem cum animalitate, & rationalitate, quæ sunt formalia, & intrinseca ipsius principia, quam conformitatē, quia non habet homo pictus, ideo non est verus homo, & sic de cæteris. Confirmatur, & explicatur magis hæc ratio, quia per hoc præcisè, quòd aliqua careant conformitate cum principiis essentialiter constitutivis rei, non sunt verè illa res; er-

ergo veritas rei in illa conformitate consistit. Antecedens est innegabile, per hoc enim præcisè, quod equus ligneus non est conformis animali hinnibili, quæ sunt essentialia veri equi constitutiva, non est verius equus; ergo, &c.

Ex his liquet, quod veritas transcendentalis nihil positivum addit supra ens, sed solam negationem difformitatis cum principiis essentialiter constitutivis entis, unumquodque enim dicitur habere veram talis rei naturam, quia negat a se difformitatem a principiis essentialiter constitutivis illius.

Patet etiam, quod veritas transcendentalis sicuti est propria passio solius entis, & non convenit non enti, quia cum non ens, ut est chymæra, non habeat principia intrinseca constitutiva, non habet etiam cum iis conformitatem.

Ob. Intellectus est per se primò verus; ergo omnes aliæ res dicuntur veræ per conformitatem ad intellectum, verum de illis conceptum formantem; ergo veritas transcendentalis in hac conformitate ad intellectum consistit.

Resp. dist. ant. intellectus est per se primò verus veritate formali, seu cognitionis concedo; veritate transcenden-

dentali seu entis , nego , nam etiam nullo intellectu cogitante , vel cogitare valente , idest , præscindendo a quavis habitudine ad quemcumque intellectum , Petrus est verus homo per hoc præcisè quod sit animal rationale ; atque adeo veritas rei seu transcendentalis , non consistit in ea conformitate ad intellectum .



## DISPUTATIO V.

*De Bonitate.*

**V**ariæ fuerunt de formali ratione bonitatis opiniones; aliqui enim existimarunt bonitatem non dicere aliquam rationem positivam, & realem, sed solam relationem rationis convenientiæ unius ad alterum. Putarunt alii bonitatem in appetibilitate consistere. Alii alia sensere.

## QVÆSTIO I.

*In quo consistat formalis ratio bonitatis.*

**D**ico bonitatem formaliter consistere in ultima perfectione rei.

Prob. quia bonitas consistit formaliter in eo, quod est prima radix, vi cuius quodlibet ens est intrinsecè bonum: sed id vi cuius quodlibet ens est intrinsecè bonum, est ultima entis perfectio; ergo bonitas formaliter in ultima entis perfectione consistit. Major patet. Min. prob. Præcisè intellecta, & habita ultima entis perfectione, per hoc intelligitur, & habetur ens bonum; unde est

in

infallibilis consequentia , *ens est ultimum perfectum ; ergo est bonum ;* ergo id vi cuius quodlibet ens est intrinsecè bonum est ultima rei perfectio .

Inde fit quòd in particularibus entium speciebus non dicatur res bona , donec in ipsa non intelligitur , & habetur ultima perfectio , sic e. g. non dicitur homo frui bonitate sanitatis , donec ultimum sanitatis complementum non habet ; & sic de ceteris ; unde ortum habuit axioma illud , *bonum ex integra causa .*

Ex his patet non rectè constitui formalem rationem boni in appetibilitate , aut convenientia cum voluntate , quia hæc potius sunt posteriora , & consequentia ad bonitatem , nam ideo ens est appetibile , & conveniens voluntati , quia bonum est ; ac proinde præsupponitur unumquodque prius esse bonum in se , quàm in ordine ad alterum , cum ratio boni sit absoluta , ratio verò appetibilis , & convenientis sit aliquo modo relativa ; absolutum autem prius est relativo ; & prius intelligi debet ens perfectum in se , quàm ordinatum ad perficiendam voluntatem ; unde S. Thomas , & alii graves Doctores intelligendi sunt constitui esse bonitatem non in

appetibilitate, aut convenientia, sed in perfectione, ex qua appetibilitas, & convenientia consequuntur.

Notate igitur ad clariorem firmatæ conclusionis intelligentiam, quod D. Augustinus 8. de Trinit. cap. 3. & D. Thom. in 2. dist. 27. quæst. 1. art. 2. ad 1. discrimen faciunt inter hoc, quod est bonum in se, & est bonum alteri: id quod est bonum in se, est absolutè, & simpliciter bonum: quod autem est bonum alteri, est bonum secundum quid, unde idem D. Thom. 3. par. quæst. 11. art. 5. ad 3. ait accidens non esse bonum, ut habens bonitatem, sed quia cedit in bonum subiecti, quare qui ponunt formalem rationem bonitatis in appetibilitate, vel convenientia ad voluntatem, cum explicent bonum in ordine ad alterum, non videntur assignare id, quod convenit bonitati, qua res in se bona est, quia bonitas hæc omnino absolutè dicitur, & hic inquirimus, per quid ens sit in se, & absolutè bonum, non autem per quid sit bonum alteri. Hanc eandem boni divisionem habet Scotus quodlib. 18.

Bonum dividitur primò in verum, & apparens: verum est, quod est realis rei perfectio, sic bonum aurum est, quod ha-

bet

bet realē: & ultimam auri perfectionem. Apparens est, quod talem perfectionem non habet, sed existimatur, & videtur eam habere: sic aurichalcum aliquod est aurum apparens, quia quandoque existimatur, & videtur habere auri perfectionem, quam revera non habet. Secundo dividitur bonum in honestum, delectabile, & utile, quam divisionem tradit Arist. 2. Ethic. cap. 3. per hæc verba: *Cum tria sint, ob quæ quispiam expetit, Honestum, Utile, Lucundum, &c.* Honestum est, quod per se decet, & ratione sui est appetibile, ut est omnis virtus. Utile est quod conferre potest ad aliud bonum obtinendum, sic divitiæ sunt utiles ad obtinendas vitæ delicias, honores, &c. Delectabile est, quod secum affert delectationem. De his tamen fusiùs agemus in explanatione ethicorum.

## QVÆSTIO II

### *Quid sit Malum.*

**C**Um bono sit oppositum malum; & cum opposita juxta se posita magis clucescant, ad explicationem allatam boni, poterit non parum conferre  
noti.

notitia mali, quā hic tradere aggredior.

Dico malum formaliter, consistit in privatione perfectionis debitæ.

Prob. quia malum est oppositum bono: sed ut patuit, bonum formaliter constituitur per perfectionem debitam; ergo malum constitui debet per carentiam perfectionis debitæ: sed carentia perfectionis debitæ est ejusdē privatio; ergo malum formaliter consistit in privatione perfectionis debitæ. Prima consequentia est manifesta, nam ex eo aliqua sunt opposita, quia per opposita principia constituuntur; ergo si bonum constituitur per perfectionem debitam; malum constitui debet per carentiam ejusdem. Hinc Dionis. c. 4. de Divin. nominib. ait, malum non esse existens, neque esse aliquid, sed esse perfectionis, bonique proprii, & accomodati privationem, & Damascenus lib. 2. de fide c. 4. & lib. 4. c. 2. *Nihil est malum, nisi boni privatio, sicut tenebra luminis*, & D. Augustinus lib. de libero arbitrio c. ult. dicit, malum culpæ esse nihil, ideoque non esse a Deo, & hoc significari contendit illo Ioannis 1. *sine ipso factum est nihil*, idest, peccatum.

Hanc veritatem concedunt aliqui de eo quod in se malum est, non autem de eo,



eo, quod est malum alteri, nam dicunt,  
quod id, quod est malum alteri, potest  
consistere in aliquo positivo, ut sextus  
digitus in manu, malus est manui, &  
tamen est quid positivum. Sed hæc li-  
mitatio non est admittenda, nam est  
verissimum, omne malum formaliter  
consistere in privatione boni debiti; in  
casu enim allato, & in aliis, qui possunt  
afferri, ratio mali non consistit in illo  
positivo, qua tale est, sed in privatio-  
ne boni, quam secum habet adjunctam,  
sic sextus digitus ideo est malus, quia  
privat manum proportionem de-  
bita; idemque valet in  
omnibus aliis.



## DISPUTATIO VI.

*De ente Increato.*

**C**VM a nobis divisum superius fuerit ens in increatum, & creatum, seu in ens a se, & ens ab alio, necesse est hic aliqua de ente a se breviter attingere.

## QVÆSTIO I.

*Vtrum demonstretur ratione metaphysica, dari ens a se.*

**S**olent Physici principio illo physico, *Omne quod movetur, ab alio movetur*, demonstrare existentiam entis a se sub ratione primi motoris, ut nos etiam in Physica fecimus: apud Metaphysicos habetur aliud principium metaphysicum, multo evidentius illo, & est, *Omne, quod fit, ab alio fit*, quo principio posito Dico. Demonstratur ratione metaphysica existentia entis a se.

Prob. 1. Omne, quod fit, ab alio fit; ergo deveniendum est ad ens, quod factum ab alio non sit, & a quo facta sint omnia: sed hoc est ens a se; ergo existit ens a se. Prima consequentia sic probatur, quia si omne, quod fit,

fit, ab alio fit, ipsa collectio factorum, facta est; ergo ab alio facta est non incluso in collectione factorum; ergo ab alio, quod factum non est, & a quo facta sunt omnia. Confirmatur, & explicatur simul hæc ratio, nam sive datur, sive non datur processus in infinitum in iis, quæ fiunt, etiam infinita entia facta, sunt ab alio facta: si enim non essent ab alio facta, jam non esset verum, quod omne, quod fit, ab alio fit; ergo ultra infinita entia facta; datur aliud ens non factum, a quo illa facta sunt; ergo datur ens a se. Quod si respondet Atheus singula collectionis esse facta, collectionem vero non esse factam ab alio; ergo ipsa collectio erit a se, & ita dabitur ens a se.

Prob. 2. sive datur ens contingens, sive non datur, sequitur dari ens necessarium; ergo datur ens a se. Antecedens sic probatur: si non datur ens contingens, & tamen datur aliquod ens, datur ens necessarium: si vero datur ens contingens, datur etiam contingentia, idest possibilitas utriusque partis contradictionis: sed hæc possibilitas debet existere in omni casu, & ipsa non existente, neutra pars contradictionis existeret, adeoque neque existeret ens cōtingens; ergo hæc


hæc possibilitas est necessaria; ergò existit aliquod ens necessarium; sed ens necessarium, & a se idem sunt; ergò, &c.

Prob. 3. ens a se est possibile; ergò necessario est existens. Antecedens est clarum, nam ens a se non est chymæra, sed summa perfectio. Consequentia probatur, quia eo ipso, quòd posset non existere, esset ens ab alio, deberet enim ab alio determinari ad existendum; ergò esset possibile ens a se, quòd esset necessario ab alio; seu non esset a se, quæ est manifesta contradictio; ergò si est possibile ens a se, necessario existit.

Ex eo quòd existat ens a se, rectè deducitur, non posse esse nisi unum, quia ens a se est summè perfectum: sed si possent esse plura, neutrum esset summè perfectum; ergò, &c. Min. prob. quia utrumque careret perfectione infinita alterius, non esset enim alterum: sed quod caret infinita perfectione non est infinite perfectum; ergò neutrum esset infinite perfectum, simulque esset infinite perfectum, quæ est manifesta contradictio. Quòd autem ens a se sit summe perfectum dubitari non potest, nam ens a se est primum ens necessitate essendi, & causalitate cæterorum; ergò est etiam perfectione primum, seu  
sum.

summum. Rursus primum ens, est ipsum esse subsistens per essentiam; ergò includit in se omnem perfectionem essendi. Denique primum ens, non solum est primum inter ea quæ sunt, sed etiam inter omnia possibilea; ergo est perfectius non solum omnibus quæ sunt, sed etiam possibilebus; ergò est summè perfectum.

Hinc per bonam illationem facile deducitur, quòd ens a se sit infinitum, quòd sit actus purissimus, quòd sit spirituale, intellectivum, immensum, æternum, immobile, &c. nam si vel una ex his perfectionibus careret, non esset a se, seu summè perfectum.



## DISPUTATIO VII.

*De ente Creato .*

**N**omine entis creati non intelligimus hic solum id, quod per creationem productum est, sed quod quocumque modo, siue mediatè, siue immediate ab alio est.

## QVÆSTIO I.

*Verum essentia entis creati distinguatur  
ab eius existentia .*

**A**d claram huius difficultatis resolutionem prænotandum est primò, quòd dupliciter accipi potest *Essentia*, scilicet logicè, & phyticè. *Essentia* logicè accepta, nihil aliud est, quàm intrinseca connexio prædicati essentialis cum subiecto, sic essentia logica hominis consistit in hoc, quòd inter hoc subiectum *homo* & illud prædicatum *animal rationale* sit intrinseca cōnexio, ita ut mutuo affirmantur, & ex negatione unius, mutuo sequatur negatio alterius; quare cum semper, & in omni casu, siue existat, siue non existat homo, verum sit, hominem esse animal rationale.

le, idest hoc prædicatum essentialiter connecti cum tali subjecto, propterea dici solet essentias rerum esse æternas, & propositiones de illis factas, esse æternæ veritatis. Essentia physicè accepta, est primum illud prædicatum, per quod res quælibet actu est id, quod est extra suam causam efficientem; sic essentia physica Petri est hæc humanitas, per quam Petrus intrinsecè est actu, & realiter homo a sua causa efficienti productus.

Prænotandum est 2. quod essentia physica potest in duplici statu considerari. Primò in statu possibilitatis, scilicet antequam sit producta a Deo: secundò in statu actualitatis, seu postquam a Deo producta est. In statu possibilitatis, seu priusquam a Deo fiat, non est aliqua vera res, neque habet ullum esse reale extra Deum, sed absolutè nihil est, iuxta illud catholicorum Patrum proloquium, quod habetur apud D. Augustinum lib. 1. de Trinit. cap. 9. & Cyrillum lib. 1. in Ioannem cap. 6. *Quidquid à Deo factum non est, vel Deus est, vel nihil est*; quare essentia creaturæ in actu distinguitur ab essentia in potentia, tamquam ens a non ente simpliciter. His prænotatis

Dico, Essentia creaturæ in actu non  
di-

distinguitur intrinsecè ab eius existentia.

Prob. 1. quia essentia creaturæ in actu per se præcise distinguitur intrinsecè ab ente, quod est in potentia: sed id per quod res intrinsecè distinguitur ab ente, quod est in potentia, est formaliter existentia; ergo essentia creaturæ in actu est formaliter existentia. Major patet, nam, quod actu productum est a causa sui eff. trice est actu vera res, seu ens, & opponitur nihilo sui, nec est amplius in potentia, cum de illo verificetur, quod est, non autem, quod sit in potentia ad esse. Minor est etiam clara nam nihil opponitur enti in potentia, nisi ens in actu: sed ens in actu est existentia; ergo actualis essentia est formaliter existentia.

Prob. 2. quia si existentia distingueretur intrinsecè ab essentia, peto, vel existentia, prout distincta ab essentia, habet aliquod esse, vel nullum: si nullum habet esse, ergo nihil est, atque adeo non est quid superadditum essentia: si habet aliquod esse, peto, vel hoc esse existentia existit per existentiam distinctam, vel non: si primum, idem quæretur de illa alia existentia, & sic dabitur processus in infinitum: si secundum; ergo si esse existentia est indif-



distinctum ab existentia , etiam esse essentiae erit indistinctum a sua existentia.

Dices . Essentia est indifferens ad existendum , vel non existendum ; & ideo debet existere per aliquid sibi supradditum , at non sic existentia .

Sed contra . Etiam existentia Petri est indifferens ad existendum , & non existendum , ergo etiam existentia Petri debet existere per aliam existentiam sibi superadditam . Antecedens probatur , quia si existentia Petri non est indifferens ad existendum , & non existendum , sequitur , vel ipsam necessario existere , vel esse impossibile ut existat : utrumque autem est absurdum ; si enim necessario existit ; ergo etiam Petrus necessario existit , cum sit impossibile dari in rerum natura Petri existentiam , & Petrum non existere , erit etiam impossibile Petrum existere .

Varias ad hoc argumentum adhibent Adversarii responsiones , dicunt enim , esse magnam disparitatem inter essentiam , & existentiam , nam essentia existit ut quod , existentia verò est id quo essentia existit ; & sicuti materia , & forma in composito , quia habent indifferentiam ut uniantur , & non uniantur , & sunt id quod unitur , unio vero

est id quo uniuntur, fit ut illa uniantur  
 unione distincta, unio vero non unitur  
 alia unione, ita essentia existit, existen-  
 tia distincta, ipsa autem existentia non  
 existit per aliam existentiam.

Sed contra, quia si conveniret unio-  
 ni eadem indifferentia, quæ convenit  
 materiæ, & formæ, etiam unio deberet  
 uniri unione distincta; ergo si existentia  
 Petri conveniat eadem indifferentia ad  
 existendum, quæ convenit essentiæ Pe-  
 tri; etiam existentia Petri debebit exi-  
 stere per existentiam distinctam: sed exis-  
 tentiæ Petri convenit eadem indifferentia  
 ad existendum, quæ convenit essentiæ:  
 nam omnibus contingentibus ex hoc,  
 quod contingentia sunt, convenit indif-  
 ferentia eadem ad existendum, cum  
 contingens sit, quod potest existere,  
 & non existere: sed existentia Petri est  
 contingens non minus ac sit ejus essen-  
 tia, ergo illi convenit eadem indifferen-  
 tia, quæ convenit essentiæ; ergo si hæc  
 deberet propterea existere per existen-  
 tiam distinctam; etiam existentia debe-  
 ret existere per existentiam distinctam;  
 hoc est absurdum; ergo & illud.

Ob. 1. Nulla essentia creata est reali-  
 ter suum esse; ergo realiter distinguitur  
 ab illo. Antecedens præterquam, quod

communiter recipitur a SS. PP. & Theologis, qui censent, id esse proprium Dei, quod ejus essentia sit suum esse, sic probatur; nulla potentia realis est realiter suus actus: sed essentia est potentia respectu existentiae, quam recipit; ergo essentia non est existentia.

Resp. negato antecedenti, nego pariter minorem ipsius probationis, nam essentia physica creata non est potentia realis respectu existentiae, potentia enim realis, ut est potentia videndi respectu visionis, & aliae similes, physicè præsupponitur actui, ideoque præcisè per hoc, quod formaliter intelligatur poni in rerum natura potentia videndi, non intelligitur formaliter poni visio: at essentia physica creata non præsupponitur physicè ad existentiam, & per hoc præcisè, quod ipsa essentia formaliter intelligatur poni in rerum natura, intelligitur formaliter existere, unde dum dicitur, essentia Petri recipit existentiam, sensus est, quod recipit intransitive, id est, de statu puræ possibilitatis, in quo erat, seu de nihilo sui ponitur in esse, seu in rerum natura, & cum antea non esset realiter ens, iam fit ens, in quo sensu etiam de existentia potest idem dici, quatenus existentia Petri de statu

C

puræ

puræ possibilitatis ponitur in esse reali, et fit ens, cum prius non esset ens, unde etiam existentia Petri possibilis, est in potentia ad esse, quod recipit quando producitur, recipit, inquam intransitivè, non verò transitivè. Ad illud, quod dicunt PP. & Theologi esse proprium Dei, quòd ejus essentia sit suum esse, respondeo non esse sensum, quod solus Deus indentificet sibi suam existentiam, sed quòd solus Deus sibi sufficiat ad existendum, ac propterea essentialiter, necessariò, & immutabiliter existat, cum econtra quælibet creatura sit sibi insufficiens ad existendum, ac proinde petat existere per alterius efficientiam, ideoque contingenter, & mutabiliter existat.

Ob. 2. essentia Petri est necessaria, & æterna, cum necessariò, & ab æterno vera sit hæc propositio, *Petrus est animal rationale*; existentia Petri non est necessaria, & æterna, cū nec necessariò, nec ab æterno vera sit hæc propositio, *Petrus existit*; ergò distinguuntur realiter essentia Petri, & ejus existentia. Rursus cuilibet creaturæ contingit existere, quando existit; nulli verò creaturæ contingit esse id quod est; ergò nulli creaturæ est idem existere, & id quod

quod est, scilicet essentia.

Resp. in primis retorquetur argumentum. Essentia existentiae Petri est necessario, & ab æterno, verificat enim propositionem hanc æternæ veritatis, *Essentia existentia Petri est esse ultimam Petri actualitatem*; existentia Petri non est necessario, & ab æterno; ergo essentia existentiae Petri est realiter distincta ab ipsa existentia; & idem dicitur procedendo in infinitum de essentia illius existentiae distinctae, & de ipsa existentia.

In forma: distinguo antecedens essentia logica Petri est necessaria, & æterna concedo, essentia physica nego. Est verum necessario, & ab æterno, esse essentialiter connexum cum illo subiecto *Petrus* illud prædicatum *animal rationale*: sed hæc, ut ab initio prænotavi, est essentia purè logica. At non est verum intrinsecam, & realem, seu physicam Petri essentiam, esse necessariam, & æternam, sed est contingens, & producta in tempore, unde hæc physica entitas, quæ est Petri essentia, est eodem prorsus modo temporanea, contingens, & defectibilis, sicuti est ejusdem physica existentia; unde sicuti nequit dici, *Petrus*

*necessario, & ab æterno existit, ita dici nequit, Petrus necessario, & ab æterno habet physicam essentiam, verè enim ab æterno nullum physicum, & reale esse in se habebat Petrus, sed omnino nihil erat. Et per hæc patet facilis responsio ad aliud objectionis caput: distinguendum enim est illud, nulli creaturæ contingit esse id quod est, logicè, concedo, physicè, nego; nam physicum esse cujusvis creaturæ totum quantum est, contingens est; quare in allata propositione illud *contingit creaturæ* accipiendum est intransitivè, non verò transitivè, non enim existentia est aliquid verè superveniens essentiæ, sed sicuti de nihilo ponitur in esse existentia, ita ponitur, & physica ipsa essentia.*

Ob. 3. quæ sunt invicem separabilia distinguuntur intrinsecè: sed essentia, & existentia sunt invicem separabilia; ergò distinguuntur intrinsecè. Min. prob. quia destructa existentia Petri, remanet Petri essentia, cum adhuc de ipso verificetur *Petrus est animal rationale*. Rursus existentia humanitatis Christi fuit realiter separata ab ejus essentia; ergo, &c. Antecedens prob. quia humanitas Christi habuit unam

tantum Verbi existentiam, unde in sexta Synodo generali, actione 1. in Epistola Sophronii approbata fuit hæc propositio: *in illo* (scilicet Divino Verbo) *& non in semetipsa habuit existentiam unam*. Et probatur ulterius hæc veritas, quia ut B. Virgo verè, & propriè dicatur Mater Dei, debet terminus actionis, seu concursus ipsius B. Virginis esse homo Deus: sed si humanitas Christi habuisset propriam existentiam creatam, terminus concursus B. Virginis non esset homo Deus, sed homo duntaxat, quia causalitas B. Virginis intelligeretur totaliter terminata ante adventum suppositi Divini, ex quo & humanitate, constituitur homo Deus, nam ante talem adventum humanitas haberet existentiam, quæ est ultima actualitas, ergo, &c..

Resp. negata minore, distinguo ipsius probationem, destructa existentia Petri remanet essentia logica concedo, physica nego, nam destructa physica, & reali existentia Petri, destruitur pariter physica, & realis ejus essentia, cum in eo casu verè Petrus nihil sit; illa autem propositio, *Petrus est Animal rationale* verificatur per essentiam logicè acceptam, non autem physicè.

Ad illud de humanitate Christi , negato antecedenti , negatur pariter antecedens ipsius probationis , nam in sexta Synodo non est sermo de existentia , sed de subsistentia , seu personalitate : cum enim Nestorius assereret in Christo duas personas , sicuti erant duæ naturæ , Concilium definivit per Incarnationem duas naturas in una Verbi persona fuisse , ita ut Christus una persona sit , & hæc Divina . Et quoniam ultimus actus , & perfectio naturæ rationalis est persona , fit , ut concursus B. Virginis non intelligatur totaliter terminatus donec humanitati existenti non advenit subsistentia , seu personalitas Verbi , quæ loco subsistentiæ creatæ illam complevit , ac propterea cum ex vi concursus B. Virginis exposceretur complementum subsistentiæ , fit ut B. Virgo verè dicatur , & sit Mater Dei .



## QVÆSTIO II.

*Verum in creaturis subsistentia addat  
aliquid positivum supra naturam .*

**N**E obscuritatis vitio laborent, quæ de subsistentia dicturi sumus, brevem terminorum explicationem præmittendam omnino censeo.

In creaturis hic terminus *prima substantia* significat substantiam illā, de qua dixit Aristoteles, quod nec in subjecto est, nec de subjecto dicitur, id est, substantiam singularem, individuum, & per se subsistentem, seu omnino completam, ut sunt Petrus, Paulus, &c. quia, ut inquit idem Philosophus, prima substantia, primò, & maxime substantia dicitur, id autem solum, quod subsistit, seu est omnino completum maxima substantia dicitur; unde natura prout in abstracto significatur, e. g. hæc humanitas, licet singularis sit, quia nihilominus significatur non ut subsistens, seu ut omnino completa, non est prima substantia. Hoc ultimum naturæ complementum variis nominibus significatur, ut sunt suppositum, subsistentia, hypostasis, personalitas, quæ omnia ipsam primam substantiam exprimunt. Sup-

positum, & substantia dicuntur etiam de singularibus irrationalibus: hypostasis, & personalitas de solis rationalibus enunciantur; quare personalitatem definivit Boetius, *est rationalis materia individua substantia*. Apud antiquos terminus *hypostasis* usurpatus aliquando fuit ad significandam naturam, seu essentiam; ut notavit Elias Cretenfis orat. 23. & Theodoret. lib. 2. hist. c. 8. ideoque nonnulli ex antiquis Patribus, ut Hieronymus, & Paulinus volebant admittere tres hypostases in Trinitate: nunc vero unanimi tam Græcorum, quam Latinorum consensu adhibetur solum ad significandum appositum, seu personalitatem; his prænotatis.

Durandus in 1. d. 39. q. 1. & Henricus quodlib. 4. q. 4. putarunt naturam, & suppositum distingui sola ratione, & ex modo nostro concipiendi.

Scotus in 3. dist. 1. quæst. 1. & dist. 6. quæst. 1. censet suppositum creatum non dicere aliquid positivum supra naturam singularem; sed solam negationem dependentiæ actualis, & aptitudinalis ad aliquod suppositum.

Dico, suppositum in substantiis creatis addit naturæ aliquid positivum

realiter modaliter ab ipsis distinctum :

Prob. 1. quod suppositum sit aliquid positivum . Id, quo per verum, & positivum influxum procedit aliquid positivum, est entitas positiva, cum nihil, sicuti non habet entitatem, ita nec positivè illam dare possit : sed a supposito per verum, & positivum influxum procedit aliquid positivum ; ergo, &c. Min. prob. quia est axioma receptissimum, *actiones sunt suppositorum*, idest verè, & positivè procedunt a supposito : sed actiones sunt quid positivum ; ergo, &c. Min. ulterius ostenditur, quia verè dicitur, *Petrus positivè ambulat; Bucephalus positivè currit*, cum tamen improprie dicatur, *natura Petri ambulat, natura Bucephali currit* ; ergo a supposito verè, & positivè procedit aliquid positivum. Addite, quod personalitates in Divinis sunt quid positivum, non verò mere negationes ; ergo, & in creaturis suppositum, seu personalitas est quid positivum.

Prob. 2. quod hoc positivum sit realiter distinctum a natura in creatis . Ea, quorum unum esse potest sine alio, distinguuntur realiter, cum idem sine se ipso esse non possit : sed potest

tura creata esse sine suo supposito ; ergò natura creata, & suppositum distinguuntur realiter . Min. prob. quia de facto docet Fides Catholica , quod natura humana Christi fuit in ipso sine humana personaritate , vices cuius supplevit personalitas Verbi; ergò, &c.

Prob. 3. quod talis distinctio sit realis modalis . Illa est distinctio realis modalis , quæ est mutua negabilitas duorum in recto , quorum unum potest esse , seu conservari sine alio ( & dicitur res ) ; alterum verò nequit conservari sine illo , & dicitur modus : sed res sic se habet in casu nostro ; ergò , &c. Min. prob. quia , ut patuit , potest natura conservari sine suo supposito , ut factum est in natura humana Christi , quæ fuit sine supposito humano : suppositum autem conservari nequit sine natura , quia de suo formali conceptu est includens naturam , & per illam constituitur in esse talis substantiæ; ergò distinctio inter ea intercedens est realis modalis . Addite , quòd hæc distinctio realis modalis sufficit ad salvanda omnia , quæ probant naturam , & suppositum distingui ; ergò non est admittenda major distinctio ; nam distinctiones nec multiplicandæ, nec

nec augendæ sunt sine magna necessitate.

Colligitur 1. ex dictis, quod suppositum datur naturæ, ut illi det ultimum complementum substantiale, nam, existere ex se nihil aliud dicit, nisi habere entitatem extra causas, seu esse in rerum natura; quod autem habet esse ens per se subsistens, idest non innitatur alteri, ut sustentanti, seu quod habeat talem modum subsistendi per se, vi cuius nequeat unum per se cum alio facere, hoc habet substantia a supposito.

Colligitur 2. suppositum esse substantiam modalem, atque adeo reductivè poni in prædicamento substantiæ quatenus hæc distinguitur contra accidens, substantia enim nequit accipere formaliter suum complementum ab accidente.

Colligitur 3. cur humanitas propria subsistentia affecta non possit alteri uniri, quia videlicet, cum subsistentia sit intrinsecus modus per se essendi actualiter, implicat, quod natura habeat talem modum, simulque sit in alio ut in supposito, nam esset simul per se subsistens, & non per se subsistens, quæ sunt contradictoria.

Colligitur 4. Personalitatem crea-

tam facere veram compositionem cum natura, tamquam modum cum re modificata, seu terminum cum re terminabili.

Colligitur 5. substantiam esse quid diversum, & distinctum ab existentia, quia existentia solum facit, quod res sit extra causas, seu in rerum natura; substantia verò complet. ultimò substantiam iam existentem.

Ob. cum Scoto. Ad constituendum suppositum creatum, & ad declarandum Incarnationis mysterium, sufficit ponere suppositum in negatione; ergo &c. Secundò si suppositum esset quid positivum, vel esset materia, vel forma, vel compositum, vel accidens: sed nullum ex his est, alioquin non esset unum per se. Tertiò sequeretur humanitatem Christi carere aliqua perfectione maxime connaturali hominis. Quartò, quòd humanitas Christi nunc violenter sit in Verbo, quia est ibi sine propria perfectione naturali, qualis est personalitas.

Resp. Ad primum negatur suppositum sufficienter constitui per negationem, aut sic sufficere ad declarandum Incarnationis mysterium. Ad secundum concedimus suppositum nec esse

materiam, nec formam, neque ex his  
compositum, neque aliquod accidens,  
sed esse aliquem modum substantialem,  
qui reductivè pertinet ad divisionem,  
illam factam ab Aristotele, quatenus  
est modus substantialis naturæ. Ad ter-  
tium respondetur, humanitatem Chri-  
sti non carere ulla perfectione in esse  
naturæ, seu quæ pertineat ad forma-  
lem hominis constitutionem, sed so-  
lùm modo illo substantiali, qui est per-  
sona humana, cujus loco aliquid infi-  
nitè melius ipsi accessit, videlicet per-  
sona Divina. Ad quartum negatur,  
quòd humanitas violenter sit in Ver-  
bo, quia cum per Verbi personam  
suppositetur modo incomparabiliter  
nobiliori, & meliori, nullam patitur  
violentiam, imo est summè contenta.



## DISPUTATIO VIII.

*De ente creato immateriali.*

**N**omine entis creati immaterialis intellexere veteres Philosophi substantias quasdam spirituales completas, superiores homine, inferiores Deo, quas appellavere intelligentias, animas calorum, species separatas, genios; nos verò Divina illuminati fide, Angelos nominamus, quod vocabulum a græco nomine Ἄγγελος deductum latine idem sonat ac *Nuncius*; quare spectata vi nominis, est vocabulum *Angelus* non naturæ, sed officii juxta illud Apostoli ad Hebreos 1. *Omnes sunt administratorii spiritus in ministerium missi*; inde factum est ut hoc nomen translatum sit etiam ad significandos homines, qui Divinis nunciandis sunt delecti, sic Math. 11. Ioannes *Angelus* appellatus est, & Isaiaë 9. *Messias Magni consilii Angelus* dicitur. Aristoteles 8. *Physic.* & 12. *Metaph.* appellat eos *Substantias separatas*, seu *motrices calorum*, seu *intelligentias*. Platonici Angelos superiores *Deos*; inferiores verò *Damones* vocabant. De his  
sub.



substantiis aliqua in præsentì delibare satagemus, quatenus naturali ratione attingi possunt, relinquentes theologica Theologis, qui fusè tractant hanc materiam cum Magistro lib.2.Sentent. a dist. 2. usque ad 11.

## QVÆSTIO I.

*Utrum ratione naturali probari possit  
existentia entis creati immaterialis.*

**S**upponit titulus quæstionis esse possibile ens creatum immaterialē, quia possibile est, quod posito in actu, nullum sequitur inconveniens; sed posito in actu ente immateriali creato nullum sequitur inconveniens; ergo tale ens possibile est. Min. prob. quia nullum potest assignari tale inconveniens. Rursus, quod neque ex parte rei, neque ex parte causæ efficientis repugnantiam involvit, possibile est: ens immateriale creatum, neque ex parte rei, neque ex parte causæ efficientis repugnantiam involvit; ergo, &c. Min. prob. quia ex parte rei, prædicatum *immaterialis* non excedit limites puræ creaturæ, non enim ex eo, quod res sit immaterialis, postulat infinitatem perfectiōis, sed stare potest cum perfectiōe limitata, & finita; neque  
in

involvit repugnantiam tale ens ex parte  
causæ efficientis, quia Deo, qui est  
causa efficiens, inest perfectissima om-  
nipotentia, seu virtus facendi quidquid  
contradictionem non involvit; ergo,  
&c. His suppositis.

Dico. Ratione naturali ostenditur  
existere ens immateriale creatum, seu  
Angelos.

Prob. 1. quia Deus in constitutione  
universi intendit communicare suam  
bonitatem, & manifestare suam per-  
fectionem: ergo produxit omnia illa  
genera entium, & ordines rerum, quæ  
ad hunc finem sufficerent: sed non  
suffecissent entia, & ordines rerum  
productarum ad hunc finem, nisi pro-  
duxisset entia immaterialia completa,  
seu Angelos; ergo produxit. Min prob.  
quia Dei perfectio magna est, esse sub-  
stantiam immaterialem completam intel-  
lectivam, & volitivam: sed hujusmodi  
perfectio non fuisset sufficienter commu-  
nicata, & manifestata, nisi produxisset  
substantias pariter immateriales, com-  
pletas, intellectivas, & volitivas, cum  
nulla alia creatura sit assignabilis, per  
quam id præstetur; ergo de facto illas  
produxit.

Prob. 2. quia quoties existit medi-  
um.

um participans de extremis , existunt etiam illa extrema , e. g. existunt calor, & frigus simpliciter talia , dum existit tepidum , quod de illis participat : sed existit creatura , scilicet homo participans de spirituali , & materiali ; ergo existunt etiam spirituale , & materiale simpliciter talia ; ergo existit ens spirituale creatum simpliciter , idest , completè tale : sed hoc est Angelus ; ergo , &c.

Ob. Divinæ bonitatis , & perfectionis communicatio , & manifestatio sufficienter fit ab homine , qui est imago , & similitudo Dei ; ergo non fuit necesse ad talem finem produci Angelos .

Resp. ab homine id præstari imperfectè , & insufficienter , quia homo non manifestat perfectè esse immateriale Dei , sicut manifestat Angelus , cum enim homo sit spiritualis solum incompletè , seu secundum quid , non potest nisi secundum quid , idest , juxta mensuram proprię entitatis , talem communicationem , & manifestationem exhibere : at Angelus utpotè substantia spiritualis completa , est magis imago Dei , quàm homo , & propterea melius est Divinæ perfectionis manifestativus. Quando autem homo dicitur  
an.

anonomastice imago Dei, dicitur in ordine ad intellectum humanum, quia cum homo magis cognoscatur ab homine, quàm Angelus, ideo intellectus humanus manuducitur ad cognitionem Dei, potius cognitione humanæ naturæ, quàm angelicæ.

Ob. 2. videtur saltem in Angelis admittenda compositio aliqua ex materia, & forma; ergò non sunt substantiæ omnino immateriales. Antecedens prob. In omni motu datur materia, ut dicit Arist. 12. Metaph. tex. 7. sed in Angelis est motus, cum sint mutabiles de uno in alium locum; ergò, &c.

Resp. negato antecedenti, distinguo majorem ipsius probationis. In omni motu substantiali, scilicet, per quem fit transitus de una ad aliam substantiam, datur materia, concedo: in motu accidentali, nego. Loquitur ibi Philosophus de motu primi generis, qui profecto fieri non potest, nisi adsit materia communis genito, & corrupto; non autem de motu accidentali, qualis est motus localis Angelorum, quia hic recipi potest a læquate in eodem, a quo effluenter procedit, & ita materiam non postulat.

## QVÆSTIO. II.

*Virum Angeli sint ex natura sua indefectibiles.*

**S**uppono 1. quod apud omnes certum est, Angelos non esse essentialiter indefectibiles, ita ut nec de potentia Dei absoluta possint a Deo in nihilum redigi; quia cum omnia creata pendent in fieri, esse, & conservari ab actuali, & libero influxu Dei, non est dubitandum, quod possit liberè Deus illa sicuti è nihilo eduxit, ita concursum conservativum suspendere, & in nihilum illa redigere, nulla enim vis, aut ratio ipsum impedire potest.

Suppono 2. Angelos adæquatè pendere a sola Dei causalitate, atque adeo nullius causæ creatæ vi, aut auctoritate posse corrumpi; aut ullo modo destrui. His præsuppositis.

Dico Angelos esse intrinsicè incorruptibiles, immortales, & indefectibiles.

Prob. quia illud tantum est corruptibile, cui aliquod contrarium directè, vel indirectè adversatur, vel quod ita pendet a causa conservante, ut deficere debeat, deficiente ipsa causa: sed

neu-

neutro pacto Angeli sunt defectibiles ; ergò , &c. Min. prob. quia nihil est assignabile inter omnia creata , quod ad-versetur Angelis , & quod suam in- ipsos activitatem exercere possit ; ergò directè non sunt corruptibiles. Nec etiam corruptibiles sunt indirectè , scilicet propter defectum suæ causæ , quia , ut prænotavi , adæquata ipsorum causa conservativa est solus Deus , qui est essentialiter indefectibilis ; ergò tam directè , quàm indirectè Angeli sunt indefectibiles. Confirmatur , quia modus operandi manifestat modum , & naturam essendi : sed modus operandi angelicus est indefectibilis ; ergò , & modus , ac natura essendi est indefectibilis . Min. prob. quia modus operandi innotescit ex ejus objecto : sed objectum operationis angelicæ , est indefectibile ; ergò , &c. Min. prob. quia Angelus intelligendo cognoscit veritates necessarias , & indefectibiles abstrahentes a loco , & tempore , & per amorem in easdem fertur ; ergò , &c.

Qb. Angeli , sicut quælibet alia creaturæ , dependent sicuti in fieri , ita & in conservari a libera , & purè gratiosa voluntate Dei ; ergò sicuti non est de intrinseca ratione Angelorum  
ut.

ut primò producantur, ita nec est de  
intrinseca ratione ipsorum, ut conser-  
ventur; ergò non sunt intrinsecè inde-  
fectibiles.

Resp. allatum argumentum nihil aliud  
probat, nisi quod sicuti Angeli  
volente Deo producti sunt, ita ipso  
volente possunt annihilari. Cæterum  
non concludit, quòd supposita ipso-  
rum productione, & existentia, non  
sint de natura sua indefectibiles; nam  
etiam ignis æquè habet a Deo, quòd  
sit, & quòd sit combustivus, & nihi-  
lominus licèt de intrinseca ratione ignis  
non sit, ut existat, & producat, tamen  
supposito, quòd productus sit, est de  
intrinseca ejus ratione, ut sit  
combustivus. Sicuti ergò ignis natu-  
rali necessitate comburit, quamvis li-  
berè possit Deus combustionem impe-  
dire, ita Angelus est naturali necessi-  
tate indefectibilis, licèt possit Deus  
ipsum annihilare. Dicitur autem in-  
defectibilitas Angelorum gratiofa, quia  
licet ex natura rei debeatur Angelis,  
tamen per Divinam potentiam ipsis  
potest negari; undè non est illis essen-  
tialis, & absolute innegabilis, ut qui-  
dam male olim senserunt, sed solum  
ipsis intrinsece competit, quatenus sup-  
po-

posito ; quod producantur ; exigunt naturaliter esse a corruptione immunes. Hoc totum paucis exponit Cyrillus lib. 8. thesauri cap. 2. his verbis . *Quæ naturis præcipue insunt, ea respectu Creatoris nihil sunt . Quare sicut ignis combustivus quidem est , sed non Deo, sic etiam Angelus immortalis quidem est , sed non Deo .*

### QVÆSTIO III.

*Vtrum Angeli sint intra eandem speciem multiplicabiles.*

**D**Ocent Thomistæ , Angelos omnes non solum esse de facto singulos diversæ speciei , sed neque per absolutam Dei potentiam posse numero multiplicari intra eandem speciem .

Dico 1. non repugnat Angelos numero multiplicari intra eandem speciem .

Prob. quia ut aliqua possint numericè multiplicari intra eandem speciem , sufficit , quod sint limitatę entitatis , & perfectionis , ratione cujus aliquod ex illis non adæquet , seu non complectatur totam suæ speciei perfectionem , nec præstare possit se solo , quantum præstare potest simul cum alia entitate ejus.



ejusdem speciei : sed hæc limitatio non repugnat naturæ angelicæ , ergo , &c. Min. prob. quia Angelò supremæ perfectionis non repugnat limitatio , ratione cujus indigeat coexistentia Angeli inferioris , & essentialiter inæqualis ; ergò nec etiam repugnat cuivis Angelo limitatio , ratione cujus indigeat coexistentia aliorum sibi æqualium , & essentialiter similium ; ergò possibiles sunt plures Angeli ejusdem speciei . Confirm. quia tota implicantia per Thomistas est ex eo , quòd principium individuationis numericæ desumitur a materia , qua carent Angeli : sed jam supra ostensum est hoc non subsistere ; ergò non subsistit motivum implicantie , atque adeo possibilis est numerica multiplicatio Angelorum intra eandem speciem .

Dico 2. probabilius est de facto dari plures Angelos solo numero diversos intra eandem speciem .

Prob. quia præcipuum motivum multiplicandi individua intra eandem speciem est limitatio , seu insufficiëntia unici individui ad collectionem omnium operationum inter se similium , quæ collectio necessaria est ad perfectam dispositionem , & directionem

nem universū : sed talis insufficientia datur in Angelis ; ergò de facto datur in ipsis multiplicatio individuorum intra eandem speciem . Min. prob. quia de facto singuli hominibus ejusdem conditionis , & ordinis deputantur singuli Angeli ad custodiam ; ergò signum est , unicum Angelum non sufficere ad collectionem omnium custodiarum , alioquin frustra deputarentur singulis singuli , si unus ad omnes sufficeret . Confirmatur , quia ordo divinæ providentiæ est , paribus ad paria , imparibus ad imparia uti ; ergò si de facto utitur Angelis ad ministeria paria , seu ejusdem speciei , qualis est custodia hominum ejusdem ordinis , signum est eos Angelos esse ejusdem speciei .

Ob. I. contra primam conclusionem. Rebus perfectioribus debetur ordo perfectior : sed ordo per se , qualis est eorum , quæ distinguuntur specie , est perfectior quàm ordo per accidens , qualis est eorum quæ solo numero distinguuntur ; ergò rebus perfectioribus debetur distinctio specifica , in qua est ordo per se , imperfectioribus , numerica , in qua est ordo per accidens : sed Angeli sunt nobilissima pars universi , & valde perfectiores , quàm sint

sublunaria ; ergò Angelis debetur distinctio specifica , & sublunaribus numerica ; ergò repugnat Angelos numero distinguere .

Resp. retorqueo argumentum : ordo per se , debetur rebus perfectioribus , ordo per accidens , imperfectioribus ; ergò brutis debetur ordo per accidens , atque adeo distinctio numerica , hominibus debetur ordo per se , atque adeo distinctio specifica , & ita singuli homines specie differunt . Argumentum ergò probat quidem , quòd rebus perfectioribus debetur ordo perfectior tam per se , quàm per accidens , non verò quòd debeatur solus ordo per se ; & ita , quòd sicuti prædicata specifica Angelorum , quæ fundant ordinem per se , sunt perfectiora , quàm prædicata specifica corporum , ita sint perfectiora accidentia individualia Angelorum , quàm accidentia individualia corporum , quæ fundant ordinem per accidens . Cum enim Angeli quamvis nobilissimæ sint conditionis , nihilominus habeant essentia creata , non minus quàm reliquæ creaturæ inferiores , non habent in se id , vi cuius debeant ab ipsis excludi omnes omnino imperfectiones rerum in-

feriorum , & præsertim illæ , quæ sunt omni enti creato communes , qualis est limitatio , & insufficientia superius assignata . Sicuti ergò ad perfectionem universitatis sensibilis pertinet , ut aliqua distinguantur specie , & sint invicem ordinata per se ; alia verò sint ejusdem infimæ speciei , & ita sint invicem ordinata per accidens , ita etiam dicimus pertinere ad perfectionem universitatis rerum spiritualium , ut in ea reperiatur uterque ordo , quia in hac quoque utriusque fundamentum reperiri ostendimus .

OB. II. contra secundam conclusionem . Multiplicatio individuorum intra eandem speciem intenta est ad conservationem speciei , quando hæc non potest conservari , nisi per successionem plurium individuorum : sed hoc non habet locum in Angelis , quorum singuli sunt incorruptibiles ; ergò , &c.

Resp. nego majorem , nam si intentio naturæ illa esset , deberet solum multiplicare tot individua , quot sufficerent ad conservandam speciem ; & tamen in omnibus rerum corruptibilium speciebus evidenter patet id non præstari , in illis enim multiplicantur  
in-

individua innumerabiliter ; signum  
ergo est aliud esse motivum talis mul-  
tiplicationis , illud videlicet , quod a  
nobis nuper assignatum est, quod habe-  
re locum etiam in Angelis ostendimus.

# QVÆSTIO IV.

*Verum durasio Angeli sit indivisibilis.*

**D**ico, durationē Angeli, quę dicitur  
ævum, esse formaliter divisibilem:

Prob. quia implicat contradic-  
tionem , quod id ; quod non habet par-  
tes , partim sit , & partim non sit :  
sed ævum angelicum potest partim  
esse , & partim non esse ; ergo impli-  
cat contradictionem , quod non ha-  
beat partes. Min. prob. quia ævum  
angelicum est id , per quod in genere  
causę formalis Angelus determinatur  
ad permanendum in esse : sed de po-  
tentia absoluta Dei fieri potest ut An-  
gelus aliquandiu permaneat in esse , &  
deinde non permaneat ; ergo de po-  
tentia absoluta fieri potest , ut ævum  
angelicum partim sit , & partim non  
sit. Confirmatur , quia sicuti Angelus  
est ex se indifferens ut creetur nunc,  
vel prius , vel posterius , ita ipsius  
duratio , quatenus jam inchoata est ,  
indifferens est , attentā potentia abso-

luta Dei , ut continuetur hodie ,  
eras , & in æternum ; ergo quatenus  
correspondet tempori hodierno , cra-  
stino , &c. habet partes realiter di-  
stinctas .

Quia tamen Angeli substantia uni-  
formiter & invarabiliter se habet, nec  
juvenescit , senescit , aut ad interitum  
appropinquat , sicuti homo , sed idem  
omnino est post annum centesimum ,  
millesimum , &c. ideo ævum angeli-  
cum dici potest fundamentaliter indi-  
visibile , ad differentiam temporis ,  
seu durationis rerum corruptibilium ,  
quæ cum diversimode se habeant re-  
spectu diversarum suarum duratio-  
num , propterea tempus est tum for-  
maliter , tum fundamentaliter divi-  
sibile .

Ob. Si duratio Angeli esset divi-  
sibilis nihil differret a tempore : sed  
differt ; ergo non est divisibilis .

Resp. tam ævo quàm tempori com-  
mune est habere partes ; differt ta-  
men unum ab alio , quia tempus est  
numerus motus , & fundatur in motu ;  
ævum verò nec est numerus motus ,  
nec in motu fundatur .

## QVÆSTIO V.

*Quomodo Angelus sit in loco ?*

**S**uppono tamquam certum Angelos non esse in loco propriè , sicuti sunt corpora , quia cum locus sit superficies corporis ambientis , Angelum nulla superficies propriè potest ambire , & includere , cum enim sit materiæ , & quantitatis omnino expers , penetrabilis est cum quovis corpore ; & cum propter eandem rationem sit præditus ubicatione , quæ non est capax situs , positionis , & figuræ , non potest commensurari corpori juxta se posito . His suppositis

Prænotare oportet , quòd in Angelo duplex modus præsentia potest considerari , metaphysicus scilicet , & physicus . Præsentia metaphysica , constituitur per indistantiam Angeli a loco , sine commensuratione sui cum ipso , & absque eo , quòd circumscribatur corpore ambiente , eo modo , quo nullo existente corpore , ac per consequens nullo existente loco propriè tali , idem Angelus esset indistans a Deo . Præsentia physica , est per inclusionem Angeli in loco ,

eo modo , quo anima rationalis includitur in loco , dum est unita corpori . His prænotatis

Dico , Angelus est physicè in loco per solam operationem activam , aut passivam circa corpus , seu per applicationem virtutis ad operandum : metaphysicè verò est in loco independentè a corpore , & ab operatione , seu applicatione circa illud per ubicationem purè spirituales .

Prob. prima pars conclusionis , quia esse in loco physicè non potest convenire Angelo nisi per adhæSIONEM ad corpus : sed hanc adhæSIONEM habere non potest per unionem informativam corporis , nequè per commensurationem ad ipsum ; ergò necesse est , ut illam habeat solum per operationum relativam , qua moveat corpus , ut movet cælum ; vel passivam , qua corpus agat in ipsum , ut ignis inferni agit in Dæmones , vel per applicationem virtutis , sua vel aliena voluntate factam , ratione cujus inchoativè incipiat esse in loco illius corporis , circa quod , vel a quo operatio esse debet .

Prob. secunda pars conclusionis ; quia licèt nullum corpus esset in re-  
rum



rum natura , Angelus adhuc esset præsens Deo : sed non esset illi præsens ubique , cum naturæ limitatæ , & finitæ repugnet esse ubique ; ergo esset illi præsens alicubi ; ergo independenter a corpore , & ab omni ordine ad corpus , habet aliquam ubicationem purè spirituales , per quam est determinatus ad aliquam partem spatii imaginarii .

Ex dictis intelligitur quid significetur a Philosophis , qui dicunt Angelum pro libito posse esse physicè in loco minori , & minori , & se redigere ad spatium , quod est minimum naturale respectu individui corporei , imo absolvi ab omni loco , & nullibi esse ; & deniquè esse in extremis partibus ejusdem spatii maximi , absque eo , quod sit in medio ; non tamen posse esse physicè in eodem loco cum alio Angelo : significatur enim , quod Angelus pro libito potest operari circa corpus minus , seu circa minorem partem corporis : aut operari in solo corpore omnium minimo naturaliter , aut nullam omnino operationem circa corpus exercere ; aut operari in extremis partibus corporis , quin operetur in medio . Quia verò

non possunt duæ causæ totales eundem numero effectum producere , non possunt duo Angeli esse physice in eodem loco , idest , non possunt ut causæ adæquatæ eundem numero effectum operari .

Satisfit etiam facile per hætenus assignatam distinctionem quæstioni illi , an Angelus possit transire de loco in locum , quin transeat per medium ; nam si agatur de præsentia physica per operationem circa corpus , clarum est , quod potest Angelus incipere operari in extrema una parte alicujus corporis , & immediate operari in altera extrema parte ejusdem corporis , quin operetur quidquam circa ea , quæ interjacent inter illa extrema , dummodo illa extrema contineantur intra totum spatium , cui Angelus putè spiritualiter potest esse simultaneè præsens . Si verò agatur de præsentia metaphysica , clarum pariter est , non posse Angelum transire de extremo ad extremum , quin transeat per medium , quia nullum agens potest agere in distans , quin agat in medium : si autem Angelus posset acquirere metaphysicam præsentiam ad spatium distans a priori suo

suo spatio , quin prius acquireret præsentiam ad spatium intermedium , posset agere in distans , quin ageret in medium , ut per se patet ; ergò , &c.

Quæres 1. utrum Angeli possint intrinsecè , seu formali transmutatione transmutare corpora.

Resp. immediatè per se ipsos , & virtute propria non possunt ; quare nec novam formam v. g. brutalem. possunt inducere in corpus humanum , transmutando hominem in bestiam , nec figuram homini adimere , & ferinam , aliamve tribuere . Ratio est , quia bonum universi est bonum ordinis , cui omnes creaturæ subji- ciuntur , solusque Deus , qui eum creavit , illi præsidet ; ergò ea facere , quæ huic ordini repugnent , est solius Dei , & non creaturæ : sed repugnat huic ordini mutatio hominis in bestiam , aut substitutio ferinæ figuræ ad figuram humanam , sicuti & introductio alterius formæ , & figuræ in quodvis aliud compositum ; ergò hæc facere Angeli propria virtute non possunt , quare D. Augustinus 3. de Trinit. loquens de Dæmonibus , seu malis Angelis inquit : *Non est pu-*

*tandum istis transgressoribus Angelis ad nutum servire hanc visibiliū materiā , sed soli Deo . & 18. de Civit. Dei : Non solum animum , sed nec etiam corpus quidem ulla ratione crediderim Daemonum arte vel potestate in bestialia lineamenta posse converti . Quod si aliquandò mutatos homines in bestias legimus , id fecere Dæmones , seu necromantiæ professores ope Demonum , vel eludendo phantasias intuentium , facientes ut appareret illis , quod verè non erat ; vel formando , & conservando corpus aereum figuræ bestialis circa illos , qui propterea videbantur transformati in bestias , sed verè in se ipsis homines erant , & solum larva illa bestiali includebantur .*

*Quæres 2. an applicando activa passivis , seu utendo virtutibus rerum naturalium , possint producere aliquid perfectius , quàm si produceretur a solis agentibus corporalibus .*

*Resp. licet nihil possint in hoc mundo inferiori producere Angeli nisi utendo agentibus corporalibus , nihilo minus possunt ope illorum producere aliquid perfectius , non substantialiter , sed accidentaliter , quàm*

*si*

si produceretur a solis agentibus corporalibus. Ratio est, quia quando Angelus utitur illis agentibus, utitur ipsis tamquam instrumento: sed instrumentum operatur non solum virtute propria, sed etiam virtute principalis agentis, & quatenus stat sub ipso, potest aliquid perfectius accidentaliter producere, quàm si solum ageret per se ipsum, sic calor, & humidum non sunt de se apta producere carnem, sed ut sunt instrumentum animæ sensitivæ, carnem producunt; ergò etiam agentia corporalia, ut instrumenta Angelorum, poterunt aliquid accidentaliter perfectius producere, quàm, si sola operarentur; quare applicando semen virile matrici mulieris poterunt facere, ut generetur gigas, qui alioquin non erupisset in molem tantam si sola viri & mulieris ope fuisset applicatum semen.

Quæres 3. an possint Angeli immutare vires sensitivas hominis.

Resp. possunt, non quidem imprimendo eis immediatè novas species, sed vel movendo localiter, alterando, aut aliter ordinando species præ-existentes, & ita faciendo ut de novo

appareant , quæ prius non apparebant ; vel obijciendo sensui externo corpora ab ipsis formata ex aere condensato sub illis figuris , quas volunt ; nam natura corporalis , obedit angelicæ secundum motum localem ; quare localiter commovendo , vel species præexistentes , vel humores corporis , potest Angelus varias mutationes in sensibus tam externis , quam internis causare . Non tamen per hoc potest Angelus malus cogere hominem ad actus inhonestos , & peccaminosos , quia commotio specierum , & spirituum spectat ad partem sensitivam , peccatum autem formaliter est in rationali appetitu , qui cum sit omnino expers organi corporis , nequit directè subjici potestati Angelicæ , sed solum indirectè , & dispositivè , quatenus potest Dæmon inflammare sensus , & per eorum instigationem provocare voluntatem ad peccandum , quæ tamen etiam quacumque sensuum commotione posita , libere potest diabolicam suggestionem eludere , divina aspirante Gratia ; quare D. Gregor. in moralibus ait , quòd Dæmon in mentem etiam Sanctorum ingredi potest : sed manere ibi non potest .

Di-

## DISPUTATIO IX.

*De ente Rationis.*

**Q**Uamvis ex dictis superius manifestum sit, quod ens rationis non contineatur directè, & propriè sub objecto Methaphisicè, nihilominus quia frequentissima apud Philosophos illius mentio occurrit, de ipso aliqua breviter hic attingere placet.

Ens rationis, ut ipsum nomen sonat, cum dicat habitudinem ad rationem, juxta triplicem hujusmodi habitudinem tripliciter dicitur, primò effective, secundò subjective, tertio objective.

Ens rationis effective dicitur quidquid a ratione seu intellectu efficitur, & in hoc sensu omnes operationes intellectus sunt entia rationis. Ens rationis subjective dicitur quod subiectatur in ratione, seu quidquid in intellectu tamquam in subiecto recipitur, & in hoc sensu omnes perfectiones, quæ recipiuntur in intellectu, sive ab illo fiant, sive aliunde infundantur, ut species impressæ, scientiæ infusæ, &c. sunt entia rationis. Hæ duæ acceptio-

nes

nes entis rationis non sunt usitate apud Philosophos, & de his hic non agimus. Tertia acceptio entis rationis est objectivè, & in hac acceptione dicitur ens rationis omne id, quod intellectui considerandum objicitur, quia enim cognitio fit per quandam assimilationem, & per quasi attractionem rei cognitæ intra intellectum cognoscentis, dicitur res cognita esse in cognoscente non solum inhæsiivè per sui speciem, sed etiam objectivè secundum se ipsam.

Porro res cognitæ, quæ objectivè sunt in intellectu, sunt duplicis generis. Aliæ habent, vel habere possunt aliud esse reale extra intellectum, ultra illud esse, quod habent objectivè in ipso intellectu dum cognoscuntur, ut dum cognosco parietem A existentem a parte rei, & parietem B, qui potest existere, & sic ista sunt entia realia, nec veniunt nomine entis rationis absolutè probati. Aliæ sunt, quæ præter illud esse objectivum, quod habent in intellectu dum cognoscuntur, non habent, nec habere possunt aliud esse verum, & reale extra intellectum, ita ut intellectu de illis non cogitante nihil omnino sint, ideoque dicuntur habere esse purè objectivè in  
in;



intellectu, ut sunt chymæra, homo, equus, &c. Hæc propriè dicuntur entia rationis, de quibus hic agimus, sunt enim id, quod a ratione concipitur ut ens, cum tamen in se entitatem non habeat; quare definiri communiter solet ens rationis, *est id, quod habet esse objectivè tantum in intellectu*.

### QVÆSTIO I.

*Virum ens rationis consistat formaliter in denominatione extrinseca.*

**N**emo iam dubitat ens rationis effici ab intellectu, quatenus hic efficit cogitationem aliquam repræsentantem ipsum ens rationis ad modum entis realis; quia si ens rationis habet esse tantum objectivè in intellectu, certè habet illud esse mediante aliquo actu intellectus, cui obijcitur; ergo habet esse per efficientiam illius actus.

Prænotandum jam est quòd denominatio alia est intrinseca, alia extrinseca. Intrinseca est, quæ tribuitur a forma intrinseca subjecto, idest, quæ verè & realiter inest subjecto e.g. esse album est denominatio tributa ab albedine, quæ inest subjecto. Extrinseca est, quæ tribuitur, a forma existente extra subje-  
ctum,

Etum , quod denominat e. g. esse visum , esse cognitum sunt denominationes tributæ a formis , scilicet visione , & cognitione , quæ non sunt in objecto viso , & cognito , sed extra ipsum , nempe in vidente , & cognoscente . His prænotatis , putant aliqui non solum causaliter , sed formaliter consistere in denominatione extrinseca , qua res denominatur cognita ab intellectu ac ipsa est in se .

Dico , Ens rationis non consistit formaliter in denominatione extrinseca , sed in entitate ficta ab intellectu .

Prob. Ens rationis illud est , quod habet tantum esse objective in intellectu : sed nulla denominatio extrinseca habet tantum esse objective in intellectu ; ergo , &c. Min. patet , nam esse visum , esse cognitum , &c. five considerentur secundum entitatem denominatam , five secundum formam denominantem , nempe secundum visionem , cognitionem , &c. habent esse verum , & reale ; ergo non habent tantum esse objective in intellectu . Rursus si ens rationis in denominatione extrinseca formaliter consisteret , sequeretur , quod ens rationis etiam resultaret per intellectum ,

di.

divinum, quia etiam prout illi obijciuntur res, denominantur cognitæ: sed hoc est falsum; ergo, &c. Minus est manifesta, nam ens rationis non formatur, nisi concipiendo per modum entis id, quod ens non est: sed hoc est ex imperfectione humani intellectus, quæ a divina cognitione omnino removenda est, cum Deus omnia clarissime cognoscat, sicuti sunt; ergo, &c.

Ob. Deus cognoscit humanum intellectum, & omnia, ad quæ hic se extendit; ergo cognoscit etiam ens rationis factum ab humano intellectu; ergo facit.

Resp. Distinguo consequens, cognoscit ens rationis in actu signato concedo, in actu exercito nego. Cognoscitur ens rationis in actu signato, quando cognoscitur ipsum esse ens fictum, seu nihil, & habere solum, esse in intellectu fingente: cognoscitur in actu exercito, cum intellectus fingit esse ens id, quod re vera ens non est, & hoc est facere ens rationis. Primo modo cognoscit Deus ens rationis: secundo modo non cognoscit, atque adeo illud non facit.

## QVÆSTIO II.

*An sit adequata divisio entis rationis in  
negationem, privationem, &  
relationem.*

**C**Um Aristoteles 4. Metaphysic. in principio numeret inter entia negationes, & privationes, quæ tamen entia non sunt, sed solum entia rationis, unde postea lib. 5. cap. 7. dicit, esse talium entium esse solum secundum veram prædicationem, atque adeo per intellectum; & cum eodem libro c. 15. assignet relationes rationis, motivum inde sumpserunt Peripatetici dividendi ens rationis in negationem, privationem, & relationem.

**Dico.** Assignata divisio entis rationis rectè facta est.

Prob. quia talis divisio fit per membra opposita, quorum unum scilicet non includitur in alio, & membra dividuntia totum adæquant divisum, quod singulis eorum latius patet; ergo est rectè facta. Antecedens patet, nam dubitari non potest, quòd illa tria membra concepta per modum entium sint entia rationis, &  
non

non realia , nam quod attinet ad relationes rationis , in hoc distinguuntur a relationibus realibus , quòd hæc habent verum esse ad aliud , illæ verò non habent , sed cogitantur , seu finguntur habere , ergò earum esse est ens fictum , atque adeo rationis . Quoad negationem , certum est , quòd ex se non dicit aliquid rei , cum esse simpliciter removeat : e. g. negatio naturæ Angelicæ a lapide , ab homine , &c. removet esse Angeli ab homine , & lapide , &c. Quoad privationem pariter certum est ex 5. *Metaph. c. 22.* esse carentiam formæ in subiecto , atque adeo ex se , & formaliter esse non ens , ut docet idem *Aristoteles 1. Physic. c. 8.* ergò ex modo , quo noster intellectus non solum negando , sed affirmando , illas attribuit rebus e. g. dum dicit , homo est cæcus , homo habet negationem , Angeli , cum concipiat eas per modum entis positivi , format entia rationis . Ad unum autem ex tribus his membris omnia entia rationis reducuntur , nec potest dubitari quin ens rationis ut sic , seu divisum , latius pateat , quam singula membra dividenda ; ergò est rectè assignata divisio ,

Ad

Advertite tamen , quòd aliquando Aristoteles vocat privationem formam imperfectiorem , comparative ad formam perfectiorem sibi oppositam e. g. nigredinem dicit esse privationem albedinis , in qua locutione , non accipit privationem propriè , & strictè , unde privationes hujus generis non pertinent ad divisionem a nobis assignatam .

Quæres in quo convenient , & in quo differant negatio , & privatio .

Resp. non est hic sermo de negationibus , & privationibus , ut sunt entia rationis , sed ut a parte rei , & nullo intellectu eas concipiente ad modum entis , removent verè a subiecto aliquam formam . Secundùm hanc acceptionem in aliquibus conveniunt , & in aliquibus differunt . Conveniunt in quatuor . Primò quod utraque in recto , seu de formali , in sola remotione consistit . Secundò , quod utraque est extremum alicujus oppositionis , quæ est verè in ipsis rebus , privatio oppositionis privativæ , negatio oppositionis contradictoriæ . Tertiò quòd utraque potest habere fundamentum in re , cui tribuitur , vel in aliqua ejus conditione abso-

absolutè sumpta , vel ad aliud comparata e. g. in homine negatio lapidis habet fundamentum in ipsa intrinseca natura hominis : privatio verò quia connotat aptitudinem in subiecto , non habet fundamentum in intrinseca natura subiecti , sed in aliqua alia causa , quæ removet formam a subiecto e. g. privatio frigoris in aqua habet fundamentum in calore , qui , frigus removet ab illa ; tenebræ in aere habent fundamentum in absentia solis . Quartò quòd tam negatio , quàm privatio possunt verè , & sine ulla fictione intellectus prædicari de re e. g. dicendo *homo non est equus* , *Petrus non est videns* , &c. in his enim propositionibus intellectus nullam format fictionem .

Differunt verò , quia privatio dicit carentiam formæ in subiecto capaci : negatio verò dicit carentiam formæ in subiecto incapaci ; quare non differunt in recto cum utraque nihil sit , sed solum in obliquo , seu connotato ,

## QVÆSTIO III

*Quomplex sit divisio relationis  
rationis.*

**R**elatio rationis illa est, quæ verè non est, sed ab intellectu fingitur esse in rebus; quare quælibet relatio rationis est, cui deest aliqua conditio necessaria ad relationem realem, quæ cum poscat subjectum capax, fundamentum reale cum debita ratione fundandi, & realem terminum actu existentem cum fundamento reali, si vel hæc omnia, vel unum ex istis deest alicui relationis, non erit realis, sed rationis.

Dividitur 1. relatio rationis in eam, quæ nullum omnino fundamentum habet, & in eam, quæ habet aliquod fundamentum sed non sufficiens. Prioris generis sunt omnes relationes inter unum & aliud ens rationis, ut relatio similitudinis inter duas chymeras, inter unum locum tenebrosum & alium; & relationes inter entia realia pure possibilia, ut relatio similitudinis Antichristi ad homines, qui eum sequuntur. Posterioris generis sunt relationes, quæ tribuunt.



buuntur rei existenti respectu termini non existentis, sive hic sit possibilis, sive non, ut relatio prioritatis Petri respectu Pauli nondum existentis; & relationes pariter, quæ concipiuntur inter extrema, quæ sunt unumquid reale, & sola ratione distinguuntur, ut relatio rationalis ad animal. Similiter rationes quæ in utroque extremo fundantur tantum in denominatione extrinseca, ut relatio domini ad servum, &c. Insuper & relationes generis, speciei, prædicati, subjecti, & similes.

Harum relationum triplex est classis juxta triplicem operationem intellectus. Ex prima operatione resultant relationes generis, speciei, definitionis, definiti, &c. Ex secunda operatione, relationes prædicati, subjecti, copulæ, propositionis, &c. Ex tertia, relatio antecedentis, consequentis, medii, extremitatis; hæ namque relationes non conveniunt rebus secundum se, sed ut denominantur ab aliqua operatione intellectus, & ideo semper sunt rationis. Hoc tamen non tollit quod habeant aliquod fundamentum ex rebus, ut convenientia in qua fundatur abstractio universalis; vel

vel identitas, aut unio plurium, in qua fundatur affirmatio unius de alio; vel realis emanatio unius ab alio, vel concomitantia in qua illatio a priori, vel a posteriori fundatur.

Duplex ex dictis agnosci præcipue potest discrimen inter ens possibile, & ens rationis. Primò quòd ens possibile ex hoc, quòd possibile est, aliquam similitudinem cum Deo habere potest, & secundùm eam similitudinem, quam Deus illi tribuere potest, si velit, a Deo cognoscitur. Ens vero rationis sicut ratione sui nullam omnino habet, vel habere potest similitudinem cum Deo, ita ratione sui nullam omnino cognoscibilitatem habet, sed ipsam extrinsecus accipit a cognoscibilitate aliorum entium realium, sine quibus intelligi non potest. Secundò, quòd in ente rationis, Deus nullum aliud esse cognoscit, nisi illud extrinsecum esse fictum, quòd accipit a creato intellectu concipiente illud per modum entis. In entibus verò possibilibus præter hoc esse diminutum, & extrinsecum, quòd habent ab intellectu cognoscente, cognoscitur verum, & reale esse, quòd habere possunt.



IN DECEM LIBROS ETHICORUM  
**ARISTOTELIS**  
 AD NICOMACHVM.



**I**ntentio Philosophi in  
 his libris est ea docere,  
 quibus instructus homo  
 ad assequendam huma-  
 nam fœlicitatem se dis-  
 ponat. Et quoniam hoc

præcipuè fit operando secundùm vir-  
 tutem, de ipsa, & de virtutibus, ac  
 mediis omnibus ad illam assequendam  
 tractat. Et quoniam hujus Philosophiæ  
 munus est agere, activa propterea,  
 seu practica nuncupari solet. Dicitur  
 etiam moralis, quia in moribus diri-  
 gendis, & formandis versatur. In tres  
 dividitur partes, nempe in Ethicam,  
 OEconomicam, & Politicam; cum  
 enim præcepta humanam vitam di-

rigentia contineat , & hæc triplicis sint classis , vel enim circa mores , vel circa rem domesticam , vel circa rem civilem nos instruunt ; quatenus ad mores dirigendos tendit , Ethica est ; quatenus domum , & familiam disponit ; est *Æconomica* : quatenus denique rempublicam gubernat , est *Politica* ; ordo hujus doctrinæ vos admonet , esse omnino necesse ad fælicitatem consequendam , ut prius perficiat homo se ipsum , deinde familiam suam veluti parvam rempublicam , & denique magnam rempublicam perficere aggrediatur .

Objectum hujus facultatis est ens morale , quod importat de materiali actionem humanam , de formali ordinem , seu conformitatem ad regulas morum .

In primo libro tractat Philosophus de ultimo fine hominis : in secundo de virtute , & ratione ipsam acquirendi : in tertio de principiis operationum humanarum , & ut declaret in specie singulas virtutes , determinare incipit de Fortitudine , & Temperantia : in quarto prosequitur agere de virtutibus , ac præsertim de Liberalitate , & Magnificencia , & gradatim de reliquis ,

quis , excepta Iustitia : in quinto tractat de Iustitia, Æquitate, & Bonitate: in sexto agit de quinque habitibus intellectivis : in septimo explicat heroicam virtutem , Continentiam, & Constantiam , ac deinde determinat de voluptate , & dolore : in octavo exponit Amicitiam , & ipsius species : in nono assignat proprietates amicitiae : in decimo de voluptate , quæ Fælicitati conjungitur, ac denique de utraque Fælicitate . Nos, ne a nostro instituto aberramus , brevi methodo per varias disputationes , & quæstiones, moralem hanc Philosophiam explanabimus.

## QVÆSTIO I.

*Utrum humana vita sit aliquis ultimus finis .*

**P**Rænotare oportet , quòd finis ultimus potest accipi dupliciter. Primò pro eo , quod in aliquo actionum genere tanquam ultimum intenditur , e. g. in genere actionum medicinalium finis ultimus est sanitas : in genere actionum militarium finis ultimus est victoria : in extruendarum ædium arte , domus ; quare hunc finem definit

**Arist. 1. Ethic. cap. 7.** *id gratia cuius cetera aguntur*. Secundo pro eo, quod in omni actionum genere per se expeditur; de hoc inquit Philosophus 1. Ethic cap. 2. *Est finis, quem nos propter se ipsum, cetera autem propter hunc volumus, & postea subiungit, constat hunc talem finem, summum bonum; ipsumque optimum esse.*

Finis ultimus hoc secundo modo acceptus potest pariter considerari dupliciter: primò in genere, & sic nihil est aliud, quàm plenitudo omnis boni, seu esse optime: secundo in particulari, & sic nihil est aliud, quàm res illa, in qua omnis boni plenitudo reperitur, e. g. Deus. Finis primo modo acceptus dicitur formalis: secundo modo acceptus, materialis appellatur.

Dico humanæ vitæ unus est ultimus finis in genere, seu formalis.

Prob. quia omnes homines rationaliter appetunt beatitudinem, seu statum omnium bonorum aggregatione perfectum, quo satiatur ipsorum appetitus per possessionem summæ, ac perfectæ felicitatis, in qua quiescant: sed si non esset omnium unus ultimus finis, id rationabiliter non appetere-

rent;

rent ; ergò est omnium unus ultimus finis. De majori non est dubium, quia nemo reprehendi potest in hoc quod beatitudinem, ac perfectam sui felicitatem appetat, ac proinde ipsam rationaliter appetit. Min. est etiam manifesta, quia nihil aliud potest esse perfecta beatitudo, & satiativum appetitus humani, nisi summi boni, & perfectæ fælicitatis possessio, quidquid enim aliud assignetur, erit bonum defectuosum, atque adeo relinquens in animo anxietatem, & non satians perfectè appetitum ; ergò, &c. Confirmatur, quia finis in operabilibus est sicuti principium in demonstrabilibus, ut docet Arist. 2. Physic. tex. 89. sed in demonstrabilibus sistitur in aliquo primo ; ergò & in operabilibus sistitur in aliquo ultimo ; & sicuti nihil esset cognitum ratione alterius, si non daretur aliquod primum cognitum, seu cognitum ratione sui tantum : ita nihil esset volitum ratione alterius, si non daretur ultimus finis, qui esset volitus ratione sui tantum ; ergò, &c.

Dixi unum esse omnium ultimum finem in genere, seu formalem, quia licet etiam in particulari, seu materialiter sit re vera idem ultimus om-

nium finis , scilicet Deus , in quo solo est omnis boni plenitudo , & cujus solius possessione possumus esse beati ; nihilominus apparenter , & in ordine ad pravam hominum errantium applicationem , multi sunt constituti ultimi fines in particulari ; alii enim voluptates , alii divitias ; alii alia putarunt esse id , quo perfectè satiari ipsorum appetitus valeret , in quo maximè erraverunt .

Colligitur 1. ex dictis , omnes actus humanos , qui propriè humani sunt , referri intrinsecè ad ultimum finem ; nam discrimen actus humani a non humano in hoc universaliter consistit , quòd actus humanus versatur circa bonum universale , & latius patens est , quàm bonum sensibile : quidquid autem volumus dependenter a cognitione boni universalis , volumus vel ut bonum perfectum , & se solo sufficiens , vel ut bonum imperfectum , & se solo insufficiens : si primum , actus per se , immediate , & formaliter versatur circa ultimum finem , quia ultimus finis tantum est bonum perfectum , & se solo sufficiens : si secundum , necesse est ut appetamus , vel formaliter & explicitè vel virtualiter & implicitè bonum imperfectum ;



perfectum in ordine ad perfectum, tam enim natura, quam ars imperfectum subordinant ad perfectum, cum neutra incipiat, aut progrediatur sine intentione complementi, & perfectionis.

Colligitur 2. unius hominis non posse esse plures ultimos fines, quia de ratione ultimi finis est, ut sit bonum, necessarium, & per se sufficiens, ut homo sit optimè; sed implicat, ut homo intendat duo bona tanquam sibi absolute necessaria, & sufficientia, & tamen judicet singula seorsim sibi sufficere, nam hoc ipso judicaret singula illa bona seorsim esse per se sufficientia, simulque non esse per se sufficientia; ergo implicat, quod unius hominis sint duo ultimi fines.

Ob. qui graviter peccat, constituit ultimum finem in creatura: sed potest homo simul peccare graviter peccatis diversi generis e. g. fornicando, & ita consisteret ultimum finem in voluptate, & furando, & ita ultimum finem collocabit in utilitate; ergo tendet simul in duos ultimos fines.

Resp. distinguo majorem, constituit improprie concedo, proprie nego. Peccans graviter non constituit proprie ultimum finem in creatura, quia

ad hoc requireretur , ut judicaret illud v. g. fornicationem , furtum , &c. continere omne bonum necessarium , ut sit optimè , quod profectò non judicat qui fornicatur , furatur &c. Constituit ergò improprie , seu secundum quandam moralem æstimationem , quatenus dum amore creaturæ recedit a vero summo bono , censetur plurius æstimare creaturam , quàm summum bonum , & ita dicitur constituere finem ultimum in creatura . Potest etiam dici constituere finem ultimum in creatura partialiter , non verò totaliter , quæstio autem præsens procedit de fine ultimo totali , & non de partiali .

## QVÆSTIO II.

*Verum finis ultimus hominis in aliquo creato consistere possit .*

**D**ico, finis ultimus hominis in nullo creato consistere potest.

Prob. 1. quia finis ultimus ut habetur ex Philosopho 1. Ethic. c. 2. & 7. & lib. 10. cap. 6. *Est bonum sufficiens* , nempe satiativum appetitus , & expulsivum omnis indigentiae , ita ut eo obtento , nihil supersit ulterius quærendum cum anxietate propter indigentiam ; ac pro-

indè

inde ipsum est ratione sui tantum appetibile, cetera verò omnia sunt appetibilia ratione ipsius, & ad ejus consecutionem dirigibilia: sed nihil creatum est huiusmodi bonum; ergò nihil creatum potest esse finis ultimus hominis. Min. prob. quia intellectus humanus, & humana voluntas sunt potentiae universales, ille circa verum, hæc circa bonum, ita ut sicut ille est capax omnis veri, & solum omni vero satiari potest, ita hæc est capax omnis boni, & solum omni bono potest expleri: sed nihil creatum, nulla-que rerum creatarum collectio est omne verum, aut omne bonum, cum solum primum ens, seu Deus, ut infinite excedens omnem creatam veritatem, & bonitatem sit omne verum, & omne bonum; ergò nihil creatum, nulla-que rerum creatarum collectio potest explere, & satiare capacitatem intellectus, & voluntatis humanæ; ergò nullum creatum potest esse finis ultimus hominis. Confirmatur, quia omnis creata bonitas est essentialiter defectuosa, & defectibilis: sed quæ defectuosa non potest constituere statum fælicitatis perfectæ, & non indigentis ulla alia re; quæ verò defectibilis, non

potest constituere perfectam animi quietem, quæ requiruntur in fine ultimo, seu in beatitudine hominis; ergò nulla creata bonitas potest esse finis ultimus hominis. Major est innegabilis, quia cuicumque rei creatæ deest infinita Dei perfectio, & insuper plurima perfectio creata possibilis præter quamvis perfectionem existentem, quod idem est ac esse defectuosam: similiter quævis creata bonitas contingens est, atque adeo amissibilis. Minor probatione non indiget.

Prob. 2. quia beatitudo objectiva, seu finis ultimus hominis est id, quod est per se sufficiens ad removendam omnem miseriam, sed nullum bonum creatum est hujusmodi, quia quodcumque illud sit, cum eo potest homo esse miser, ut inductione per omnia bona creata pater; ergò, &c.

Remanet ergò quòd finis ultimus, seu beatitudo objectiva hominis sit solum bonum increatum, seu Deus, quia ipse solus est summa veritas, & summa bonitas, continens in se formaliter omnem puram bonitatem, omnemque perfectionem, sine imperfectione; atque eminenter, & causaliter omnem aliam bonitatem, ideoque solus

potens est explere, & satiare totam capacitatem intellectus, & voluntatis humanæ; nec potest homo esse miser, si bonum hoc possideat.

Quæres, In quonam consistat formalis beatitudo hujus vitæ, seu naturalis.

Resp. beatitudinem naturalem consistere in perfectiori contemplatione Divinarum perfectionum, quæ per vires naturæ haberi possit, & in amore Dei super omnia. Ratio est quia formalis beatitudo naturalis hominis non potest consistere nisi in adhæsiōe, & unione ad Deum, seu possessione ipsius Dei, qui ut vidimus, est objectiva illius beatitudo: sed talis adhæsiō, seu possessio nequit consistere nisi in actibus, quibus homo reduplicativè ut homo potest adhærere summo bono, & ipsum possidere, qui non sunt nisi actus humani, scilicet intellectus, qualis est contemplatio, & voluntatis, qualis est amor; ergò in contemplatione, & amore prædictis consistit formalis beatitudo naturalis. Inter hos duos actus principalior est in constitutione naturalis beatitudinis amor, quàm contemplatio. Ratio, quia omnis contemplatio, seu cognitio abstractiva Dei

est de se compossi-  
bilis cum summa mi-  
seria , idest cum peccato , & hoc illi  
non repugnat magnitudine suæ perfec-  
tionis : actus autem amoris Dei super  
omnia directus per eandem cogni-  
tionem est intrinsecè impossibilis  
cum peccato , seu cum summa mise-  
ria , ipsique repugnat ratione suæ per-  
fectionis , ideoque hic actus de se ha-  
bet , magis quàm contemplatio ; con-  
jungere permanentius , & perfectius  
hominem cum summo bono ; ergò  
actus hic amoris habet principalius ra-  
tionem formalis beatitudinis naturalis,  
quam contemplatio. Ratio discriminis  
inter utrumque actum est , quia nulla  
naturali contemplatione potest cogno-  
sci Deus immediate ratione sui , tan-  
quam objectum formale motivum , sed  
tantum mediantibus creaturis , & in  
ænigmate tanquam objectum materia-  
le : amari nihilominus potest imme-  
diatè ratione sui , tanquam motivum  
formale immediatum ipsius dilectio-  
nis , nam bonitas cognita ratione al-  
terius , potest diligì ratione sui , dum-  
modo cognoscatur digna amore ra-  
tionis sui , ut procul dubio cognosci-  
tur bonitas divina mediantibus creatu-  
ris , nam dum mediantibus ipsis cognos-  
citur

citur , innotescit ut infinitè iisdem præ-  
eminens , easque infinitè superans in  
perfectiōe . Certum autem est , quòd  
objectum plus communicat perfectio-  
nem suam actui , ad quem movet im-  
mediatè , quàm actui , ad quem movet  
mediatè tantum , atque adeo perfe-  
ctior est actus amoris Dei naturalis ,  
quàm ejusdem contemplatio , & ita  
principalius in amore , quem in con-  
templatione formalis beatitudo natu-  
ralis ponitur . Diverso modo res se  
habet in beatitudine formali superna-  
turali , in qua actus intellectiōis prin-  
cipalior est . Sed hujus rei non est hic  
locus .



## DISPUTATIO II.

*De virtute, & ratione ipsam  
acquirendi.*

**C**Um in primo libro Philosophus ultimum hominis finem esse summum bonum, quod per voluntatem præcipuè, idest per morales virtutes in ipsa residentes acquiritur, & possidetur, pergit agere propterea in secundo de virtute, & modo ipsam acquirendi, ejusdem enim est considerare de fine, & de medijs, quæ ad ipsam ducunt. Hoc eodem ordine nos rem hanc breviter elucidabimus.

## QVÆSTIO I.

*Verum virtus moralis a natura sit, vel  
potius a consuetudine.*

**V**irtus generaliter accepta defini-  
ri potest: *Est habitus perficiens  
potentiam rationalem in ordine ad pro-  
priam operationem.* Dividitur in in-  
tellectualem, & moralem. Intel-  
lectualis est habitus perficiens intelle-  
ctum ad cognoscendum verum. Quin-  
que a Philosopho virtutes intellectuales  
nu.



numerantur, nempe **Habitus** primorum principiorum, **Sapientia**, **Scientia**, **Prudentia**, & **Ars**. **Virtus** moralis est, habitus perficiens appetitum rationalem ad bonum attingendum. Omnis virtus tam intellectualis, quam moralis perficit potentiam, quod non faciunt vitia. Similiter propter omnem virtutem, justè laudabilis est homo; diverso tamen modo, nam propter intellectuales virtutes laudatur, quod sit doctus, seu sapiens; propter morales vero quod sit bonus e. g. justus &c. De virtutibus moralibus in præfenti est sermo; quærimus nempe, quænam sit causa efficiens proxima particularis talium virtutum; causam enim universalem, & primariam esse Deum non est dubitandum.

Dico, virtus moralis non est a natura, sed a consuetudine ex recta ratione.

Prob. rationibus a Philosopho adductis lib. 2. *Ethic.* cap. 1. sic. Primò. Ea quæ sunt a natura non possunt aliter assuefieri, & consuetudine mutari; sed homines ex justis, fortibus, & temperantibus possunt aliter assuefieri, & consuetudine mutari, & econtra, ut non rarò experientia demonstrat; ergò non insunt hominibus virtutes a natura.

natura, sed ex consuetudine. Major patet exemplis ab eodem Philosopho adductis, nam quia lapidi inest a natura deorsum tendere, & igni sursum, nec hic potest afluere ferri deorsum, nec ille sursum. Secundò, quia in iis, quæ nobis insunt a natura præcedit operationem potentia, seu virtus operandi, e. g. visionem præcedit potentia visiva, intellectionem intellectus, auditionem auris &c. sed in virtutibus moralibus econtra, operatio præcedit ipsam virtutem, prius enim frequenter operamur, & per consuetudinem operandi acquirimus habitum, quo deinceps facile operamur; ergo virtutes morales non a natura sed a consuetudine nobis insunt. Tertiò, quia omnes justarum legum latores ut cives suos bonos efficiant, non relinquunt hoc naturæ, sed leges condunt, quibus præmia bonis, pænas malis constituunt: sed si virtutes inessent hominibus a natura, hoc esset prorsus irrationabile, sicut esset irrationabile ponere legem lapidi ut descendat, igni, ut ascendat; ergo non a natura, sed ex consuetudine sunt virtutes.

Ex his rectè infert Aristoteles, diligenter.

genter esse animadvertendum, ut bonis assuescamus operationibus, tales enim generabuntur in nobis habitus, quales operationes frequentaverimus; unde concludit non solum multum, sed totum referre, ut adolescentes his, vel illis operationibus assuescant: si enim bonis operationibus exercebuntur, virtutes acquirunt: si verò malis, in vitia declinabunt. Quapropter tales quasdam operationes reddere oportet; ipsarum namque differentias habitus ipsæ sequuntur. Non igitur parum, sed plurimum, quin potius totum refert, sic, an non sic homines ab adolescentia consuescant.

Quæres 1. quales sunt actiones illæ, quibus generatur virtus.

Resp. Aristoteles hic lib. 2. cap. 2. statuit rationibus mediis virtutem generari. Primum, igitur hoc contemplamur oportet: res istiusmodi tales esse, ut ab exuperatione, defectioneve corrumpantur. Pro cuius responsionis intelligentia scire oportet, quod medium aliud est rei, aliud rationis. Medium rei est, quod æque distat ab utroque extremo, e. g. numerus quaternarius medius est inter binarium & senarium, quia æqualiter, scilicet duabus uni;

unitatibus ab utroque distat . Medium hoc est idem respectu omnium , & a. Iustitia servandum est ; quare quaecumque persona , quæ surata est decem , tenetur ex Iustitia reddere decem , nec plus , nec minus . Medium rationis est , quod non absolutè , neque respectu omnium , sed habita prudenti ratione personarum , & circumstantiarum consistit in mediocritate inter excessum , & defectum , & hoc medium a Temperantia , & Fortitudine servandum est e. g. si habita prudenti ratione complexionis Petri nimium est respectu ipsius comedere decem , & est minùs iusto comedere tantum duo , medium Temperantiæ in hoc casu non est sex , sed erit comedere tantum , quantum recta ratio dicat ad ejus complexionem commodè sustentandam ; unde ageret Petrus contra Temperantiam per excessum , si plus quàm decem comederet , & peccaret contra eandem per defectum , si minus quàm tria comederet . Intelligit ergò Philosophus virtutem moralem generari actionibus mediis , idest servantibus medium vel rei , vel rationis , quo non servato , corrumpuntur , vel per excessum , vel per defectum . Generari autem virtu-

tem

tem actionibus mediis manifestum est, nam omne illud, quod corrumpitur extremis, generatur & conservatur a medio: sed virtus corrumpitur extremis; ergo generatur, & conservatur a medio.

Indiciū, quod homo virtutis habitum sit affectus, est voluptas, quæ operationem comitatur; si enim quis alacriter, & facile abstinet a corporis voluptatibus, signum est, quod habet virtutem Temperantiæ. Ratio est, quia sicuti se habent potentiæ naturales ad suas operationes, ita se habent habitus ad suas: sed potentiæ naturales cum voluptate facile in suas operationes exeunt, sic oculus exit in operationem videndi, auris in operationem audiendi; ergo & habitus, quando sunt jam acquisiti, exeunt cum voluptate, & facile in proprias operationes: non esse verò adhuc acquisitos manifestat dolor in operando; quare Arist. hic lib. 2. cap. 3. ait: *Atqui signum habituum sit oportet ea voluptas, quæ ipsis actionibus advenit, & identidem dolor.*

Quæres 2. quodnam sit discrimen inter agere iusta, & agere iustè?

Resp. ad agendum iustè tria requiruntur. Primum est scientia, secundum

dum est electio , tertium est immobilitas  
 judicii . Si unum ex his tribus defit ,  
 licet agatur quod secundum se justum  
 est , tamen non agitur justè . Quoad  
 scientiam , necesse est ut operans agat  
 non casu , & ignoranter , sed ut co-  
 gnoscat honestatem rei tum secundum  
 se, tum respectu circumstantiarum. Quo-  
 ad electionem , oportet , ut operetur  
 non impetu naturali , non ob propri-  
 um commodum , vindictam , aut simu-  
 lationem , vel in gratiam personarum ,  
 aut propter nimiam credulitatem , sed  
 ut justitiam propter se servet , ita ut  
 nulli querelarum justam occasionem  
 præbeat . Quoad immobilitatem judi-  
 cii , requiritur ut agat ex habitu virtu-  
 tis , idest , ut conformiter ad ipsam vir-  
 tutem perseveret in actione honesta ,  
 sicuti solent boni viri , idest illi , qui  
 habitum virtutis acquisivere . Hæc om-  
 nia exponit Aristoteles hic lib. 2. cap.  
 4. his verbis : *Ea quæ a virtutibus fiunt ,*  
*non justè , aut temperatè aguntur , si sint*  
*justa aut temperata : sed si & agens sic*  
*se habens agat . Primo quidem si sciens ;*  
*deinde si eligens propter ipsa ; tertio si fir-*  
*mo animo , ac immutabili agat .*

Defectu primæ conditionis graviter  
 errant , qui superficialem rei noti-  
 tiam

tiam adepti , ad deliberandum præcipites ruunt ; nam sæpe sæpius fit , ut honestum operationis ex uno , vel altero motivo metientes , quia non noverunt , ut nosse oportebat , omnes rei causas , & non circumspexerunt finem , quem operatio habitura erat , dum putant se bonum operari , a bono longius aberrant ; nam *Bonum ex integra causa ; malum ex quocumque defectu* . Antequam operetur homo , nosse debet an ex omni parte opus illud honestum sit , & si vel ex una parte deficere ab honestate animadvertit , abste-  
neat .

Defectum secundæ conditionis deplorari magis , quàm explicari potest im-  
mensa malorum cohors , quæ hoc nostro sæculo præsertim incubuit terris : dum alii id solum iudicantes bonum , quod ipsis libet , honestatem non ex ipsa , sed ex proprio genio fingunt , & honestum prædicant , non quod honestum est , sed quod ipsi volunt esse ; atque ita impetum effrenis naturæ , prætextu honestatis sequuntur . Alii proprium commodum , vindictam , simulas , & alia id genus monstra , larva virtutis exornantes ; dummodo iusti appareant , justos esse negligunt ,  
& suo ,

& suo aliorumque exitio virtutem ipsam simulata virtute præfocant. Alii nimis creduli, quia leves, juxta illud, *Qui facile credit levis est corde*, deliberant de rebus gravissimis, vel quia bona intentione agunt, vel quia sic agendum esse sibi suadet quispiam, cui nec prudentia [sal scilicet omnium bonarum operationum] assistit, nec rectæ rationis lumen sufficienter affulget. Alii denique, quibus ex arbitrio aliqua permittuntur, nimio plus quam par est, sua utentes potestate, arbitriique rationem non satis assequentes, sibi licere credunt ea, quæ justî speciem præferunt; unde fit, ut non modo juris ordinem, sed neque substantiam servant; quare monitos omnes velim, ut diligentissimè animadvertant, quòd quando alicui quidpiam ad arbitrium facere conceditur, non est hoc intelligendum ita, ut liceat ipsi pro libito agere, arbitrium enim non importat meram, & liberam voluntatem, sed regulatam recta ratione, quod est arbitrium boni viri, idest rationi, & juri conforme, juri, inquam, illi, quod concernit rem, de qua agitur, alioquin non procederet secundum æquitatem, & licet justa decerneret, injustè



justè tamen ageret e. g. si ad Superiorem, quicumque ille sit, etiam si sit Summus Pontifex, occultum alicujus delictum deferatur, antequam ad puniendum procedat, debet omnino reum audire, ut defensioni locus relinquatur, nam neque Summus Pontifex de plenitudine potestatis potest derogare defensioni, cum hæc sit de jure naturali Divino; unde si reum inauditum puniat, gravissimo se crimine obstringit, a quo ipsum non excusat scire, quòd delictum verum sit, quia scire etiam debet sibi non iusta tantum, sed justè deliberanda esse; unde & Seneca inquit: *Qui statuit aliquid parte inaudita altera, æquum licet statuerit, haud æquus fuit.* Hoc ipsa Divina Oracula clarè præcipiunt, & docent sapient. 6. *Iudicium durissimum his, qui præsumunt, fiet; qui enim custodierint iusta justè, justificabuntur.* Hoc etiam Arist. hic lib. 2. cap. 4 insinuat dicens: *Iustus autem, ac temperatus est, non is, qui has (res iustas) agit: sed qui sic etiam, ut iusti, temperatique agunt.* Difficile tamen est, ut illi qui præsumunt in hunc scopulum non impingant; quare doctus Pignatellus to. I. consult. 133. n. 19. exclamat *At hoc difficillimum*

*Unum ex eo vel solum, quia arbitrium, incredibile enim dictum, quæ tela abusu-  
sum ex hoc magno litium stamine, &  
subtegmine enascantur, idque in longè  
maximam singularem captionem.*

## QVÆSTIO II.

*Verum vitia sint magis contraria inter  
se, an virtuti?*

**C**UM vitia extrema sint, quorum  
unum in excessu, alterum in de-  
fectu consistit, certum est habere inter  
se oppositionem. Cum verò virtus me-  
dia sit, & medio contrariantur extre-  
ma, indubitatum pariter est vitia vir-  
tuti esse contraria. Dubium superest  
tantum an magis opponantur extrema  
inter se, an verò magis opponantur  
medio, seu virtuti.

Dico; Major est contrarietas vitio-  
rum ad invicem, quàm eorundem ad  
virtutem.

Prob. quia ea, quæ magis distant,  
magis opponuntur; quàm ea, quæ  
minùs distant: sed extrema magis di-  
stant ad invicem, quàm a medio; er-  
gò magis opponuntur extrema ad invi-  
cem, quàm cum medio. De majori non  
est dubium. Minor patet, nam ma-  
gis

gis distat parvum a magno , quàm  
utrumque ab æquali ; ergò , &c. Rur-  
sus ea minùs opponuntur , quæ majo-  
rem inter se habent similitudinem : sed  
extrema habent cum medio majorem  
similitudinem , quàm inter se ; ergò  
minùs opponuntur medio , quàm inter  
se. De majori est indubitatum ex defi-  
nitione contrariorum , definiuntur e-  
nim , *ea quæ sub eodem genere maximè  
distant*. Min. patet , nam Temperan-  
tiæ magis assimilatur insensibilitas ,  
idest fuga omnis voluptatis , quàm in-  
temperantia , idest , omnis omninò  
voluptatis desiderium . Fortitudini ma-  
gis assimilatur audacia , quæ nihil om-  
nino timet , sed aggreditur omnia ,  
quàm timiditas , quæ cuncta fugit , at-  
que formidat , nec quidquam subire ,  
perferreque patitur : insensibilitas au-  
tem & intemperantia , timiditas & au-  
dacia nullam inter se similitudinem ha-  
bent ; ergò magis opponuntur extre-  
ma , idest , vitia inter se , quàm cum  
medio , idest cum virtute .

Constat ex his , in quibusdam magis  
opponi virtuti defectum , quàm exces-  
sum , ut patet in timiditate , quæ For-  
titudini magis opponitur , quàm au-  
dacia ; in aliis opponi virtuti magis

excessum , quàm defectum , ut patet in intemperantia quæ magis opponitur Temperantiæ , quàm insensibilitas .

Advertite autem , quòd sumi potest virtus ut medium , & vitia ut excessus , & defectus , in qua acceptione , oppositionem quandam relativam habent , nam omne medium est aliquorum extremorum medium , & omnis excessus est alicujus excessus , sicuti omnis defectus est alicujus defectus ; & in hoc sensu procedit , quod hactenùs dictum est , extrema magis inter se , quàm medio esse contraria . Si verò præscindatur ab hac oppositione relativa , & sumitur virtus ut bonum est , vitia vero ut malum sunt , tunc major est oppositio virtutis ad vitia , quàm vitiorum inter se , magis enim opponitur malum bono , quàm malum malo .

Quæres 1. quomodo cognoscere possumus , quodnam extremum magis opponatur medio , seu virtuti , quàm aliud ?

Resp. Tradit duplicem regulam id agnoscendi Philosophus . Prima est , illud extremum magis opponi medio , quod est dissimilius a medio , ut patet in exemplis allatis . Secunda est illud extremum magis opponi medio ad quod se-  
cun-

cundum solius appetitus sensitivi inclinationem magis propendimus ; nam appetitus sensitivus secundum se præcisè irrationalis est, ac propterea si sola sua inclinatione ducatur , semper tendit ad id , quod est a ratione alienum , quale est ipsi appetitui magis voluptuosum, ut ad intemperantiam , &c.

Quæres 2. quænam sint regulæ, seu præcepta , quibus possumus consequi medium, seu virtutem .

Resp. Philosophus hic cap. 9. tres tradit regulas consequendi medium, seu virtutem . Prima est , ut fugiamus principaliter , & maxime ab illo extremo , quod magis opponitur medio . Secunda est , ut fugiamus ab illis , ad quæ per solum appetitum sensitivum, magis inclinamur, & accedamus ad oppositum : ex voluptate autem & dolore actiones nostras consequente cognoscemus , ad quæ simus magis inclinati ; si enim voluptatem in luxuria capimus, dolemusquæ cum deest luxuriandi facultas , signum est ab appetitu purè sensitivo nos ad intemperantiam inclinari : debemus ergò tunc ab intemperantia quantum possumus fugere , & ad insensibilitatem accedere, nam hoc modo in oppositum abeundo facilius erit inve-

nire medium. Tertia est ut caveamus nobis a voluptate: hæc enim cum tamquam amica naturæ, appetitum leniter demulceat, facillimè nos decipit, & usque in exitium dulcis, venenatum poculum blanda manu propinat.



## DISPUTATIO III.

*De principiis operationum humanarum :*

**P** Rincipia intrinseca humanorum actuum sunt potentia animæ, & habitus. De primis satis diximus agentes de anima rationali : hic de secundis, videlicet de habitibus aliqua differemus, descendendo postea ad Fortitudinem, & Temperantiam.

## QVÆSTIO I.

*Quanam sit vis & efficacia habitus?*

**H** Abitus moralis ex mente Aristotelis 2. Ethic. cap. 5. est quo bene, vel male nos ad affectus ipsos habemus; ut ad irascendum si vehementer, aut remissè simus dispositi, male habemus: si mediocriter, bene.

Certum est eam esse vim, & efficaciam habituum, ut determinent hominem ad bene, vel male operandum, & utroque modo, promptè, facillè, & delectabiliter. Dubitatur solum an habitus concurrat effectivè ad operationem; an verò aliter? Negat Scotus quòd effectivè concurrant, & vult quòd solum

determinent , & afficiant potentiam in ordine ad objectum , ut ipsa sola eliciat actus perfectè , & delectabiliter ita in 1. Sentent. distinct. 17. quæst. 2. art. 1. Durandus in 3. dist. 23. quæst. 2. 3. & 4. putat habitus nullo modo per se concurrere ad actus , sed solum per accidens quoad intensiorem , vel bonitatem , seu malitiam actus , quatenus homini habenti habitum facilius representatur objectum , & cōvenientius apparet.

Dico , habitus verè , & per se concurrunt effectivè ad actus , non tamquam causa partialis univoca , vel æquivoca , sed tamquam perfectio complens ipsam vim activam potentiæ , ut hæc completæ per habitum , possint elicere suos actus perfectiores tam quoad substantiam , quàm quoad intensiorem intra eandem speciem .

Prob. quia habitus est perfectio quædam potentiæ ; ergò debet inesse illi , ipsamque perficere juxta naturam ipsius , juxta illud : *Quidquid recipitur per modum recipientis recipitur* : sed natura potentiæ tota est , ut effectivè producat operationes ; ergò habitus debet eam perficere , complendo ipsam in ordine ad efficiendas easdem operationes ; ergò effectivè concurrunt cum poten-

ten



tentia ad operationes . Confirmatur hoc auctoritate Philosophi , qui 6. Ethic. cap. 4. habitum dividit in activum , & factivum , & hunc esse artem , illum verò Prudentiam affirmat ; ergò effectivè concurrit ad operationem , alioquin non posset activus , & factivus dici .

Quær. 1. an per unicum actum possit produci habitus moralis .

Resp. non posse . Ratio est , quia habitus tribuit potentiæ facilitatem ad operandum promptè , & alacriter in omni casu : sed nequit hanc facilitatem pro omni casu acquirere potentia per unicum actum , cum unicus actus ad omnem casum , & circumstantiam non se extendat ; ergò nequit produci habitus moralis per unicum actum ; quare cum variæ possint occurrere difficultates in diversis circumstantiis , per quas retardetur potentia a prosecutione ejusdem objecti , necesse est eas successivè superari per operationum frequentiam , & animi vim donec acquiratur habitus .

Quæres 2. quomodo habitus minuantur , & corrumpantur .

Resp. certum videtur quòd habitus non pendent ab actibus quoad sui conservationem , nam cum actus utpotè transeuntes cessent , adhuc permanent .

habitas ab illis geniti, & consequenter dicendum est, non minui, nec corrumpi habitum per solam cessationem præcisè ab actibus, sed per hoc quòd quando quis per longum tempus cessat ab actibus, insurgunt multa contraria, quæ paulatim ipsos habitus minuunt, & corrumpunt, exercentur enim tempore longæ cessationis ab actibus alii actus contrarii, qui sunt diminuents, & corruptivi habitus præcedentis. Advertite tamen non esse necesse, ut actus minuens, vel corrumpens habitum sit semper immediatè contrarius illi, sed satis est, ut sit mediatè, & virtualiter, cum enim potentiæ animæ nostræ sint finitæ, & limitatæ perfectionis, non possunt simul intendere frequentationi plurium actuum etiam merè disparatorum e. g. si quis se intensè applicet ad frequentandos actus subveniendi proximo, per hos minuetur, & corrumpetur habitus jam factus dandi operam ludo, licèt subvenire proximo, & ludere non sint actus immediatè, & per se contrarii, sunt enim contrarii virtualiter, & disparatè, quatenus habita ratione finitatis, & limitationis nostræ potentiæ, dum hæc serio & intensè ad proximi subventionem

nem se applicat , nequit non negligere ludum quoad sui frequens exercitium; unde ad avertendos homines ab habitu vitioso optimum erit eos occupare in aliis rebus serio , & frequenter agendis , quamvis actus circa illas non sint immediatè vitio illi contrarii, hoc enim pacto fiet , ut cessando ab actibus vitii , & frequentando alios , quorum frequentia incompatibilis est cum illis , minuetur paulatim , & corrumpetur habitus vitiosus , fastidietque homo ille vitium , quod anxie prius quærebat .

## QVÆSTIO II.

*De Fortitudine .*

**Q**uatuor sunt virtutes morales , videlicet Prudentia , Iustitia , Fortitudo , & Temperantia . Tractavit primò Philosophus de Fortitudine ductus duplici motivo , primò quia versatur circa res difficillimas , idest circa terribilia , & circa affectum vehementissimum , nempe iram , & partem irascibilem : secundò quia versatur circa affectus , quos moderari prius debemus , antequam ad actus accedamus ; prius enim interiora componenda sunt , an-

tequam ad externas operationes veniamus.

Fortitudo dupliciter accipi potest : primò pro quadam animi firmitate in honestis actionibus peragendis ; & in hoc sensu non est virtus specialis , sed conditio intrinseca cujuslibet virtutis , ut enim superius advertimus cum Aristotele , cuilibet virtuti competit firmiter , & immobiliter operari . Secundò pro animi firmitate in sustinendis honestè difficillimis , qualis est mors in bello ; & in hoc sensu est illa specialis virtus de qua hic agimus .

Dixi , quòd Fortitudo versatur præcipuè , & primario circa pericula mortis , quia virtus Fortitudinis debet firmiter retinere humanam voluntatem in bono rationis contra mala maxima , ex hoc enim quòd quis firmiter adhæreat bono rationis contra mala maxima , eo facilius erit firmus in eodem contra mala minora , & sic contra omnia mala : sed malum maximum inter omnia corporalia hujus vitæ est mors , quæ privat omnibus corporalibus bonis ; igitur virtus Fortitudinis versatur præcipuè circa pericula mortis .

Dixi , non cujuscumque mortis , alioquin omnes quæ moriuntur fortes essent ,

fent, sed mortis in bello, quia cum fortitudo sit virtus semper tendens in bonum, non debet habere pro motivo bonum particulare, sed commune, ideoque debet sustinere pericula per id, quo bonum commune moriendo defenditur, quod est bellum iustum, in quo præcipue potest homo viriliter agere, & opera Fortitudinis ostendere.

Quoniam verò ad fortiter agendum necesse est duo præstare, primò remove-  
re impedimenta, & difficultates, quibus voluntas retrahitur a bono rationis, tolerando firmiter difficillima, & cohibendo timorem: secundò moderatè aggrediendo pericula, cum opus est id facere, ad habendam securitatem in posterum, propterea rectè dicitur a Philosopho, quòd Fortitudo est circa timores, & audacias. Est ergo Fortitudo mediocritas circa terribilia in bello propter honestatem, quia ad bonum commune promovendum, est honestum illa sustinere, turpe autem non sustinere.

Fortis erit igitur qui aliquando pericula bono communi imminencia prudenter cavebit, & aliquando moderatè aggredietur, aliquando patienter sustinebit,

Opponuntur Fortitudini quatuor vitia, duo per defectum, & duo per excessum. Per defectum opponitur primò timiditas, cum scilicet homo excedit timendo, quia timet quæ, & quando timenda non sunt, vel quæ moderate timenda sunt, timet plus quàm par est: secundò intimiditas, seu animi stupiditas, cum scilicet non timentur quæ timenda sunt, neque timentur prout oportet. Per excessum opponitur primo audacia, cum videlicet homo adit pericula imprudenter, seu quomodo, & quando non oportet: secundò ignavia, per quam refugit adire pericula, quando necesse foret adire.

Ad hoc autem ut Fortitudo terribilia sustineat, & difficilia aggrediatur, varia debet munia exercere, secundum quæ diversa pariter fortitur nomina, quæ sunt fidentia, securitas, magnanimitas, magnificentia, patientia, longanimitas, perseverantia, & constantia, quæ dicuntur partes quasi integrales, & potentiales illius: ab alijs dicuntur virtutes Fortitudini annexæ.

Fidentia, seu fiducia est spes boni ardui consequendi, vel mali superandi.

Securitas est animi tranquillitas timo-

mo.

morem imprudentem excludens, & firmitatem tribuens.

Magnanimitas est nîsus in magna, propter honestatem, & convenientiam, quam habent illa cum animo rationali tendente ad ultimum finem.

Magnificencia est habitus inclinans ad magna opera externa facienda per contemptum rationalem magnarum Opum.

Patientia est habitus inclinans ad æquanimiter toleranda hujus sæculi adversa, firmanſque animum ne propter tristitias & mærores inde consurgentes, a virtute desciscat.

Longanimitas est habitus animum perficiens, ne ob dilata mali remotionem, vel sperati boni conservationem tristitia obruatur.

Perseverantia est habitus animum firmans in bono, non obstante molestia, quæ ex illius diuturna continuatione nascitur.

Constantia, est obfirmatio in bono superans molestiam ex causis extrinsecis ortam contra continuationem illius.

Opponuntur his Fortitudinis partibus varia vitia. Fiduciæ opponitur incredulitas & desperatio mali vincendi, & boni asse-

assequendi , vel conservandi .

Securitati opponitur anxietas<sup>1</sup> , & nimius timor , quòd bonum acquiri , & conservari non possit , nec malum superari .

Magnanimitati per excessum opponitur præsumptio , ambitio , vana gloria . Præsumptio est quæ opes supra propriam facultatem aggreditur , ut cum quis absque sufficiente doctrina vult exercere munus doctoris , medici , advocati , &c. vel jurisdictionem usurpat , quam non habet , vel pericula errandi imprudenter contemnit . Ambitio est inordinatus appetitus honoris e. g. si velis submissionem cæterorum , concessionem loci honorationis indebiti , &c. vanagloria est appetitus gloriæ vanæ idest , vanæ opinionis , & æstimationis verbis declarandæ . Per defectum opponitur magnanimitati pusillanimitas , quæ est inordinata fuga ab honore , gloria , officiis , &c. ut propriam dignitatem excedentibus , cum verè non excedant ; unde pusillanimis est , qui ex animi abiectione respuit honorem , & famam suo muneri , & statui convenientem .

Magnificentia opponitur per excessum nimia consumptio pecuniarium ,  
cum



cum scilicet fiunt majores sumptus ,  
quàm opus exposcat . Per defectum ve-  
rò opponitur parvificentia , seu sordi-  
ditas , cum præ animi angustia omit-  
tuntur sumptus operi convenientes .

Patientiæ opponitur per defectum  
durities , seu insensibilitas , quæ ex  
quadam stoliditate , propria vel alic-  
na mala non sentit . Per excessum op-  
ponitur impatientia , cum quis plus  
æquo de malis dolet .

Perseverantiæ , & constantiæ oppo-  
nitur per excessum pertinacia , cum  
falso consilio , judicio , vel actioni ni-  
mum quis inhæret . Per defectum op-  
ponitur animi levitas , & inconstantia  
cum ex tedio virtutis , vel ob externas  
difficultates e. g. propter murmurationem  
aut detractionem malorum homi-  
num bono desistis .

## QVÆSTIO III.

### *De Temperantia .*

**D**Vpliciter accipi potest Temperan-  
tia . Primò pro quadam tempe-  
rie , & moderatione rationali in hu-  
manis operationibus , & passionibus ;  
& in hoc sensu imbibitur in omnibus  
virtutibus moralibus . Secundò pro  
ha-

habitu cohibente appetitum , ab his , quæ maximè alliciunt , & delectant sensum gustus , & tactus , & in hoc sensu est specialis virtus , de qua hic est sermo .

Dico , Temperantiam esse solum circa delectationes gustus , & tactus .

Prob. quia ut diximus de Fortitudine quæ est circa summa mala corporalia , virtus moralis Temperantiæ debet versari circa moderationem summorum delectabilium corporalium , sed hæc sunt solæ delectationes gustus , & tactus ; ergo &c. Min. prob. quia delectatio utpote consequens operationem naturalem , eo major est , quò sunt magis naturales ipsæ operationes : sed summè naturales animali sunt operationes , quibus conservatur natura , tam quoad individuum , quàm quoad speciem ; quoad individuum autem conservatur cibo , & potu , quoad speciem verò , conservatur conjunctione maris & fæminæ , quæ sunt delectationes gustus , & tactus ; ergo Temperantia versatur circa solas delectationes gustus , & tactus ; moderatis enim his , quæ sunt summæ inter corporales , secundariò , & facile moderabitur alias minores delectationes .

Rej

**Regula Temperantiæ desumenda est ex necessitate hujus vitæ, ita ut delectabilibus tantum utamur, quantum satis est ad hujus vitæ, atque officiorum necessitatem. Nomine autem necessitatis non intelligitur hic illud sine quo res esse non potest, sed intelligitur convenientia tum corporis, idest cura sanitatis, & bonæ habitudinis, tum etiam exteriorum rerum e. g. status, divitiarum conditionis, eorum cum quibus vivimus, & similia, quæ omnia comprehenduntur sub honestate, quare Philosophus hic lib. 3. cap. 11. in fine ait de temperato: *mediocriter autem, & ut oportet, eas res appetit, quæ voluptate quidem afficiunt: ad sanitatem autem, & bonam corporis habitudinem conferunt, & res ceteras voluptatis effectrices identidem; si nec impedimento sint dictis habitibus corporis, nec honestatis cancellos, nec facultatum metas egrediantur.***

Partes integrales Temperantiæ duæ sunt, scilicet verecundia, & honestas. Verecundia est moderatus timor admittendi quod turpe, & probrosum est, ne scilicet cum ab aliis cognitum fuerit, dedecus, infamiam, & justam reprehensionem pariat. Curandum omnino

nino est ne peccantes verecundiam abjiciant, si enim hæc semel ab eorum corde exulaverit, omnis quoque exulabit virtus; quare satagant parentes, & omnes qui præsumunt, ne zelo importunę correctionis a subditis verecundiam auferant, hoc enim fræno illis detracto, in pessima quæque præcipites ruere videbunt; melius est enim peccata propter pænitentiam dissimulare, quam præpropere animadversione spem omnis remedii, sublata a peccantibus, verecundia, præcidere. Honestas non accepta in sua communitate, secundum quam cuilibet virtuti competit, sed strictè, prout est pars Temperantiæ, est dignitas honoris propter fugam inordinatę voluptatis in gustu, & tactu consistentis; opera namque Temperantiæ sunt speciali pulchritudine, ac honore prædita, quatenus arcent ab homine voluptates brutales; quibus turpis redditur eas inordinatè capiens.

Partes subiectivæ [ quæ scilicet sunt species sub Temperantia, tamquam sub genere contentę ] sunt abstinentia, sobrietas, & castitas.

Abstinentia est virtus moderatrix voluptatis ciborum. Sobrietas est virtus moderatrix voluptatis potus. Castitas est  
virtus

virtus moderatrix voluptatis venereorum ; ne scilicet appetantur nisi , quæ quando , & ubi recta ratio postulat . Appellatur etiam pudicitia , quia usus voluptatis venereæ etiam licitus , ut est conjugalis , & quodcumque illius signum ut visus , amplexus , &c. pudorem utentibus gignit .

Partes potentiales Temperantiæ ( tales appellantur omnes aliæ virtutes secundario appetitum frenantes , ne in aliquid inordinate tendat ) sunt continentia , humilitas , studiositas , mansuetudo , clementia , modestia , parcitas , eutrapelia . Quatuor priores internis motibus voluntatis moderandis invigilant ; posteriores verò externi actionibus componendis inserviunt . Continentia motum internum frenat , cum impetu voluptuosæ passionis voluntas excitatur . Humilitas inordinatum appetitum propriæ excellentiæ coercet , ne plus honoris sibi tribui velit , quàm suo statui , & conditioni sit conveniens ; quare non adversatur humilitati cognitio donorum nobis a Deo collatorum ; nec appetitus dignitatis , & honoris nobis debiti ratione ipsorum . Studiositas temperat appetitum sciendi , ne cognoscere appetamus nisi ea , quæ scire pos-

flu;

stulat recta ratio , & prout nobis congruit. Mansuetudo compescit motum irę ad vindictam accensum . Huic affinis est clementia , quę animum concitatum cohibet , ne in externa punitione excedat ; hæc eos , qui præsumunt , maximè commendat , qui eam propterea velut regiminis pupillam custodire debent . Modestia modum in externis corporis motibus ponit . Huic affinis est parcitas , quę temperat usum rerum externarum quę ad corporis cultum spectant , ut sunt vestes , ornamenta &c. Eutropelia modum præfigit ludis , & jocis , ita ut ex iis usurpemus solum , quod ad animi relaxationem , honestam , & ad humanum convictum spectat .

Opponuntur Temperantię , & virtutibus ei adnexis , per defectum stupor , seu insensibilitas , per quam refugit homo delectationes gustus , & tactus sumere , quando recta ratio exigit , ut cum conjux alteri conjugii debitum conjugale non vult reddere , vel cum quis recreationem necessariam ad vitę sustentationem negligit . Per excessum opponitur intemperantia , per quam delectationes gustus , & tactus , quas , quando , aut quomodo non expedit , homo appetit ,

Con;

Continentiæ opponitur incontinentia , per quam voluntas passionem sensitivi appetitus concupiscibilis sequens , deficit a firmitate , quam secundum rectam rationem custodire debebat.

Humilitati opponitur superbia per excessum , quæ consistit in appetitu honoris , & excellentiæ sibi indebitæ . Per defectum opponitur pusillanimitas , seu animi dejectio , per quam sine rationabili causa respuit , quæ suum gradum , statum , & conditionem decent .

Studioſitati opponitur curiositas , quæ consistit in appetitu immoderato sciendi , quæ scire non expedit , aut quando non expedit , aut quomodo non expedit , spectatis circumstantiis rei , personæ , temporis , loci , &c.

Manſuetudini opponitur ira , quæ est inordinatus appetitus vindictæ , quæ , quando , & quomodo non decet ; ex qua rixa , indignatio , clamor , contumelia , blasphemia , perjurium , & similia nascuntur .

Clementiæ opponitur crudelitas , quæ in puniendo modum excedit . Huic affinis est sævitia , & feritas , si enim quis ita excedat in puniendo , ut delectetur punitione , sæuus & ferus est ,  
fe;

rarum enim proprium est, ex aliena vexatione delectationem sumere, quare D. Ambrosius Theodosium clementiæ eximiæ laudat, quod supplicanti-  
bus nunquam negavit veniam: *Beneficium existimabat Theodosius se accepisse, cum ignoscere rogaretur, & Claudianus eum, sic Honorium filium instituentem refert.*

*Sis pius in primis: nam cum vincamur in omni*

*Munere, sola Deos aequat clementia nobis.*

Modestiae, & paritati opponitur per excessum immodestia, per quam homo immoderate utitur sensibus, & potentiis, aliisque ad corporis cultum pertinentibus. Per defectum opponitur negligentia, per quam negligitur usus sensuum, potentiarum, & cultus corporis, qui secundum circumstantias status, & conditionis personæ exigitur.

Eutrapeliæ opponitur per excessum ludus, & iocus immoderatus, ut cum quis plus quam expedit, aut quando, & quomodo non decet, ludit, & jocatur. Per defectum vero opponitur rusticitas, per quam quis se agrestem, & injucundum exhibet, aliisque molestus fit, non cooperando honestæ illorum



rum recreationi , quare cavendum est ,  
ne colore virtutis austeritatis , in vi-  
tium rusticitatis labamur , nam auste-  
ritas , ut virtus est , non excludit om-  
nes delectationes , sed tantum inordi-  
natas , & superfluas , ut docet D. Thom.  
2. 2. quæst. 168. ad 3. quare Philoso-  
phus 4. Ethic. cap. 8. docet , quòd cum  
humanæ vires ope ando defatigantur ,  
oportet requiem aliquandò , & recre-  
ationem honestam in joco quærere ,  
ut alacrius , & firmitus ipsam deinde  
operationem prosequi possimus . locus  
autem debet esse moderatus , ita ut  
non excedamus in ridiculis , quod pro-  
prium est scurrarum , neque deficiamus ,  
ita ut nihil dicamus ridiculi neque au-  
diamus , quod proprium est hominis  
duri & agrestis , sed mediocritas illa jo-  
candi servanda est , per quam comis , &  
urbanus homo vocatur , cum scilicet  
dicit , & audit ea quæ ridicula sunt ,  
honestam tamen , & non afficientia dolo-  
re illum , in quem facetè dicuntur .

## DISPUTATIO IV.

*De Iustitia , & Injustitia .*

**A**ristoteles lib. 5. Ethic. cap. 1. Iustitiam præclarissimam esse virtutem asserit , adeo ut reliquarum omnium veluti compendium videatur , cui propterea meritò convenire dicit illud.

*Iustitia in sese virtutes continet omnes.*

Rationem hujus rei reddit , quia scilicet cum Iustitia sit virtus ad alterum , ille qui hanc habet , perficit non solum se , sed etiam alios , quod optimi viri proprium est . *Optimus autem non qui ad se ipsum : sed qui ad alium utitur ipsa virtute : Hoc enim est opus difficile.* Multi enim , qui in sui ipsius emolumentum , & perfectionem virtute uti norunt , in iis , quæ sunt ad alium , virtutem adhibere nesciunt ; unde sæpe sæpius errant non parum quidam , ad quos cum spectet viros eligere ad aliorum gubernationem , sibi videntur rectè facere , si eos eligant , qui sibi metipsis boni sunt , cum hoc minimè sufficiat , sed præcipuè requiratur idoneitas pro aliis , undè celebris est illa Biantis sententia : *Magistratus virum*  
*osten-*

ostender, experientia etenim demonstrat, complures in propriis bonos & laudabiles, admotos ad aliorum regimen, nullius penè boni fuisse promotores, sed malorum plurimorum occasiones præbuisse adeo frequentes, ut quiete ac tranquillitate populorum turbata, odium universorum in se converterent, & qui suis operam dantes laudabantur, alienis pessimè insistentes execrationem omnium meruerunt; sic de Hircano Rege Palestinæ vulgò circumferebatur, quòd erat homo optimus, sed pessimus princeps. De Iustitia igitur aliquanto fusiùs, quàm de reliquis virtutibus tractabimus, sicuti etiam de injustitia, quia hæc vitiorum, illa virtutum epitome a sapientibus appellatur, quare Arist. hic cap. 1. inquit: *Hæc igitur Iustitia non pars virtutis, sed tota est virtus, similiter & injustitia huic contraria non vitii pars, sed totum vitium est.*

## QVÆSTIO I.

*Quid, & quomplex sit Iustitia?*

**H**omo in hac vita potest dupliciter considerari: primò ut pars communis ad aliam partem; secundò ut

G                      pars

pars ad totam ipsam communitatem : si hoc secundo modo consideretur , afficitur justitia generali , vi cujus unusquisque obligatur reddere reipublicæ quod justum , seu debitum est : si verò consideretur primo modo , afficitur justitia particulari , vi cujus tenetur reddere comparti , idest singulis aliis hominibus , quod justum , seu debitum illis est .

Justitia generalis appellatur a Philosopho *legalis* quia versatur circa legem , seu justum legitimum , in republica enim rectè constituta , & legibus instructa , omnia omnium virtutum officia præcipiuntur ; in quo sensu Iureconsultus in l. justitia ff. de just. & jure ait : *juris præcepta sunt , honestè vivere , alterum non ladere , suum cuique tribuere* . Hæc justitia in Principe , & Magistratu leges decernente inest quasi architectonica , quia arte , & prudentia leges præscribunt , in subditis vero , qui leges exequi debent , inest ministerialiter . De hac non agimus in præsentī , sed de justitiā particulari .

Particularem justitiam definit optimè Aristoteles hic cap. i. sic. *Justitia est habitus , quo homines apti sunt ad res justas agendas , & quo justā agunt , & volunt*

*lunt iusta*. Dicitur *habitus*, per quod innuitur constantia, & perpetuitas moralis circa proprium objectum, cum inter cetera differat in hoc habitus ab actu, quod hic transit, ille constans, & permanens est: particula *iusta* differentialis est, & significat id, quod cadit sub jure activo, & potestativo uniuscujusque, non autem significat ipsum jus activum, & potestativum, hoc enim nec per justitiam tribui, nec per injustitiam auferri potest e. g. jus activum, & potestativum, quod habeo in meo agro, domo, veste &c. non tribuitur mihi a justitia, nec tolli potest a me per injustitiam; tribuitur verò mihi a justitia, & auferri potest per injustitiam a me meus ager, domus, vestis &c.

Coincidit cum hac definitione tum illa S. Thomæ quæst. 58. art. 1. *Iustitia est habitus secundum quem aliquis constanti, & perpetua voluntate jus suum unicuique tribuit*, tum illa Vlpiani lib. 1. ff. de just. & jur. communissimè recepta: *Iustitia est constans, & perpetua voluntas jus suum cuique tribuendi*, in qua *constans, & perpetua voluntas*, idem significat, ac voluntatis habitum: illa verò particula *jus suum* significat, ut

dixi jus passivum, seu justum, & debitum ad æqualitatem.

Ex allata definitione colligitur, objectum formale justitiæ non esse rem, quæ debetur alteri debito justitiæ, & quæ per eandem justitiam unicuique tribuitur, & potest per injustitiam auferri, quia hujusmodi res per se præcisè nihil differt ab eo, quod tribuitur per liberalitatem e. g. idem ager, domus, vestis, &c. secundum se præcisè tribui potest per liberalitatem æquè ac per justitiam, ideoque si tales res essent objectum formale justitiæ, nihil differret justitia a liberalitate. Est ergo objectum justitiæ jus activum, ratione, cujus justæ sunt, seu ad justitiam spectant res, quæ tribuuntur per justitiam, & auferri possunt per injustitiam, quod jus activum præsupponitur in eo, cui per justitiam tribuitur res justa.

Vt autem clarè explicemus jus illud, quod est proprium justitiæ sciendum est, quòd jus universaliter, quatenus complectitur jus justitiæ, & jus obedientiæ, est potestas obligandi alterum ad aliquam actionem, vel omissionem actionis, per voluntatem ipsius habentis jus. Hæc voluntas obligativa potest esse duplex.

plex : alia , quæ velit oppositum aliqujus actionis , & omissionis esse illicitum principaliter ex motivo sui placiti , & hæc est obligatoria ex iustitia e. g. ego volo nemini esse licitam actionem auferendi a me meam vestem , aut omissionem restitutionis mihi faciendæ meæ pecuniæ , quia principaliter sic mihi placet ; hæc mea voluntas obligatoria est ex iustitia : alia est voluntas volens esse illicitam aliquam actionem , aut omissionem actionis ex motivo utilitatis ipsius obligati , aut communitatis , cuius obligatus pars est , & hæc est obligatoria ex obedientia e. g. Princeps vult , ut observentur leges , & hoc ex motivo utilitatis ipsius subditi , & communitatis , cuius subditus est pars : hæc voluntas est obligatoria ex obedientia . In prima voluntate fundatur jus proprietatis , quod est proprium iustitiæ , & dici potest , *potestas inserviens propriæ utilitati , & felicitati hominis , cui inest* . In secunda voluntate fundatur jus jurisdictionis , quod est *potestas inserviens utilitati , & felicitati ejus , qui illi potestati subest* .

Ius , seu iustum relatè ad jus jurisdictionis , idem est ac honestum , & complectitur objecta omnium virtutum ,

quia leges , & præcepta , quæ sunt a-  
ctus illius juris , disponunt de actibus  
omnium virtutum , ideoque compre-  
hendunt objecta omnium ; quare hoc  
jus , & justum non potest esse speciale ,  
ac proprium objectum justitiæ particu-  
laris , de qua agimus in præsentî . Con-  
cludendum proinde est , jus proprietä-  
tis , vi cujus res dicitur sua uniuscujus-  
que , & justum passive acceptum , quod  
tale denominatur dependenter ab eo-  
dem jure activo proprietatis , quod  
etiam æquum , seu æquale appellatur ,  
esse justitiæ particularis obj ctum .

Hoc jus potest alicui convenire tum  
imperfectè , tum perfectè . Convenit  
imperfectè , quando inest per solam  
denominationem extrinsecā , & non per  
formam perficientem intrinsecè subje-  
ctum , ut in paruulis usu rationis ca-  
rentibus , quibus convenit jus proprie-  
tatis suarum rerum non per hoc , quòd  
habeant intrinsecè liberam potestatem  
de illis disponendi , sed per meram de-  
nominationem extrinsecam , qua deno-  
minantur domini . Perfectè convenit ,  
quando inest per formam intrinsecè  
perficientem ipsum subjectum , qualis  
est libera potestas disponendi in impe-  
dibiliter de suis rebus in illis qui usum ra-  
tionis habent.

Re-



Relatè ad jus justitiæ hæctenus explicatum potest aliqua actio esse justa dupliciter, negativè scilicet, & positivè. Justa negativè dicitur, quæ non est contra jus alterius intendentis proprium bonum, seu placitum e. g. actio, qua quis comedit suum cibum, est justa negativè, quia non repugnat juri cujusquam, qui ex motivo proprii boni, & placiti illam reddere possit illicitam. Actio justa positivè est illa; quæ ideò non est illicita ( nisi aliunde dehonestetur ) quia conformatur cum voluntate alterius intendentis formaliter, vel æquivalenter suum bonum, & placitum, ut est solutio debiti.

Ex dictis liquet, tria omnino esse necessaria ad proprietatem justitiæ particularis: primò ut sit ad alterum simpliciter: secundò ut versetur circa debitum: tertio ut reddat ad æqualitatem; quare filius & pater, maritus, & uxor, dominus & servus, cum non sint alter simpliciter, quia filius est moraliter pars patris, maritus & uxor sunt una caro, servus est res, seu instrumentum domini, non sunt ut tales, capaces, ut inter ipsos sit justitia particularis. Similiter ex alio capite, scilicet, quia exæquari invicem neque-

unt, non potest inter ipsos esse justitia, nam filius nequit parenti reddere æquale: servus, quia totus domini est, nequit domino æquari: vxor licet proximè accedat ad equalitatem viri, tamen ipsi non æquatur, dixi non esse capaces justitiæ, *ut tales*, quia in iis rebus, quæ unus alteri debet, non ut dicit prædictam relationem subjectionis ad alterum e. g. in bonis castrentibus, quæ possidet filius, in paraphernis quæ habet vxor, in proprio peculio, quod habet servus, potest inter illos intercedere justitia, quia in ordine ad ista, & similia se habent ut concives, seu compartes ejusdem civitatis, nec considerantur ut filius, vxor, aut servus, sed ut homo ad alium hominem. Idem valet si civis celebret cum sua republica particularem contractum e. g. emptionis, venditionis &c. tunc enim respublica non consideratur ut respublica, seu ut totum, sed ut pars ad aliam partem, & intercedit inter ipsam & civem justitia particularis simpliciter talis.

Dividitur justitia in duas species, nempe in commutativam, & distributivam. Commutativa dicitur a Philosopho, ea quæ in commerciis est hominum emendandis; idest, quæ

re-

respicit non rationem personarum, sed commerciorum, seu quantitatem rerum; circa quas factum est commercium, nempe damnum qua quantitate superat lucrum, & redigit tum lucrum, tum damnum ad æqualitatem arithmeticam.

Commerciorum duplex est classis; alia enim sunt, quæ sponte faciunt homines, alia quæ ipsis invitis efficiuntur. Prioris generis sunt venditio, emptio, vadimonium, locatio, depositio, mercede conductio, &c. ea verò quæ sunt invitis hominibus sunt partim clandestina, ut furtum, adulterium, veneficium, lenocinium &c. partim cum dolo, ut falsum testimonium, &c. partim violenta, ut verberatio, vincula, mors, rapinæ, membrorum mutilatio, convicium, contumelia, &c. In his, & similibus iustitia commutativa arithmeticam constituit æqualitatem inter damnum, & lucrum.

Iustitia distributiva dicitur ab eodem Philosopho, ea qua in distributione consistit honoris, aut pecuniarum, aut ceterarum rerum, quæ inter eos dividi possunt, qui in eadem civili societate versantur; idest ea, quæ constituit æqualitatem geometricam totius ad partes secundum

dùm partium merita , & qualitatem præmii distribuendi , quatenus expedit ad communem fælicitatem . Vnde patet ad justitiam distributivam duo requiri : primum est , ut Magistratus ritè distribuant inter merentes omnia præmia assignata meritis a republica : secundum est , ut respublica assignet meritis tantam præmiorum quantitatem quanta assignari expedit ad fælicitatem communem , habita ratione virium , & sumptuum necessariorum ipsius reipublicæ .

Discrimen ergò justitiæ commutativæ a distributiva est , quòd commutativa exigit æqualitatem arithmeticam inter rem acceptam , & datam e. g. si vendidi equum æstimatum aureis 20. debeo 20. recipere . Distributiva verò requirit æqualitatem geometricam , seu medium proportionum e. g. sicuti se habent 2. ad 4. ita 4. ad 8. utraque enim proportio est dupla , quare in distribuendis præmiis poscit justitia distributiva ut si meritum e. g. militis unius est ut 2. alterius verò ut 8. hic quarta parte præmii superet alterum ; unde patet quòd justitia commutativa versatur formaliter inter duos terminos , nempe inter duas res : justitia verò distributi-

va

va versatur inter quatuor terminos ; scilicet inter duas res , & duas personas , quia sicut se habet dignitas unius personæ ad dignitatem alterius personæ , ita se habet res collata uni personæ ad rem collatam alteri personæ , ita tamen ut in commutativa principale , imò unicum motivum sit æqualitas rei ad rem , in distributiva verò sit proportio personæ ad personam , seu dignitatis ad dignitatem , ratione cujus deinde recipitur proportio præmii ad præmium , quæ ratione prioris proportionis attenditur quasi effectus ratione causæ , & hoc non quatenus cedit in bonum personæ , cui præmium confertur , sed in bonum reipublicæ , & communem fælicitatem , intuitu cujus principaliter instituta est distributio præmiorum , licet hæc secundariò cedant in bonum eorum , quibus conferuntur .

Motivum ergo justitiæ commutativæ est bonum particulare , & privatum singulorum , consistens in æqualitate arithmetica rei ad rem , nulla habita ratione dignitatis personarum , aut fælicitatis reipublicæ , quæ solum secundariò resultat ex hoc , non verò venit in intentione primaria . Motivum verò formale & primarium justitiæ di-

tributivæ est bonum , & fælicitas communis , ad quod confert maximè consideratio dignitatis personarum , & collatio præmiorum servata proportionem geometrica , ita ut utilitas resultans personis privatis ut talis justitiæ , sit merè quid secundarium . Hoc totum acutè advertit Aristoteles , cum enim hic lib. 5. cap. 3. de justo distributivo loquens dixisset . *Iustum enim , quod in distributionibus est , omnes uno ore pro dignitate quadam oportere esse dicunt , ipsam tamen dignitatem non eandem omnes inquit esse ,* deinde cap. 4. de justo commutativo loquens subjungit : *Hoc autem aliam habet speciem a priore , iustum enim distributivum eorum , quæ communia sunt in dicta semper comparatione rationum consistit , nam si : pecuniis publicis distributio fiat : eadem erit ratione , quam habent inter sese ea , quæ in rempublicam suam collata , & injustum , quod huius opponitur , idest , quod a comparatione rationum exorbitat . Iustum autem , quod est in commerciis , est quidem æquum quoddam : & injustum , iniquum , sed non illa comparatione rationum , sed arithmetica , nihil enim refert , si probus pravo detraxerit , an pravus probus , neque si adulterium probus , an pravus*  
com-

*commiserit : sed ad differentiam nocumen-  
ti lex respicit tantum , & nititur ut aqua-  
libus , si hic injuriam facit , ille patitur ,  
& si hic nocuit , ille est laesus .*

Hinc facile habetur ratio differen-  
tiæ specificæ Iustitiæ commutativæ a  
distributiva , nam virtutes specifican-  
tur a motivis , seu objectis formalibus :  
sed ut patet , objecta formalia Iustitiæ  
commutativæ , & distributivæ sunt spe-  
cie diversa , ergo & ipsæ Iustitiæ com-  
mutativa , & distributiva sunt specie di-  
versæ ; quare non sunt attendenda ,  
quæ subtiliter magis quàm solidè affe-  
runtur a Buridano , & Gualando con-  
tra talem diversitatem intrinsecam , &  
distinctionem specificam , ut fusè pon-  
deravit P. Martinus de Espursato de  
Iustitia , & jure quest. 18. per totam .

Principale munus Iustitiæ commuta-  
tivæ est commutatio , quæ ut rectè no-  
tat Philosophus hic cap. 5. inde ortum  
habuit , quia quilibet abundat aliqui-  
bus bonis , & indiget aliis ; quare per  
commutationem dat ea , quibus abun-  
dat , & recipit ea , quibus indiget .  
Quoniam verò immediata rerum com-  
mutatio erat incommoda , quia ut plu-  
rimum res una pretio excedit aliam e.  
g. si futor indigebat domo , hæc exce-  
de;

debat pretio calceos, undè ad equalem commutationem instituendam debuisset fabro dare tot calceos, quot equarent pretium domus; hoc ipso tamen quod daret tot calceos, hi fabro fuissent superflui: fuit propterea inventa pecunia tanquam communis mensura commutationum, & veluti fidejussor propter indigentiam, quia securos reddit homines ab indigentia, cum possint pecunia sibi providere de omnibus, quibus indigent.

Pecuniæ valor duplex est, intrinsecus, & extrinsecus. Intrinsecus consistit in eo, quod e. g. nummus aureus contineat aurum tanti ponderis, & perfectionis, & secundum hunc valorem pecunia habet rationem non pecuniæ, sed mercis, eo modo quo habet rationem mercis aurum nondum formatum in pecunia. Extrinsecus consistit in eo, quod nummus aureus commutetur cum tot pecuniis argenteis e. g. cum decem, cum viginti, &c. Et quoniam in omnibus rebus mensura est quid minimum, ut notat Philosophus, & inter pecunias, quæ communiter adhibentur in magnis commerciis minima est argentea, propterea moneta argentea mensurat auream, & ideo  
tunc



tunc dicitur crevisse valor pecunię aureę , cum pro pluribus argenteis quàm antea commutatur e. g. nummus aureus hispanus antea commutabatur 20. argenteis, nunc commutatur 22, ideoque extrinsecus ejus valor crevisse dicitur .

Injuria est juris alieni violatio, tunc enim aliquis alteri injuriam inferre dicitur , cum violat jus , quod illi competit . Differt a privatione juris, quia hæc fieri potest sine injuria , ut cum quis justè privatur officio . Jus, per cujus violationem injuria constituitur , est illud , quod est legitima facultas aliquid agendi , sive obtinendi , vel in eo sistendi , aut aliquo alio modo se habendi .

Tale jus duplex est , aliud *in re*, aliud *ad rem* . Jus in re dicitur , quod tribuit actionem realem , quæ vocatur rei vindicatio lib. 1. tit. 1. digest. ut jus quod habet dominus in sua veste , agro , mancipio , cane , &c. jus ad rem est , quod tribuit actionem tantum personalem e. g. si quis mihi donavit vestem , aut vendidit gemmam , sed nondum tradidit , possum ego agere contra talem personam donantem , & vendentem ad hoc ut mihi tradat vestem , gemmam , &c. non autem  
pos.

Possum mihi illam vestem, aut gemmam vindicare tanquam meam, & ab altero auferre, cui fortè illas tradidit, quia actio mea cohæret non rei, sed personæ donanti, & vendenti, atque adeo contra hanc personam tantum, & non contra rei possessorem agere possum. Ex injuria, seu alieni juris violatione oritur obligatio restituendi, quare de hac obligatione nunc agendum est.

## QVÆSTIO II.

*Verum obligatio restituendi fundetur in re accepta, & in injusta acceptione?*

**R**estitutio est ( si vis nominis spectetur ) in pristinum statum repositio l. restituere 1. & 2. ff. de verbor. signif. Strictè accepta, & prout est actus commutativæ justitiæ variis definitionibus solet explicari, dicitur enim ab aliquibus, *reditio rei accepta*. Ab aliis: *damni illati compensatio*. Ab aliis: *Inæqualitatis facta formaliter, vel materialiter contra justitiam commutativam ad æqualitatem reductio*. Ab aliis: *est iterato aliquem statuere in possessionem rei sue*. Ab aliis denique: *voluntas jus suum prius lesum unicuique tribuendi; quæ*

quæ omnes definitiones licet verbis discrepent, re tamen coincidunt; ut patet consideranti. Quæritur iam an obligatio restituendi fundetur in re accepta, & in injusta acceptione.

Dico, Obligatio restituendi fundatur adæquatè in re accepta, & in injusta acceptione.

Prob. quia quicumque rem alienam quandiu, & quatenus aliena est, detinet, vel illam detinet bona fide, & sine culpa, vel mala fide, & cum culpa, nullus enim alius potest assignari modus, quo ipsam detineat: si bona fide, & sine culpa; ergo tenetur illam restituere non ratione injustæ actionis, cum hæc dari nequeat ubi non est culpa, sed præcisè ratione ipsius rei, in qua alter jus habet, & ita tenetur ratione rei acceptæ. Si mala fide, & cum culpa; ergo ratione injustæ actionis, seu acceptionis, qua malam fidem & culpam fovit, obligatur restituere rem, vel ejus æquivalens, si res non extet; alioquin si pereunte, seu consumpta re, non tenetur eam in suo æquivalenti restituere, culpa sua proderet authori; qui consumpta re, quam culpabiliter detinebat, liberaretur ab obligatione restituendi; ergo conclu-

cluditur obligationem restitutionis adequatè fundari in re accepta ; & in injusta acceptione.

Ex his intelligitur , cur possessor bonæ fidei , qui ratione rei acceptæ ad restitutionem obligatur , si res consumpta sit , & ipse in nullo factus sit ditior , nihil restituere teneatur ; quia videlicet cum tota obligatio hujus generis fundetur in sola re , si hæc apud detinentem non remaneat in se , neque in aliquo suo fructu , seu æquivalenti , totaliter cessat obligatio restitutionis , cum totaliter cesset ejus fundamentum : si verò licet non remaneat in se , tamen remaneat in aliquo suo fructu , seu æquivalenti in totum , vel in partem , & ita detinens , qui eam contumpsit ditior factus sit in aliquo ex vi ipsius rei , tunc secundum id , in quo factus est ditior , remanet saltem virtualiter , seu æquivalenter ipsa res , & ita remanet ad proportionem fundamentum obligationis restituendi , & consequenter etiam ipsa obligatio restitutionis durat , debetque illud æquivalens restituere .

E contra verò quia injustè rem alienam accipiens habet obligationem restituendi devinctam non soli rei , quam de-

detinet , sed actioni injustæ , qua accepit rem , & pereunte ipsa re , adhuc remanet moraliter in illo actio injusta , seu culpa , remanet propterea semper fundamentum obligationis restituendi ; unde etiam si ex re consumpta in nullo factus sit ditior , adhuc ad restitutionem totius æquivalentis tenetur .

Hæc obligatio ratione injustæ acceptionis licet sit ex delicto , non est propriè pænalis , sed est ex quodam quasi contractu , qui consistit in hoc , quod cum injustè accipiens rem alienam teneatur velle reparare damnum illatum , si talem voluntatem habet , per illam obligatur : si verò ipsam non habet , natura , quæ non vult injusto suam , injustitiam prodesse , obligat illum ex quasi contractu , ac si voluntatem illam habuisset .

Ex sola injuria , si per eam nullum damnum illatum sit , non adest obligatio restitutionis ; nam restitutio est actus justitiæ commutativæ : satisfactio autem pro injuria est actus justitiæ vindicativæ , cujus exercitium ad solam publicam potestatem spectat quare debetur satisfactio tantum post judicis sententiam .

*Justitia vindicativa dicitur illa secundum*

dum quam justa de delinquentibus vindicta sumitur ; quæ sive consideretur relatè ad eum , qui punitur , sive relatè ad rempublicam , cui iudex obligatur ex officio ad vindictam , & punitionem delictorum , sive ad indemnitatem personæ particularis pendentem ex punitione delicti , adeo deficit a proprietatibus justitiæ particularis , ut sit adæquatè extra totum genus ipsius , solumque cum illa nomen commune habeat.

### QVÆSTIO III.

*Utrum de jure natura detur obligatio restitutionis in bonis diversi generis?*

**P**Rænotandum est i. bona ejusdem generis dici illa, quæ habent aliquam mensuram communem , ut sunt omnia bona fortunæ . Bona diversi generis sunt , quæ per se non habent aliquam mensuram communem , nec unum potest arithmetice alterumque quare , ut vita , fama , res sunt inter se incapaces ut unum redigatur ad æqualitatem arithmeticam cum alio, si enim alicui abstuli vitam , quantumcumque pecuniæ erogem , numquam vitam eius æquabo . Similiter valet de fama , quæ per famam tantum reparari potest , si  
fuit

fuit ablata , non verò per pecuniam .  
Quæritur hic an ille , qui e. g. vitam  
alteri per injustum homicidium abstul-  
lit , nec potest vitam restituere , tenea-  
tur ad restitutionem saltem in bonis al-  
terius generis v. g. ad aliquam pecunię  
summam ; idemque valet de honore ,  
fama , sanitate , &c.

Certum est quòd qui vitam , vel fa-  
mam alterius læsit , & ex tali læsione  
resultavit damnum pecuniarium , tene-  
tur ad damnum illud pecuniarium re-  
staurandum ; imò ad restituendum lu-  
crum illud , cujus spes ablata est illi per  
vitæ , aut famæ læsionem ; ad restitue-  
ndum , inquam , tantum , quanti va-  
lebat iudicio prudentis spes illa lucri .  
Similiter certum est , quod qui vitam ,  
vel famam alterius lædit , & per sen-  
tentiam iudicis ad certam pecunię sum-  
mam persolvendam damnatus est , obli-  
gatur ad summam illam erogandam ,  
quia tenetur obedire iudici in iis , quæ  
ad bonum commune spectant , & ad  
emendationem injuriantis , atque ad  
lenimentum doloris in eo , qui passus  
est injuriam , conducunt . His prænotatis

Dico , de jure nature non datur obliga-  
tio restitutionis in bonis diversi generis .

Prob. quia omnis obligatio ibi solum  
habet

habet locum , ubi est talis obligationis  
possibilitas , cum implicet aliquem o-  
bligari ad impossibile ; ergò ubi non  
est possibilitas restitutionis , non potest  
de jure naturæ dari ejus obligatio : sed  
inter bona diversi generis non est pos-  
sibilitas restitutionis ; ergò in istis bo-  
nis nequit de jure naturæ dari obliga-  
tio restitutionis . Min. prob. quia *restitu-  
tio est in pristinum statum repositio ,  
seu redditio rei accepta* , sed quantun-  
cumque læso in bonis unius generis v.  
g. in vita , vel fama tribuatur ex bonis  
alterius generis , fieri non potest repo-  
silio in pristinum statum , seu redditio  
rei acceptæ ; ergò , &c. Min. patet ,  
nam si quis sit læsus in vita e g. si ipsi  
effusus est oculus , quantumcumque  
famę illi addatur , numquam repone-  
tur pristinus oculus , similiter si fuit in-  
famatus , & ei reddatur purimum ,  
imo infinita pecunia , nunquam red-  
detur illi fama ; ergò inter bona di-  
versi generis non est possibilitas resti-  
tutionis , atque adeo nec potest dari  
ejus obligatio . Ratio ulterior est ,  
quia ut detur in aliquibus bonis possi-  
bilitas restitutionis , debet respectu ta-  
lium bonorum esse aliqua mensura  
communis : sed ut prænotavi , bona  
di.



diversi generis nullam habent mensuram communem; ergo non est inter illa possibilitas restitutionis. Hoc totum docuit Aristoteles hic lib. 5. cap. 5. post medium dicens: *etenim neque societas fuerit sine permutatione, neque permutatio sine aequalitate, neque equalitas sine communi mensura.*

Ob. videtur incredibile, quod qui bovem, aut obolum furatus est ad restitutionem obligetur, qui verò occidit hominem, non obligetur. Rursus si quis furatus est 100. & possit restituere solum 50. tenetur ad hæc restituenda, quia qui nequit restituere totum tenetur restituere partem, quam potest, ergo qui nequit restituere vitam, vel famam, tenetur saltem restituere pecuniam, & ita si non restituit totum, restituet partem.

Resp. Bos, & obolus sunt bona per restitutionem compensabilia, habent enim pro mensura communi pecuniam; & vita hominis liberi non habet mensuram communem, atque adeo compensabilis non est. Ex eadem ratione qui non potest restituere 100. tenetur ad 50. quia 50. sunt pars illorum 100. ex eo quod communem habent mensuram, at bona diversi generis nequeunt esse

esse pars compensationis bonorum alterius generis, pars enim illa, est quæ simul cum aliis partibus potest æquare totum; patuit autem pecuniam nunquam posse per sui additionem æquare vitam, vel famam, atque adeo nequit esse pars restitutionis vitæ, vel famæ. Consulto autem fecit natura, ut bona diversi generis essent invicem incommutabilia, quia ea expedit esse commutabilia, quæ æqualem possunt afferre utilitatem uni, ac alteri contrahentium, ut sunt frumentum, gemmæ &c. quæ æquè possunt esse utilia emptori, ac venditori: ea verò expedit esse incommutabilia, quæ alteri contrahentium magnam possunt afferre utilitatem, alteri verò parvam, vel penè nullam: sic brachium mihi utilissimum est, si verò alteri vendatur, & a me abscindatur nullius illi utilitatis est.

## DISPUTATIO V.

*De Prudentia.*

**P**rudentia si nominis etymologiā spectemus idem est, ac procul videntia, munus enim ipsius est procul videre quę agenda, vel fugienda sunt; quare ipsam definit Aristot. hic lib. 6. cap. 5. *Est habitus agendi vera cum ratione, circa ea, quę sunt bona homini, atque mala.* Ex qua definitione manifestum fit, Prudentiam esse virtutem intellectualem, quia videre, seu cognoscere est opus intellectus, non autem voluntatis. Numeratur nihilominus inter virtutes morales, quia directiva est actui omni moralium, dictat enim, & prescribit quid in qualibet particulari actione honestum, atque adeo amplectendum sit, & quid turpe, ac propterea fugiendum. Consulto dicit Philosophus Prudentiam esse habitum *agendi*, & non dicit *efficiendi*, nam effectio, qualis reperitur in arte, terminatur ad opus, & est quasi perfectio operis; at actio terminatur ad eum, cujus est actio, & est perfectio ipsius agentis, quare per illam particulam ostendit, Prudentiam esse habitum in-

trinfecè ordinatum ad perficiendum ipsum hominem.

Colligitur ex dictis, Prudentiam esse non modò habitum activum cum ratione, sed esse conjunctum cum appetitu recto, idèoque Aristoteles hic asserit, quod Prudentiæ non est oblivio, sicuti est eorum habituum, qui merè intellectuales sunt, quia Prudentia, & morales virtutes, cum quibus conjuncta est versantur circa ea, quæ in humana vita fere semper nobis occurrunt, & quorum exercitatio est ferè continua, ac proinde oblivioni locum non præbent.

Porro ex eo, quòd Prudentia dirigit, & gubernat reliquas virtutes morales, ita ut sit veluti sal omnium virtutum, quibus condendis necessariò adhibenda est, dici solet forma virtutum, forma videlicet, non intrinseca, & informans, sed extrinseca, & dirigens, perficitque propterea appetitum dirigendo ad bonum, non autem inclinando ipsum, quia forma inclinans debet esse intrinseca subjècto inclinato, ut est gravitas in lapide, qui per ipsam inclinatur deorsum, quod non competit Prudentiæ, quæ non est in appetitu tanquam in subjècto, dirigens enim non est

est necesse quod sit in eo, qui dirigatur, conformiter ad quæ D. Bernardus Serm. 44. in Cantica inquit: *Prudentia non tam est virtus, quam quedam moderatrix, & auriga virtutum, ordinatrix affectionum, & morum doctrix, & Aristoteles hic cap. 13. tantæ necessitatis Prudentiam esse putavit, ut sine ipsa hominem esse bonum non posse dixerit. Patet igitur ex dictis fieri non posse, ut sine prudentia sit homo propriè bonus, quia ut 2. Tulcul. inquit Tullius. sine Prudentia ne intelligi quidem ulla virtus potest. Cujus rationem insinuat Aristoteles loco citato, quia nimirum omnis virtus est habitus, & secundum rectam rationem, & cum recta ratione: sed hæc recta ratio est Prudentia; igitur omnis virtus est necessario cum Prudentia. Est enim is habitus virtus, qui non solum est secundum rectam, sed cum recta etiam ratione: recta autem de talibus ratio, ipsa est sanè Prudentia, unde merito cecinit Juvenalis sat 10.*

*Nullum numen abest, si sit Prudentia.*

Functiones, seu actus Prudentiæ sunt tres, scilicet, bene consultare, bene judicare, & præcipere executionem. Bene consultare est diligenter examinare quæ sunt media, & circumstan-

tiæ necessariæ ad hoc ut opus honestè fiat . Huic opponitur *inconsideratio* , & *precipitatio* : cum intellectus sine sufficienti examine prædictorum , ad iudicium ; seu sententiam de agendis properat . Bene judicare est prævia diligenti consultatione concludere quid , quomodo , & in quibus circumstantiis tale opus particulare sit agendum , ut sit secundum virtutem . Huic opponitur *mentis inconstantia* , per quam homo ex impetu passionis , aut ex levi motivo finit se dimoveri a recta sententia semel concepta . Præcipere executionem est non per imperium , sed per directionem præscribere quid , & quomodo hic & nunc sit executioni mandandum id , quod in mentis consilio decretum est , & a voluntate acceptatum . Huic opponitur *negligentia* , per quam id , quod a ratione iudicatum est , & voluntatis consensu acceptatum omittitur exequi ob repugnantiam passionum , vel operandi tædium unde monet Arist. hic lib. 6. cap. 9. *celeriter quidem deliberata esse agenda , cum mora autem consulendum* .

## QVÆSTIO I.

*Quanam sint Prudentiæ partes.*

**P** Artes Prudentiæ aliæ sunt integrales, aliæ subjectivæ, & aliæ potentiales.

Integrales sunt memoria, intelligentia, docilitas, solertia, ratio, providentia, circumscriptio, & cautio. *Memoria* est recordatio eorum, quæ in similibus casibus præterita sunt, quæ sive vidimus, sive audivimus, sive legimus: *intelligentia* est cognitio præsentis status rei, & principiorum moralium. *Docilitas* est promptitudo voluntatis ad dicendum: *solertia*, seu *sagacitas*, est species bonæ conjectationis, seu velocitas in excogitandis mediis ad agendum requisitis: *ratio* est promptitudo ad ratiocinandum, & unum ex alio deducendum: *providentia* est consideratio futurorum eventuum, qui ex opere sequi facile possunt: *circumscriptio* est consideratio circumstantiarum ad opus necessariarum: *cautio* est cura removendi impedimenta, quæ occurrere possunt, & evitandi incommoda, quæ inde timeri valent.

Partes subjectivæ sunt monastica, &

gubernatrix , seu politica . :

Monastica est quæ hominī, quatenus privata persona est , rectum sui ipsius regimen secundum virtutem præscribit.

Gubernatrix , seu politica est , quæ modum alios regendi edocet . Subdividitur hæc in quatuor species, videlicet , œconomicam, civilem, legislatricem, & militarem .

*OEconomica* , seu *domestica* ca est , quæ in familia gubernanda secundum rationem versatur : *civilis* est , qua recta civitatis administratio , & legum observantia procuratur : *legislatrix* , quæ etiam *nomothetica* dicitur , est quæ leges idoneas , seu justas condere docet : *militaris* est quæ leges recte regendi militiam assignat.

Partes potentiales sunt , *eubulia* , *synesis*, & *gnomon*: *eubulia* vim tribuit ad rectam consultationem : *synesis* est habitus recte judicandi de consultatis, reflectendo ad principia practica , leges naturales , & positivas , ad quarum fines legislator respexit : *gnomon* est quæ tribuit vim judicandi ex principiis quibusdam altioribus ultra sensum litteralem verborum legis , conformiter ad mentem legislatoris ; unde solet appellari correctio legis , cui correspondet  
in



in voluntate respectu iustitiæ epycheia ,  
nam sicuti se habet hæc ad iustitiam ,  
ita gnomon ad Prudentiam.

Peccatur contra Prudentiam duplici  
pacto , videlicet , per defectum , & per  
excessum . Per defectum opponuntur  
ipsi præcipitatio , inconsideratio , in-  
constantia , & negligentia , de quibus  
egimus supra . Per excessum opponun-  
tur illi prudentia carnis , astutia , do-  
lus , fraus , sollicitudo temporalium ,  
& sollicitudo futurorum . *Prudentia*  
*carnis* est cogitatio , & investigatio eo-  
rum , quæ sunt appetitui carnali acco-  
modata . *Astutia mala* est excogitatio  
mediorum simulatorum , & pravorum  
ad proximum decipiendum cum animo  
exequendi . Dixi *astutia mala* , nam  
datur etiam astutia bona , quæ est exco-  
gitatio modorum agendi , qui occulti  
sunt , & non passim obviis ad iusta ne-  
gotia perficienda : *dolus* est executio  
astutiæ , verbis vel factis præstita in  
proximorum damnum : hic , inquam  
est *dolus malus* : si enim quis exequatur  
bonam astutiam , ut cum in publicum  
hostem , latronem , &c. utitur mediis  
non passim obviis ad eorum repellendas  
injurias , tunc dolus dicitur bonus. *Fraus*  
est mali doli species , quæ ab eo in hoc  
differt ,

differt, quòd fraus decipit tantùm per facta, semper mala est, unde etiam *impostura* nuncupatur; dolus verò fit etiam per verba, & aliquando est bonus. *Sollicitudo temporalium* est nimia, seu inordinata animi occupatio in bonis temporalibus procurandis ex nimia cupiditate habendi, nimioque timore amittendi. *Sollicitudo futurorum* est nimia mentis occupatio circa futura. Dixi *nimia*, nam si prædictæ sollicitudines moderatæ sint, non sunt vitiosæ, sed ad providam cautionem spectant.



## DISPUTATIO VI.

*De Amicitia.*

**C**onsideravit Aristoteles hic lib. 8. cap. 1. quòd cum amicitia vel virtus sit, vel cum virtute conjuncta, sicuti ad moralem Philosophum spectat agere de virtutibus, quarum doctrinam præmisit, ita ad eundem tractare de amicitia omnino pertinet. Pluribus hanc veritatem rationibus egregiè ostendit, cujusmodi sunt, primò, quia ad moralem Philosophum pertinet consideratio illius boni, quod est maxime necessarium in vita humana: sed amicitia est hujusmodi, ut patet ex enumeratione cujuslibet status, & ætatis hominum usu rationis præditorum, nam divites, & potentes indigent amicis, ut in eos beneficia conferant, si enim non haberent, quibus beneficia conferrent, parum, vel nihil sua ipsis prosperitas prodesset, necessarii enim sunt amici, erga quos liberalitatem exerceant, & qui ad suas opes custodiendas fideliter illos adiuvent, atque ita a timore amittendi liberent. Pauperibus necessarii sunt amici, ad quos in-

H 5

suis

fuis calamitatibus confugiant. Iuvenibus utiliffimi funt ad compescenda peccata : senibus plurimum conferunt ad ea perficienda , quæ ob ætatis imbecillitatem ipfi peragere nequeunt ; ergo amicitia eft maximè neceffaria in vita humana . Rurfus amicitia civitates confervat , nam propter hoc legumlatores funt in primis folliciti , ut cives invicem fint benevoli , & pacem , concordiamque inter fe custodiant , quæ amicitia aliquid eft , curantque omni ftudio ut discordiam avertant , quæ docet experientia res etiam magnas in perniciem ruere , quare Divinæ veritatis monemur oraculo : *omne regnum in fe ipfum divifum defolabitur , & domus fupra domum cadet*. Alias plures congerit hic rationes Philofophus ad idem probandum , a quibus libens abftineo , ut brevitati confulens ad alia fpectantia ad amicitiam accedam .

## QVÆSTIO I.

*Quid , & quantuplex fit amicitia ?*

**D**Efinit hîc Aristoteles lib. 8. cap. 2. amicitiam fic. *eft benevolentia mutua non latens* , in qua definitione *benevolentia* eft genus , reliquæ particulæ funt

funt differentia dicitur *mutua*, & per hanc particulam ostenditur differentia amoris amicitiae, ab eo qui non est talis; nam amare possumus etiam irrationalia, & inanimata, ut amamus canes, equos, vinum, &c. quia tamen non est reciprocus talis amor, nec illis volumus bonum gratia ipsorum, quod ad veram amicitiam necessarium est, quæ importat per se velle bonum alicui gratia ipsius, cui bonum volumus, propterea amor irrationalium, & inanimatorum amicitia non est. Similiter si Petro non redamanti me velim bonum, non erimus amici, ob defectum mutuae benevolentiae. Dicitur *non latens*, quia potest aliquis velle bonum alteri, qui hoc nesciat, & amari se non cognoscat, & ille alter similiter illum amare simul potest, & ita mutua intercedet inter eos benevolentia, & nihilominus non erunt amici, quia utriusque amor alterum latet; requiritur ergo ad amicitiam constituendam, ut mutua benevolentia sit non latens.

Antequam ad determinandum de speciebus amicitiae descendat Philosophus, prænotandum censet, quod amabile, seu bonum, quod est objectum ipsius, triplex est, scilicet, honestum,

quod appellat bonum simpliciter , jucundum , & utile . Bonum honestum est illud quod est conveniens naturæ rationali, qua rationalis est, ex eo præcisè , quod secundum se decet , quamvis nullo modo delectet : jucundum est illud , quod naturæ sensitivæ , aut rationali conveniens est, ex eo præcisè , quod delectationem affert : utile est , quod est alicui conveniens, ex eo præcisè , quod conferat ad finem aliquem consequendum , licet alioquin neque deceat , neque delectet . Hoc supposito

Tres ab Aristotele assignantur species amicitiae , rationemque hujus divisionis reddit , quia species amicitiae desumuntur ab objectis ; ergo tot sunt species amicitiae , quot sunt objecta amabilia , seu bona : sed ex prenotatis objecta amabilia seu bona , tria sunt ; ergo & tres sunt amicitiae species . Rursus omnis ille amor est amicitia , cui competit definitio amicitiae : sed tribus speciebus assignatis competit definitio amicitiae : cum omnes sint benevolentia mutua non latens , ergo &c.

Notandum tamen, quod sicuti solum bonum honestum est absolute , & simplici-

placiter bonum ; reliqua verò sunt tantum secundum quid bona , atque adeo commune omnibus est nomen , ratio verò per ipsum significata est secundum quid eadem , secundum quid diversa , & sic tantum analogicè , non vero univocè conveniunt ; ita amicitie prædictæ convenientiam analogicam tantum habent inter se ; nam ratio benevolentie mutue non latentis convenit primò , per se , & simpliciter amicitie , quæ est ob bonum simpliciter , idest honestum ; aliis verò speciebus competit esse benevolentias mutuas non latentes propter similitudinem , quam habent cum amicitia , quæ est ob honestum ; unde amicitie propter jucundum , & utile , sunt amicitie per accidens . Cujus rei ratio manifesta est , quia amicitia quæ est inter eos , qui se mutuò amant non propter se , sed propter aliquod accidens , non est amicitia per se , sed per accidens : sed amicitia quæ est ob jucundum , & utile , talis est ; ergò non est amicitia per se , sed per accidens . De majori non est dubium , nam si amamus aliquem propter voluptatem , aut propter pecuniam , voluptas , & pecunia per se amantur , ille verò amatur ratione illarum , idest  
oq; non

oq; non per se, & ratione sui, sed per accidens. Minor pariter est clarissima, nam in prædictis amoribus principale amatum est voluptas, & pecunia; ergo secundario, & per accidens amatur persona, & sic amicitia cum illa est merè per accidens.

Ex his rectè deducitur quod sola amicitia propter honestatem, quæ est amicitia bonorum, (boni enim sunt, qui honestatem sequuntur) est simpliciter, & verè amicitia; reliquæ verò sunt amicitia secundum quid, & imperfectæ; unde fit, ut amicitia bonorum, cum sit fundata in virtute, quæ si ma, & stabilis est, perseveret semper; amant enim se mutuò gratia sui propter honestatem; unde nequit deficere amicitia ipsorum, nisi deficient ipsi, aut in ipsis honestas, quæ ut dixi, est secundum se permanens. At reliquæ amicitia cum fundentur in eo, quod est per accidens, ac proinde facile defectibile, non sunt diuturnæ, sed facile dissolvuntur, ad defectum voluptatis, aut utilitatis, quæ ex amico sperabatur; quare de amicis hujus generis vulgo circumferetur illud Ovidianum.

*Cum fueris felix multos numerabis  
amicos.*

*Tem-*



*Tempora si fuerint nubila, solus eris.*

Deducitur etiam, quod rara est amicitia perfecta, quia rara sunt, quæ habent causam difficilem: amicitia autem perfecta habet pro causa solam virtutem, quæ difficile comparatur. Aliud etiam adest talis veritatis motivum, quia nimirum non coalescit perfecta amicitia sine Prudentia, quam difficile est assequi. Denique quia cum amicitia, utpote *non latens* requirat, ut se invicem amantes perfecte cognoscant, ad hujusmodi autem cognitionem necessaria sit temporis diuturnitas, unde vetus proverbium est: *multos salis modios esse edendos, antequam perfecte cognoscatur homo*, fit, ut amicitia perfecta inter paucos reperiat.

## QVÆSTIO II.

*Quinam sint ad amicitiam inepti.*

**P**Rænotandum est hic cum Philosopho cap. 5. quod sicuti in cæteris virtutibus fit, ut in aliquibus hominibus sit earum habitus tantum e. g. dum fortis dormit, habet habitum fortitudinis, & non actum: in aliis autem cum habitu reperitur etiam actus, ut dum fortis operatur fortia, pugnando  
c. g.

e. g. pro patria , ita in amicitia fit ut aliqui habeant habitum ipsius , sed non actum , quia degentes in locis dissitis non convivunt , neque conversantur simul , nec sibi mutuò beneficia conferunt. Alii cum habitu amicitiae actum quoque habent , ut illi qui simul vivunt , sibi quoque mutuò beneficia conferunt . Qui primo modo se habent , dicuntur amici in actu primo ; qui verò secundo modo , dicuntur amici in actu secundo . Et quia ut alibi diximus ad conservandum habitum requiritur ut identidem fiat ejus actuum repetitio , & usus , propterea si diutius amici abstineant ab exercitio actuum amicabilium , facile dabitur oblivio amicitiae ; ad quod incommodum evitandum inventæ sunt epistolæ , & comparati in civitatibus tabellarii , qui eas ultro , citroque deferant , ne videlicet respublica maximi boni , quod est amicitia inter subditos , jacturam faciat ; vetustissimum enim est proverbium ; *taciturnitas complures amicitias dissolvit* . Actus ergo amicitiae sunt simul vivere , & conversari , sibi quoque mutuò beneficia conferre . His prænotatis

Dico senes , & severi sunt ad amicitiam ut plurimum inepti.

Prob.

Prob. quia inepti sunt ad amicitiam, qui sunt inepti ad ejus operationem exercendam; operatione enim fit, & conservatur diutius habitus: sed homines senes, & severi sunt inepti ad operationem amicitiae exercendam, cum enim ad convivendum, conversandum, & beneficia conferenda requiratur, ut homo sit jucundus, & liberalis: senes autem & severi, injucundi sunt, & avari; ergo sunt ad amicitiam inepti. Dixi, *ut plurimum*, nam quidam senes, (rari tamen, & sunt illi qui in juventute virtutibus operam dederunt,) cum ab honestis voluptatibus non abhorreant, & liberalitatem diligant, apti sunt ad convivendum, & conversandum cum hominibus, & ad mutuò beneficia conferenda, ideoque isti non sunt ad amicitiam inepti.

Quæres 1. an in omni amicitiae specie possit idem pluribus esse amicus.

Resp. in amicitia perfecta non potest quis pluribus esse amicus. In amicitia autem imperfecta potest. Ratio prioris partis est, quia amicitia perfecta est benevolentia in gradu summo: sed nequit respectu plurium esse benevolentia in gradu summo, nam cum humana benevolentia limitata, & finita

ta fit , eo ipso quòd ad plures extendatur , minuitur , & est remissa , atque adeo respectu nullius eorum erit in summo gradu , & ita non erit perfecta ; hoc significat Aristoteles hic cap. 6. dicens : *non fit autem ut amicitia perfecta multis quispiam sit amicus , quemadmodum nec ut complures simul adamet . Est enim exuperationi similis , quæ ultima verba significant rationem a nobis allatam , idest quia amicitia perfecta est summa amicitia .* Ratio posterioris partis est , quia in amicitia imperfecta , quæ est ob voluptatem , vel utilitatem potest unus multis placere , & satisfacere , quod est per se manifestum , atque adeo tali amicitia potest idem pluribus esse amicus .

Quæres 2. quænam ex amicitiiis imperfectis magis accedat ad perfectam ?

Resp. amicitiam ob jucunditatem magis accedere ad perfectam . Ratio est , quia amicitia ob jucunditatem est magis ingenua , & liberalis , quam ea , quæ est ob utilitatem , hæc enim intercedit inter eos , qui quæstui addicti , artes sordidas amplectuntur ; illa verò minimè .

Quæres 3. an alii præter senes & severos sint ad perfectam amicitiam inepti ?

Resp.

Resp. sæpe sæpius inepti ad illam sunt viri Principes, & in dignitate constituti. Ratio est, quia amicitia debet inter amicos communem quandam mensuram, & æqualitatem servare; sed viri Principes, & in dignitate constituti, cum excellant aliis potestate, ac dignitate, non habent talem æqualitatem; ergo sunt ad perfectam cum illis amicitiam inepti. Dixi *sæpe sapius*, ut adverterem non esse simpliciter, & semper ineptos, sed frequentissime, quia si cognoscant, quod quantum superant bonos potestate & dignitate, tantundem superantur virtute ab iisdem, & hac cognitione dirigente se demittant, & se bonis æquare non indignentur secundum quandam prudentiæ similitudinem, (quod tamen raro facere consueverunt) tunc apti ad perfectam cum illis amicitiam sociandam reddentur. Inde fit quod ut plurimum divisim, & distinctis amicis, idest imperfectis utuntur, aliis videlicet ad voluptatem tantum, ut facietis; aliis ad utilitatem tantum, ut militiæ ducibus, &c. non autem utuntur simpliciter bonis, idest qui simul honesti, jucundi, & utiles sint. Sed aliqua mox de huiusmodi amicitiae genere subdam.

## QVÆSTIO III.

*Virum datur Amicitia in excellentia  
consistens.*

**Q**Vando inter aliquos ea differentia intercedit, per quam alter est superior, & alter inferior, ut sunt pater & filius, senior & junior, vir & uxor, princeps & subditus, tunc in superiori dicitur esse excellentia, quia alium excellit; quæritur ergò an inter hos, & similes sit amicitia.

Dico datur amicitia in excellentia consistens.

Prob. quia inter eos datur vera amicitia, inter quos est mutua benevolentia non latens ob honestatem, nec deest æqualitas ad amicitiam sufficiens: sed inter habentes excellentiam hoc totum reperitur; ergò datur inter eos vera amicitia, & sic datur amicitia in excellentia consistens. Min pater, nam mutuò se diligunt non latenter pater & filius, junior et senior, si hic est jucundus: vir et uxor, princeps & subditus, si princeps se prudenter demittere non dedignetur, ergò &c. Nec inter ipsos deest æqualitas ad amicitiam sufficiens, nam sicuti in iustitia distribu-

tiva

va distantia dignitatis personæ principi a persona subditi non impedit æqualitatem proportionis geometricæ sufficientem ad veram iustitiam, si princeps & subditus sibi mutuò præstent, quæ alter alteri præstare debet, ita in amicitia excellentiæ, dummodo superior velit inferiori communicationem bonorum, convivat, & conversetur cum ipso ob honestatem, & inferior vicissim suas expleat functiones erga superiorem, hoc ipso eorum actiones habent æqualitatem proportionis geometricæ secundum similitudinem rationis, quæ æqualitas sufficit ad veram inter ipsos amicitiam firmandam. Hoc expresse docet Philosophus hic lib. 8. cap. 4. dicens: *at plus quidem, utrisque est ex amicitia tribuendum, non tamen ejusdem, sed excellenti quidem, honoris, egenti autem, lucri, & deinde subjungit, quod enim sit pro dignitate, id aquas & conservat amicitiam, ut est dictum, sic igitur, & iis est agendum, atque congregiendum, qui impares sum, & is, qui in pecuniis, aut virtute utilitatem accipit, reddat honorem oportet, id reddendo, quod potest.*

Infertur ex dictis, quod cum sapiens, idest, qui secundum virtutem vivit, præ-

præstet Deo obsequium , & honorem , qui ipsi debetur, Deusque vicissim ipsi sua conferat beneficia dari inter hominem sapientem & Deum vera amicitia potest ; quod expresse concludit Philosophus lib. 10. cap. 8. his verbis : *amicissimus igitur sapiens ipse Diis immortalibus est* . Nec habet hic locum quod diximus quæstione præcedenti , unum non posse amicitia perfectâ pluribus simul esse amicum , ratio enim a lata , inter homines militat , quia cum mutua ipsorum benevolentia finita sit , & limitata , minuitur magis ac magis , quoad plures extenditur : at divina benevolentia , & thesaurus bonorum ipsius infinitus est , proindeque non minuitur distributione in plures : imo ceteris paribus eo plus accrescit singulis , quod pluribus communicatur , quia singuli ut amici Dei , & amicorum ipsius , gaudent de bonis reliquorum , nec ullum dolendi motivum habent , cum ex eo , quod Deus pluribus sit amicus , nihil ipsi amittant .

Quæres quid sit excellentius amare , an amari ?

Resp. Philosophi sententia est , excellentius esse amare quam amari . Potissima ratio est , quia illud excellentius est ,  
quod



quod in hominibus magis laudatur : sed magis laudatur amare , quàm amari , solemus eos laudare qui suos amant amicos , cum econtra non appellamus laudabiles , qui amantur , ex hoc præcise , quod amantur ; ergò excellentius est amare , quàm amari .

## QVÆSTIO IV.

*Quanam spectant ad conservationem , & dissolutionem amicitia ?*

**Q**Voniam amicitia dissimilium specierum dicuntur non solum illæ , quæ in excellentia consistunt , sed etiam illæ ubi alter amat propter utilitatem , alter propter voluptatem , aut propter virtutem , quia habent diversa objecta , de his postremis quærendum hic est , quomodo conserventur , & quomodo dissolvantur .

Dico , amicitie dissimilium specierum conservantur per hoc , quod redigantur ad æqualitatem secundum similitudinem rationis .

Prob. quia per illa conservatur amicitia , per quæ producitur , juxta illud , quod conservatio est quasi continuata productio : sed amicitia dissimilium specierum producantur , ut superius in-

di-

dicatum est , per æqualitatem secundum similitudinem rationis : ergo per eandem conservantur ; quare si duo se invicem ament alter propter voluptatem , alter propter utilitatem , conservabitur amicitia per hoc , quod ad proportionem voluptatis , quam hic capit ex altero , respondeat tantundem utilitatis amanti propter utilitatem , & hic vicissim tantundem voluptatis ad proportionem utilitatis . Quod si alter in hoc deficiat , erit causa dissolvendi amicitiam . Quare notavit Philosophus quod talis defectus triplici modo oritur in hujusmodi amicitiiis , primò defectu amoris interni , quando videlicet amans amat , & vicissim ab altero non amatur : secundò defectu rerum externarum , scilicet , cum expetenti e. g. voluptatem , hæc non rependitur : tertiò cum expetenti unum quid , rependitur non illud , sed aliud e. g. si amanti voluptatem rependatur utilitas , vel expetenti utilitatem voluptas , tunc enim idem est , ac si nihil rependatur .

Dissolvendæ igitur erunt amicitiae tum ob prædictos defectus , tum ex inæqualitate superveniente , quia alter qui diligebatur ut studiosus , & honestus , factus est pravus , quia si vir honestus  
pravo

pravo permaneret amicus , videretur esse similis illi , cum amicitia honestorum sit inter similes . Non est tamen propter hoc statim amicitia dissolvenda , sed omni ope curandum est , ut qui pravus effectus est , ad bonam frugem reducatur , quandiù enim prudens spes est , ut sanari , & corrigi possit , non est deserendus , sed adjuvandus , nam longè laudabilius est subsidium huic ferre , quam indigentem pecuniis adjuvare , cum pecuniis præstabiliores sint amores , hoc totum expressè firmat Aristoteles hic lib. 9. cap. 3. his verbis : *Est ne igitur statim amicitia dissolvenda? an non omnis ? sed in qua est incurabilis ob pravitatem : qui autem emendari possunt , iis magis ferendum est in moribus auxilium , quàm in pecuniis , quanto præstabiliores sunt , & magis amicitia proprii .*

Quæres an homo felix indigeat amicis ?

Resp. indigere docet Philosophus hic cap. 9. primò quia felix est , qui bona omnia tum interna , tum externa habet : sed maximum inter bona externa est habere amicos ; ergò ut fælix sit fælix indiget amicis . Secundò quia fælicitas potius in actione , quam in passione consistit ; ergò ad fælicem spectat

potius beneficia conferre , quàm recipere : sed beneficia amicis presertim , conferuntur ; ergò ut sua conferat beneficia amicis indiget . Tertio quia cum homo sit animal civile , spectat ad eius fælicitatem vivere socialiter : sed societas est cum amicis ; ergo fælix indiget amicis .

Quæres 2. an plurimos expediat sibi amicos parare ?

Resp. in nulla amicitie specie id expedit ; nam in amicitia ob utilitatem , grave , ac laboriosum est plurimis subministrare quod expetunt ; unde si plurimi parentur amici , animus in angustias redigetur . In amicitia ob voluptatem sufficiunt pauci , cum enim amici voluptuosi se habeant veluti se habet in epulis condimentum , sicuti ineptum esset hoc nimis abundanter habere , ita & amicos voluptuosos adhibere plurimos ineptum est ; unde meritò Magnates illi vituperantur , qui maximam facierum turbam alunt . In amicitia ob honestatem , si adsint plurimi , cum nullo erit , ut supra vidimus , amicitia perfecta , sed cum singulis remissa , & imperfecta quod non expedit . Rursus debemus cum amicis simul vivere , conversari , & mutuò beneficia conferre :  
sed

sed hæc præstare cum plurimis difficillimum est , ac proindè non expediens . Tertio quia si plurimos quis habeat amicos , oportet ut illi sint etiam amici inter se : sed hoc est valde arduum . Quartò denique quia cum debeat amicus gaudere cum amico de gaudiis ipsius , & condolere de ejusdem adversis , si plurimi habeantur , sæpè fiet , ut simul , & gaudendum , & dolendum sit in diversis diversorum eventibus , quod difficillimum est ; ergò non expedit plurimos , sed in moderato numero , seu paucos habere amicos , juxta illud Hesiodi relatum ab Aristotele .

*Hospite ne careas ; Hospes neque pluribus esto .*

Quæres 3. an amicis magis opus sit in adversa , an verò in prospera fortuna ?

Resp. cum Philosopho hic cap. 11. in adversa fortuna magis est opus amicis utilibus , ob necessitatem subsidii . In prospera verò magis opus est amicis studiosis ob honestatem ; quare si attendatur necessitas , major est in adversis ; si attendatur honestas , est magis honestum amicos habere in prosperis . Præsentia amicorum , quæ in prosperis jucunda est , in adversis dolorem levat , cum enim amici præsentia voluptatem affe-

rat , quæ dolori contraria est , voluptate illa dolor minuitur ; quia tamen amico visitanti in adversis aliquem afferret dolorem amici calamitas ; tardè vocandus est , ne amicus amico sit causa doloris ; & quando necessitas vocare cogit , tunc est vocandus , cum multum prodesse potest afflicto cum prava sua molestia : in prosperis econtra , cito est vocandus , ut de amici bonis participet congaudendo ipsi . Qui verò scit amicum in calamitatibus versari , debet sponte cito , & non vocatus ad illum accedere ; munus enim amici est , amico beneficia conferre cum indiget , antequam ille requirat. Ad amicos autem in prosperis constitutos promptè accedendum est ad operandum cum illis , tardè verò ad exquirenda beneficia ; quæ tamen si conferant , recusanda non sunt , ne illi nos suis beneficiis contentos non esse suspicentur , indeque amor minuatur , sed mediocritas quædam in his omnibus secundum prudentiam tenenda est .

Præcipuum munus amicorum , & quod primò expetibile est in amicitia , est simul vivere , & conversari , tum quia per hoc maximè fovetur societas , & conservatur amicitia , tum quia sicut quisque

quisque se habet ad se ipsum, sic se habet ad amicum, cum amicus sit alter ipse, sed unicuique est maximè proprium se ipsum sentire, & secum vivere; ergò etiam erit cuique maximè proprium vivere, & conversari simul cum amico. Inde fit, quòd bonorum amicitia continua conversatione fit in dies magis bona, fiuntque ipsi semper meliores, se invicem bonorum communicatione juvando. Econtra verò improba est malorum amicitia, & evadunt illi quotidie deteriores, quia simul conversando pravitatem sibi mutuò communicant.



## DISPUTATIO VLTIMA

*De Voluptate, & Felicitate.*

**D**Eclaratis omnibus, quæ ad humanam felicitatem aditum parare posse videbantur nunc de ipsa felicitate, & voluptate, quæ ipsi conjuncta est aliqua proponere determinat Aristoteles, quæ nos pariter brevissimè cum ipso attingemus.

## QVÆSTIO I.

*Quinam sit conceptus, & causa voluptatis.*

**S**Vpponendum est cum Philosopho hic lib. 10. cap. 4. quod quælibet potentia percipiens suum objectum aliquam inde capit voluptatem, sic e. g. visiva potentia percipiens pulchrum, auris audiens musicam, &c. voluptate afficiuntur, ita ut quò melius disposita est potentia, & quò præstantius est objectum, quod percipitur, eo perfectior sit voluptas, unde dicitur quòd voluptas operationem perficit, non quia sit forma perfectiva operationis, sed quia resultat ex operatione perfecta in  
suo



suo genere, eo modo, quo pulchritudo hominis dicitur perfectio floris ætatis bene dispositi, non quia sit forma perficiens, sed quia est pullulans ex ipso ætatis flore bene disposito. His suppositis

Dico, voluptas est quies potentiæ in bono.

Prob. quia voluptas est id quod resultat ex perfecta operatione potentiæ circa proprium objectum; unde quò perfectior est operatio, & nobilius objectum, quod attingitur, eò maior est voluptas; sed id quod resultat ex operatione perfecta est quies in proprio objecto, scilicet in bono ipsius potentiæ; ergò voluptas est quies potentiæ in bono. Min. patet, nam quod resultat ex motu, seu qui est ultimus terminus, & perfectio motus, est quies: sed operatio est quidam motus; ergò quod resultat ex operatione, seu ultimus terminus & perfectio operationis est quies, non habetur autem quies nisi in bono proprio; ergò voluptas est quies potentiæ in bono proprio. Voluptas porro si sit potentiæ sensitivæ dicitur proprie delectatio: si sit potentiæ rationalis, dicitur gaudium, licet lato modo delectatio pro gaudio, & hoc pro delecta-

tione aliquando usurpetur.

Ob. Voluptates corporales non habent rationem quietis, sed potius causando sitim, & aviditatem inquietant animum, unde communiter comparantur hydropi, de qua dicitur

*Quò plus sunt pota, plus sitiuntur  
aque.*

Rursus tales voluptates se mutuò impediunt, & dolores, ac mala pariunt; unde monebat Horatius

*Sperne voluptates; nocet empti do-  
lore voluptas.*

Sed quæ sunt hujusmodi non habent rationem quietis; ergò voluptates corporales non sunt quies.

Resp. quod voluptates corporales non causant per se, & formaliter quæ tales sunt, sitim, aviditatem, & inquietudinem, sed id sequitur per accidens ad illas, quia nimirum, cum delectabilia sensuum transitoria sint, & propterea indigeant assidua successione unius post aliud, fit ut dum sensus præsentem experitur delectationem, intellectus cognoscat delectabilia absentia, & necessitatem eorundem ad hoc, ut continuetur delectatio, ac proinde sitim eorum excitet, & inquietudinem; quare non oritur ex ipsa delectatione  
sitis,

fitis , & inquietudo , sed ex illa cognitione adjacenti , seu mere objective . Nec delectationem impedit per se , & formaliter , sed per accidens , quatenus ipsa delectabilia habent inter se mutuatam impossibilitatem . Dolores vero , & mala provenientia delectanti non habent originem a delectatione , ut delectatio est , sed a nimietate , qua vires sensitivæ defatigantur .

Ex eo quòd voluptas sit quies potentiae in bono , sequitur , quod bonum quietativum potentiae sit causa voluptatis : & quia bonum non est quietativum potentiae nisi quatenus possessum , si enim absens sit , & non possideatur , causat potius concupiscentiam , quæ quies non est ; bonum præsens possessum est causa voluptatis . Possessio autem hujusmodi est idem ac cognitio boni conjuncti potentiae , nam in eo consistit possessio boni , per quod bonum subjicitur , & subordinatur appetitui tanquam dominanti ; subjicitur autem , & subordinatur illi per solam cognitionem conjunctionis ipsius , ac propterea in hac cognitione possessio ipsius consistit , quare ex cognitione boni conjuncti resultat voluptas , quæ proinde tanto major est , quanto major , & in  
ti

timior est cognitio boni conjuncti , appetitus enim cum non feratur ad bonum ut est in se , sed ut est in cognitione , mensura proxima voluptatis est ipsa cognitio boni conjuncti ; unde fit ut si quis habeat quidem præsens bonum , sed non cognoscat illud esse sibi conjunctum , quia nescit esse suum , seu a se possessum , non delectatur , nec voluptatem ex illo capit : at si cognoscat esse sibi conjunctum , seu esse a se possessum , statim voluptate perfunditur e.g. si quis præsentem habeat pecunię magnam quantitatem , & non cognoscat esse suam , non capit voluptatem ex illa : at statim accipit in cognitionem illam esse suam , gaudet , & delectatur eò magis , quò major est cognitio illius boni sibi conjuncti .

Quæres 1. quænam sit causa cur nemo continue voluptatem capit ?

Resp. quia homo defatigatur operando : vel enim exercet operationes sensitivas , vel rationales : si sensitivas , cum hæ immediate per instrumenta corporea exercentur , ipsa instrumenta defatigantur : si rationales , licet hæ immediate non exercentur instrumento corporeo , tamen mediate , & remote pendent ab illo , *Oportet enim intelligentem phantasmata speculari ut inquit*

quit Philosophus , atque adeo cum defatigentur instrumenta subministrantia phantasmata etiam in operationibus rationalibus defatigatur homo , & ita remittitur , & cessat operatio , atque adeo etiam voluptas ex illa resultans .

Quæres 2. cur in principio , cum res novæ a nobis cognoscuntur , magis delectamur , quam postea cum illis assuevimus ?

Resp. quia cum res novæ apparent , mens ad cognitionem magis intensam applicatur ; quare cum cognitio illa fiat vehementior , & intensior , etiam voluptas , quæ illam comitatur , major est , ac intensior . At postea cum remittatur cognitio , quia mens minus se applicat ad rei illius considerationem , remittitur etiam voluptas , quæ , ut dictum est , ad mensuram operationis semper resultat .

Quæres 3. cur omnes voluptatem appetant ?

Resp. quia omnes appetunt vivere , secunda vita , idest , non ut dormiant , sed ut operentur , & quidem perfectè circa ea quæ maximè amant e. g. avarus ut opes possideat , musicus ut harmoniam decantet , sapiens ut contempletur : cum ergò voluptas , ut dictum

est , sit perfectio operationis , necesse  
omino est , ut qui operationem appe-  
tit , etiam voluptatem appetat , ideo-  
que cum omnes velint perfectam ope-  
rationem , volunt pariter voluptatem.

Quæres 4. quot , & quinam sint  
voluptatis effectus ?

Resp. quatuor sunt voluptatis effe-  
ctus , videlicet , dilatatio cordis , desi-  
derium boni delectantis , perturbatio u-  
sus rationis , & vis perfectiva operationis.

Primus effectus , nempe dilatatio  
cordis , comparatione ad substantiam  
animæ , tribuitur ipsi metaphorice , nam  
delectatio est quasi quædam accepta-  
tio , & introductio boni præsentis  
in animam per possessionem illius : si-  
cuti ergò cum unum corpus introduci-  
tur in aliud e. g. cibus in os , hoc di-  
latatur , ita cum in animam introducitur  
bonum possessum , quasi dilatatur ani-  
ma ad proportionem boni , quod in-  
troducitur . Comparatione verò ad cor-  
pus , dilatatio ex voluptate tribuitur  
propriè corpori , vere enim corpus di-  
latatur , nam quilibet affectus immutat  
organum corporeum a quo dependet ,  
secundùm peculiarem naturam & con-  
ditionem suam , quæ pendet ex præce-  
denti apprehensione , per quam diri-

gitur : cum igitur voluptas pendeat ex apprehensione boni presentis possessi, seu ingredientis in substantiam animalis, operatur in organo animalis quandam transmutationem dilatativam sufficientem ad recipiendum bonum, quod ingreditur : hoc autem facit diffundendo sanguinem, & spiritus vitales, in quibus præcipue est calor, qui cum sit rarefactivus, & dilatativus corporis ad majus spatium, verè dilatat cor, & reliquas corporis partes, & hoc tanto magis, quanto majus per præviam apprehensionem apparet bonum, quod subintrat, quare factum est aliquando ut præ nimia dilatatione non sufficientibus spiritibus vitalibus ad sustinendum in esse corpus, quod nimium erat dilatatum, illicò mortuum sit animal. Ab hac dilatatione voluptas dicta est lætitia, quasi quædam latitia.

Secundus effectus, nempe fitis, seu desiderium boni delectantis sumi potest dupliciter, positivè, & negativè. Positivè sumitur pro conatu tendente ad bonum absens : negativè sumitur pro exclusionem fastidii. Voluptas si sensibilem sit, causat indirectè, & per accidens sitim, & desiderium, quia, ut superius dixi, cum adsit simul cum præ:

præsenti delectabili cognitio delectabilis absentis, cujus pars delectabile præsens, vel ad quod præsens delectabile disponit, & cognoscatur, quod ad continuandum in delectatione, quam experimur, esset necessaria præsentia, & possessio illius alterius delectabilis, quod abest, fit ut desideretur hoc, atque adeo cum præsenti voluptate delectabilis possessi, habetur simul sitis & desiderium crucians alterius delectabilis. In voluptate verò spirituali si sit perfecta possessio boni, ut est voluptas Beatorum, idest sitis mere negativa, idest exclusio omnis fastidii, juxta quod dicitur de objecto beatificante: *in quem desiderant Angeli prospicere*. Si vero sit imperfecta possessio boni, datur sitis positiva, quia desideratur positivè major & intimior cognitio conjunctionis, seu possessionis illius boni, ex quo imperfectè cognito nunc capitur aliqua voluptas, quæ concupiscitur ulterior & ulterior usque ad maximum ipsius complementum, ita cognitio viatoris erga Deum, & voluptas illa sitim & desiderium accendit perveniendi ad perfectam ejusdem cognitionem & possessionem, & per consequens ad perfectam voluptatem.

Ter.



Tertiò voluptatis effectus habet locum in voluptatibus corporalibus, non autem in spiritualibus, quia cum voluptates spirituales ex ipso usu rationis proveniant, idest ex perfecta quadam rationis conjunctione cum honesto, perficiunt ipsam operationem rationis, atque adeo potius rationem illustrent, quam perturbent. In delectationibus verò corporalibus non modo perturbatur, sed extinguitur aliquando ipse usus rationis, & hoc ex duplici capite. Primò quia voluptas acuit applicationem animi, & virium ejus ad objectum sensibile, quod delectat, undè vehementius illa applicatio ad bonum sensibile impedit attentionem rationis ad intelligibilia; & quia quò major est conjunctio cum tali bono, majorque proinde voluptas, & vehementior est applicatio animi ad sensibilia, & diversio ab intelligibilibus, & major est rationis excecatio, & perturbatio. Secundo quia, ut dixi, corporalis voluptas transmutat organum corporeum, & humoribus excitatis, & confusis dimovet organum a statu temperato & connaturali partium, qua perturbatione redditur organum corporeum minus aptum ad suppeditanda debita phantasma-

ma-

mata intellectui , & sic minuitur usus rationis , qui melius exerceri solet , quando organum corporeum in medio-cri temperie permanet, aliquando tanta est organi corporei perturbatio , ut extinguatur totaliter usus rationis , ut manifestum est in voluptate ebrietatis , & similibus.

Quartus effectus voluptatis competit omni voluptati tam spirituali , quam corporali , tum quia , ut superius dixi , omnis voluptas ex operatione perfecta vel physice , vel moraliter resultat ; tum quia experti delectationem ex operatione resultantem , incumbimus vehementius ad operandum , & majori constantia in illa operatione perseveramus , quia exoptantes augmentum voluptatis , augemus conatum in operatione , ex qua illa redundat ; unde natura voluptatem sinceram , & sine amaritudinis mixtione operibus bonis adjunxit , ut hac esca hominem ad bonum operandum efficacius , & perseverantius traheret .

Hinc patet quam alieni sint a Prudentia , & recto operandi modo illi , qui præsunt aliis , quando asperitate , ac dolore putant sibi subditos ad honestam operationem , & in ea perseve-  
ran-

rantiam trahere , nam voluptate sub-  
blata , remouent bonæ operationis , &  
perseuerantiæ escam , ejusque loco sub-  
stituunt id , quod ab operatione bona ,  
& perseuerantia in ipsa retrahit , &  
absterret , qualis est asperitas , & do-  
lor . Caveant ergo parentes , præce-  
ptores , & universaliter omnes cujusvis  
generis , conditionis , & notæ superi-  
ores ab aspero , & severo operandi mo-  
do cum iis , qui sunt sibi subditi , nec  
eos ad virtutem asperitatibus , sed vo-  
luptatis lenociniis allicere satagant , a-  
lioquin voluptate ab operatione subla-  
ta , tum potestatis , tum virtutis potius o-  
dium , quam amorem ipsis instillabunt ,  
& in suam , eorumque perniciem plu-  
rimorum causa malorum existent ; Hac  
enim ratione , per voluptatem , scili-  
cet , ad virtutes allicere , non modo  
natura nos docet , sed quod præ oculis  
semper habere debemus , Servatoris no-  
stri exemplum & doctrina , unice in  
charitate , qua nihil dulcius , & delecta-  
bilis , fundata , mirabiliter erudiunt ;  
unde stomachosè de se ipso præsumit ,  
qui diversum cum sibi subjectis agendi  
modum ab illo , qui in mansuetissimæ  
charitatis voluptate a Domino positus  
est , adhibendum existimat ; & si qui  
pro-

propter ejus asperitatem , quod ut plurimum fit , a virtute abhorrebunt , & seculi vitiis se tradent , eorum sanguinem de manu ipsius requireret iudex , qui iudicium se sine misericordia facturum illis minatur , qui cum proximo suo misericordiam non fecerint , quæ sine benignitate , & mansuetudine non est .

Concludendum ex hæcenus dictis est , quod cum voluptas , & operatio perfecta , quæ ipsum fundamentum est , sit finis omnium operantium , finis autem cum sit mensura , & regula eorum , quæ sunt ad finem , sequitur , quod voluptas , & operatio ad quam subsequitur , est mensura , & regula bonitatis cæterorum omnium tum affectuum , tum obiectorum , respectu uniuscujusque ; & quoniam in eo concreto ex operatione , & voluptate , habet voluptas quandam rationem specialem finis , quatenus voluptas est ultimus terminus , ultra quem non progredimur , propterea voluptati præcipue tribuitur hoc , quod sit regula , & mensura bonitatis , & ideo Aristoteles hic lib. 7. cap. 11. illam appellat finem architectum , id est principalem , ad quem respicientes , de bonitate & malitia cæterorum iudicamus . *Hic enim Architectus est finis ,*

*nis, ad quem respicientes, unumquodque aut malum, aut bonum simpliciter dicimus. Summa ergò voluptas erit de summo bono, quod cum respectu hominis sit Deus, respectu verò brutorum sit supremum tangibile, sit, mensuram & regulam humanarum omnium voluptatum esse voluptatem circa Deum: mensuram verò & regulam voluptatum brutorum esse voluptatem mutui contactus brutorum quatenus sibi invicem congruunt in singulis speciebus; unde humanæ illæ voluptates, quæ vel impediunt, vel minunt voluptatem circa Deum in patria fruendum, eo ipso malæ sunt; quæ verò ad illam conferunt per se, bonæ sunt; quæ verò neque conferunt ad illam, nec impediunt, aut minuunt, sunt bonæ tantum naturaliter, & physicè, sine tamen ulla vel bonitate, vel malitia morali.*

## QVÆSTIO VLTIMA

*De Hominis Felicitate.*

**P**OST traditam doctrinam de Virtutibus, Amicitia, & Voluptate, quæ sunt media ad humanam fælicitatem conducentia, superest ultimo loco cum Philosopho aliquid breviter de ipsa fæ-

fælicitate dicere ; nec cuiquam hoc fupervacaneum videbitur ex eo , quòd de ipsa initio tractatum fit , nam cum finis sit primum in intentione , & ultimus in executione , debuimus de illo primo pariter , & ultimo loco agere .

Fælicitatem non esse habitum demonstrat Philosophus , tum quia si esset habitus inesse posset dormienti per totam vitam , & se habenti instar plantæ , quod est absurdum : tum quia posset inesse homini constituto in calamitatibus , cum in eo non repugnet perleverare habitus , & sic calamitate pressus esset simul fælix & infælix , quod pariter absurdum est . Fælicitas igitur consistit in actu , seu operatione , & quidem cum fælicitas sit bonum per se expetibile , non potest consistere in quavis operatione , sed solum in ea , quæ per se expetibilis est : talis autem operatio non est nisi a virtute ; igitur fælicitas naturalis hominis consistit in operatione naturali secundum virtutem : & quidem in operatione perfectissima , cum fælicitas sit quid perfectissimum : operatio autem naturalis perfectissima est contemplatio , seu cognitio naturalis cum amore summi boni ; igitur in hac operatione fælicitatem humanam naturalem consistere

stere concludendum est : fælicitatem, intellige *formalem*, nam objectivam esse ipsum summum bonum satis initio dictum est . Cum igitur & contemplando , & amando Deum summè bonum fiat sapiens amicus Deo , in vita contemplativa & activa ejus fælicitas reponi debet ; unde concludit Philosophus : *amicissimus igitur sapiens ipse diis immortalibus : eundem autem conveniens est & fælicissimum esse .*

Cum ergò de virtute , qua homo fit sapiens , & Deo charus , & fælix , dictum sit , non debemus hac esse cognitione contenti , sed ipsi virtuti tum, intellectivæ , tum morali sedulam navare operam : ut enim Philosophus inquit hic cap. 9. *Non est in hoc rebus agendi finis , perspexisse, cognovisseque, singulas , sed potius agere . Nec de virtute scire jam est , sed enitendum est ipsam habere , ac uti : vel si quo alio modo boni efficiamur .*

Te igitur o incomprehensibilis Veritas, & immensa Bonitas Deus oro, quæsoque , ut menti lumen ad te contemplandum , cordi ad te super omnia diligendum amoris flammæ suppedites, ne nos de fælicitate discentes fælicitas sempiterna destituat.

**F I N I S .**

*Admod. R. D. Canonc. Io: Felix de Carlieris perlegat diligenter presentem librum cui titulus est Cosmus Philosophicus, & recognoscat an adsit aliquid S. Fidei Orthodoxa adversum, & bonis moribus absonum, & referat. Dat. 13. Maij 1692. Nicolaus de Castell. V. G.*

*Illustris. Domine.*

*Librum hunc, cui titulus est Cosmus Philosophicus, quo maiori potui studio perlegi, sed nec minori animi voluptate: Immunem enim non solum reperi ab eo, quod S. Fidei Orthodoxa, bonisque moribus adversetur, verum iis refertum, partibus, quibus iure factum esse intellexi, ut summis, summisque votis ab universa litteratorum republica, tandiu fuerit expetitus: quare ut juris publici fiat iustissimum puto.*

*Dat. Flor. 14. Kal. Iunij. 1692.*

*Ioannes Foelix, de Carlieris.*

*Attenta suprad. relat. Imp. 19. Maij 1692.*

*Nicol. de Castell. V. G.*

*Admod. R. P. Magister Badij Ord. Præd. Consult. huius S. Off. diligenter legat presentem librum cui titulus est Cosmus Philosophicus, & recognoscat an in eod. re-*



periatur aliquid contra S. Fidem, & bonos mores, & referat. Dat. in S. Off. Flor. hac die 9. Iunij 1692.

F. Ludou. Petronius de Laud. min.  
Conv. V. G. S. Off. Flor.

*Cosmi Philosophici huius Tomũ quintum in-  
offenſo imbecillis intellectus mei percur-  
rens pede; cum nullum proſectò in ſedu-  
la eius lectura, habuerim offendiculum,  
typis ſecurè, ac tuto tradendum reor,  
cum alijsque iam impreſſis annumeran-  
dum, ut ſic pluſquam docti, ac eruditi  
Auctoris, magis magisque acuta ac  
praclara, quamquam cum ſingulari bre-  
vitate conjuncta, praſulgeat Doctrina  
ſplendor, eumque merito laudent Cos-  
mi Litterarij, Microcosmi omnes, Se-  
nes cum Junioribus, in quorum eſt com-  
modum a tam ſapienti editus Viro. Ita  
a recta cogor Juſtitia ingenuè atteſtari,  
hac die 11. menſis, & anni praefati, in  
S. M. Novellæ Florentino Aſceterio.*


Ego F. Raphael Badius Conſultor,  
qui ſupra, manu propria.

*Attenta ſuprapoſita atteſtat. Imp. Dat. in  
S. Off. Flor. die 3. Iunij 1692.*

F. Ludou. Petron. de Lauda min. Conu.  
V. G. S. Off. Flor.

Robertus Pandolphinius.

AAAAAAAAA  
2550391A  
VVVVVVVVV





B.12.6.183



B.N.C.F.

